

花庵词选

黄昇

文硕阁

wenshuoge.com

目录

关于我们	3
提要	5
序	6
卷一	7
卷二	24
卷三	36
卷四	45
卷五	53
卷六	62
卷七	71
卷八	80
卷九	88
卷十	91
续集卷一	96
续集卷二	112
续集卷三	126
续集卷四	138
续集卷五	152
续集卷六	165
续集卷七	176
续集卷八	188
续集卷九	198
续集卷十	209

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

钦定四库全书 集部十

花庵词选 词曲类二【词选之属】提要

【臣】等谨案花庵词选十卷续集十卷宋黄升辑升字叔旻号玉林又号花庵词客以所居有玉林又有散花庵也毛晋刻六十家词以升作旻以叔旻作叔阳而诸本实多作黄升考此书旧传刊本又题曰黄□而诗人玉屑前有升序世所传翻刻宋本犹钩摹当日手书亦作黄□检此书序末尚有当时姓名小印实作□字盖许慎说文升字篆文作□升特以篆体署名故作□字晋不考六书妄改为旻殊为舛谬至叔阳乃卢炳之字炳即作哄堂词者晋乃移而为升之字益桃僵李代矣此乃所选南宋词人之作自康与之至洪璚凡八十八家而以已作附录于末共七百五十余首即所称中兴以来绝妙词选者是也其意盖欲以继赵宏祚花间集曾慥乐府雅词之后故搜罗颇广又于作者姓氏下各缀数语略具始末亦足以资考核惟所裒词人只有此数而自序乃云得数百家则未免夸词非其实耳升论词最服膺姜夔故所录多典雅清俊非草堂诗余专取俗体者可比又草堂诗余刻本多讹字及失名者而此犹旧帙于彼此并收之作亦可互相参证云乾隆四十六年九月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

序

长短句始于唐盛于宋唐词具载花间集宋词多见于曾端伯所编而复雅一集又兼采唐宋迄于宣和之季凡四千三百余首吁亦备矣况中兴以来作者继出及乎近世人各有词词各有体知之而未见见之而未尽者不胜算也暇日裒集得数百家名之曰絶妙词选佳词岂能尽録亦尝鼎一脔而已然其盛丽如防金张之堂妖冶如揽嫫施之祛悲壮如三闾豪俊如五陵花前月底举杯清唱合以紫箫节以红牙飘飘然作骑鹤扬州之想信可乐也亲友刘诚甫谋刊诸梓传之好事者此意善矣又録予旧作数十首附于后不无珠玉在侧之媿有爱我者其为删之淳祐己酉百五玉林

卷一

钦定四库全书

花庵词选卷一 宋 黄升

辑唐词【凡看唐人词曲当看其命意造语工致处盖语简而意深所以为奇作也】

李太白

名白号青莲居士贺知章号之为谪仙

菩萨鬘【二词为百代词曲之祖】

平林漠漠烟如织寒山一带伤心碧暝色入高楼有人楼上愁
玉阶空伫立宿鸟归飞急何处是归程长亭连短亭

忆秦娥

箫声咽秦娥梦断秦楼月秦楼月年年柳色霸陵伤别乐游原上清秋节咸阳古道音尘绝音
尘绝西风残

照汉家陵阙

清平乐令【翰林应制 按唐吕鹏退云集载应制词四首以后二首无清逸气韵疑

非太白所作】

禁庭春昼莺羽披新绣百草巧求花下鬪只赌珠玑满斗
日晚却理残妆御前闲舞霓裳谁道腰支窈窕折旋消得君王

又

禁闱秋夜月探金窻罅玉帐鸳鸯喷沉麝时落银灯香爇
女伴莫话孤眠六宫罗绮三千一笑皆生百媚宸游教在谁边

清平调辞【沈香亭应制 古词多只四句】

名花倾国两相欢长得君王带笑看解释春风无限意沈香亭北倚阑干

又

一枝红艳露凝香云雨巫山枉断肠借问汉宫谁得似可怜飞燕倚新妆

又

云想衣裳花想容春风拂槛露华浓若非羣玉山头见防向瑶台月下逢

白乐天

名居易号香山居士

长相思【闺怨二词非后世作者所及】

深画睂浅画睂蝉鬓鬋髻云满衣阳台行雨迴巫山高巫山低暮雨潇潇郎不归空房独守时

又【此词上四句皆谈钱塘景】

汴水流泗水流流到州古渡头呉山防防愁思悠悠恨悠悠恨到归时方始休月明人倚楼

王建

有宫词百首甚工

古调笑

团扇团扇美人竝来遮面玉顔顚顚三年谁复商量管弦弦管弦管春草昭阳路断

又

蝴蝶蝴蝶飞上金花枝叶君前对舞春风百叶桃花树红树红树燕语莺啼日暮

又

罗袖罗袖飘舞春风已旧遥看歌舞玉楼好日新妆坐愁愁坐愁坐一世虚生虚过

又

杨柳杨柳日暮白沙渡口船头江水茫茫商人少妇断腸腸断腸断鷓鴣夜来失伴

三台令【一名翠华引】

池北池南草绿殿前殿后花红天子千秋万岁未央明月清风

又

鱼藻池边射鸭芙蓉苑里看花日色赭黄相似不着红鸾扇遮

徐昌图

木兰花令

沈檀烟起盘红雾一翦霜风吹绣户汉宫花面学梅妆谢女雪诗裁柳絮
长垂天幕孤鸾舞旋炙银笙双凤语红窗酒病对寒水永觉相思无梦处

张志和

字子同婺州金华人居江湖自称烟波钓徒着 真子亦以为号每垂钓不设饵志不在鱼也

渔歌子五首【极能道渔家之事】

西塞山前白鹭飞桃花流水鳜鱼肥青箬笠绿蓑衣斜风细雨不须归

又

青草湖中月正圆巴陵渔父棹歌连钓车子橛头船乐在风波不用仙

又

松江蟹舍主人欢菰饭莼羹亦共飡枫叶落荻花干醉宿渔舟不觉寒

又

霅溪湾里钓渔翁舴艋为家西复东江上雪浦边风笑着荷衣不叹穷

又

钓台渔父褐为裘两两三三舴艋舟能纵棹惯乘流长江白浪不须忧

温庭筠

词极流丽宜为花间集之冠

菩萨鬘

小山重叠金明灭鬓云欲度香腮雪懒起画蛾眉弄妆梳洗迟
照花前后镜花面交相映新着绮罗襦双双金鹧鸪

又

南园满地堆轻絮愁闻一霎清明雨雨后却斜阳杏花零落香
无言匀睡脸枕上屏山掩时节欲黄昏无聊独倚门

又

翠翘金缕双鸂鶒水文细起春池碧池上海棠梨雨晴红满枝
绣衫遮笑靥烟草粘飞蝶青对芳菲玉关音信稀

又

水精帘里玻璃枕暖香惹梦鸳鸯锦江上柳如烟鴈飞残日天
藕丝秋色浅人胜参差翦双鬓隔香红玉钗头上风

更漏子

柳丝长春雨细花外漏声迢递惊塞雁起城乌画屏金鹧鸪
香雾薄透帘幕惆怅谢家池阁红烛背绣帘垂梦长君不知

又

玉炉香红防泪偏照画堂秋思眉翠薄鬓云残夜长衾枕寒
梧桐树三更雨不道离情正苦一叶叶一声声空阶滴到明

又

背江楼临海月城上角声呜咽堤柳动岛烟昏两行征鴈分
京口路归防渡正是芳菲欲度银烛尽玉绳低一声村落鸡

又

星斗稀钟鼓歇帘外晓莺残月兰露重柳风斜满庭堆落花
虚阁上倚防望还似去年惆怅春欲暮思无穷旧欢如梦中

清平乐令

洛阳愁绝杨柳花飘雪终日行人恁攀折桥下水流呜咽
上马争劝离觞南浦莺声断肠愁杀平原年少回首挥泪千行

河传

湖上闲望雨萧萧烟浦花桥路遥谢娘翠娥愁不销终朝梦魂迷晚潮
荡子天涯归棹远春已晚莺语空肠断若耶溪溪水西柳堤不闻郎马嘶

韦庄

西蜀宰相

菩萨鬘

洛阳城里春光好洛阳才子他乡老柳暗魏王隄此时心转迷
桃花春水绿水上鸳鸯浴凝恨对残晖忆君君不知

又

人人尽说江南好游人只合江南老春水碧于天画船听雨眠
垆边人似月皓腕凝霜雪未老莫还乡还乡须断肠

应天长

绿槐阴里黄莺语深院无人春昼午画帘垂金凤舞寂寞绣屏香一缕
碧天云无定处空有梦魂来去夜夜绿窗风雨断肠君信否

清平乐令

野花芳草寂寞关山道柳吐金丝莺语早惆怅香闺暗老
罗带悔结同心独凭朱栏思深梦觉半床斜月小窗风触鸣琴

谒金门

空相忆无计得传消息天上嫦娥人不识寄书何处覓新睡觉来无力不忍看伊书迹满院落花春寂寂断

肠芳草碧

小重山

一闭昭阳春又春夜寒宫漏永梦君恩卧思陈事暗销魂罗衣湿红袂有啼痕歌吹隔重阁绕庭芳草绿倚长门万般惆怅向谁论凝情立宫殿欲黄昏

木兰花令

独上小楼春欲暮望断玉关芳草路消息断不逢人却敛细睂归绣户坐看落花空叹息罗袂湿斑红泪滴千山万水不曾行魂梦欲教何处覓

薛昭蕴

浣溪沙

握手河桥柳似金蜂须轻惹百花心蕙风兰思寄清琴意满便同春水满情深还似酒杯深楚烟湘月两沈

沈

又

倾国倾城恨有余几多红泪泣姑苏倚风凝睇雪肌肤吳主山河空落日越王宫殿半平芜藕花菱蔓满重

湖

小重山

春到长门春草青玉堦华露滴月胧明东风吹断紫箫声金炉冷帘外晓啼莺愁极梦难成残妆和宿泪不胜情手按裙带绕花行思君切罗幌暗尘生

又

秋到长门秋草黄画梁双燕去出宫墙玉箫无复理霓裳金蝉坠鸾镜掩休妆
忆昔在昭阳舞衣红绶带綉鸳鸯至今犹惹御炉香魂梦断愁听漏更长

谒金门

春满院疊损罗衣金线睡觉水精帘未卷檐前双语燕斜掩金铺一扇满地落花千片早是相思肠欲断忍

教频梦见

牛峤

更漏子

南浦情红粉泪争奈两人深意低翠黛卷征衣马嘶霜叶飞
招手别寸肠结还是去年时节书托鴈梦归家觉来江月斜

菩萨蠻

舞裙香暖金泥鳳画梁语燕惊残梦门外柳花飞玉郎犹未归
愁匀红粉泪睂翦春山翠何处是辽阳锦屏春昼长

张泌

浣溪沙

枕障熏炉隔绣帏二年终日两相思杏花明月始应知天上人间何处去旧欢新梦觉来时黄
昏微雨画帘

垂

又

翡翠屏开金幄红谢娥无力晓妆慵锦帷鸳被宿香浓微雨小庭春寂寞燕飞莺语隔帘栊杏
花凝恨倚东

风

满宫花

花正芳楼似绮寂寞上阳宫里钿笼金锁睡鸳鸯帘冷露华珠翠
娇艳轻盈香雪腻细雨黄莺双起东风惆怅欲清明公子桥边沈醉

江城子【唐词多无换头如此词两段自是两首故两押情字今人不知合为一首则误矣】

碧阑干外小中庭雨初晴晓莺声飞絮落花时节近清明睡起卷帘无一事匀面了没心情
又

浣花溪上见卿卿眼波明黛眉轻高绾绿云金簇小蜻蜓好事问他来得麽还笑道莫多情

毛文锡

醉花间

休相问怕相问相问还添恨春水满塘生鸂鶒还相趁昨夜雨霏霏临明寒一阵偏忆戍楼人
久绝边庭信

又

深相忆莫相忆相忆情难极银汉是红墙一带遥相隔金盘珠露滴两岸榆花白风摇玉佩清
今夕为何夕

河满子

红粉楼前月照碧纱窗外莺啼梦断辽阳音信那堪独守香闺恨对百花时节王孙绿草萋萋

更漏子

春夜阑春恨切花外子规啼月人不见梦难凭红纱一防灯
偏怨别是芳节庭下丁香千结宵雾散晓霞辉梁间双燕飞

牛希济

生查子

春山烟欲收天澹星稀小残月脸边明别泪临清晓语已多情未了回首犹重道记得绿罗裙

处处怜芳草【一本无已字】

谒金门

秋已暮重叠关山岐路嘶马摇鞭何处去晓禽霜满树梦断禁城钟鼓泪滴枕檀无数一防凝
红和薄雾翠

蛾愁不语

欧阳炯

浣溪沙

落絮残莺半日天玉柔花醉只思眠惹窗映竹满炉烟独掩画屏愁不语斜欹瑶枕髻鬟偏此
时心在阿谁

边

贺圣朝

忆昔花前相见后只凭纤手暗抛红豆人前不解巧传心事别来依旧孤负春昼
碧罗衣上蹙金绣靛对对鸳鸯空裊泪痕透想韶颜非久终是为伊只恁偷瘦

玉楼春

日照玉楼花似锦楼上醉和春色寝绿杨风送小莺声残梦不成离玉枕
堪爱晚来韶景甚寶柱秦箏方再品青蛾红脸笑来迎又向海棠花下饮

菩萨鬘

红炉暖阁佳人睡隔帘飞雪添寒气小院奏笙歌香风簇绮罗
酒倾金盏满防烛重开宴公子醉如泥天街闻马嘶

和凝

石晋宰相

采桑子

螭蛸领上诃梨子绣带双垂椒户闲时竞学樗蒲赌荔支
丛头鞋子红编细裙窄金丝无事嚬眉春思翻教阿母疑

喜迁莺

晓月坠宿云披银烛锦屏帷建章钟动玉绳低宫漏出花迟
春态浅来双燕红日渐长一线严妆欲罢啜黄鹂飞上万年枝

薄命女

天欲晓宫漏穿花声缭绕窗里星光少
冷霞寒侵帐额残月光沈树杪梦断锦帏空悄悄强起愁眉小【又一本名长命女】

小重山

春入神京万木芳禁林莺语滑蝶飞狂晓桃凝露妬啼妆红日永风和百花香
烟锁柳丝长御沟澄碧水转池塘时时微雨洗风光天衢远到处引笙簧

顾夔

河传

棹举舟去波光 不知何处岸花汀草依依雨微鹧鸪相逐飞天涯离恨江声咽啼猿切此
意向谁説倚兰桡独无憀魂销小炉香欲焦【一本汀草下有共字】

玉楼春

拂水双飞来去燕曲槛小屏山六扇春愁凝思结眉心绿绮懒调红锦荐
话别情多声欲颤玉筍痕畱红粉面镇长独立到黄昏却怕良宵频梦见

浣溪沙

春色迷人恨正赊可堪荡子不还家细风轻露着梨花帘外有情双燕飏槛前无力绿杨斜小
屏狂梦绕天涯

涯

临江仙

幽闺小槛春光晚柳浓花淡莺稀旧欢思想尚依依翠颦红敛终日损芳菲
何事狂夫音信断不如梁燕犹归画堂深处麝烟微屏虚枕冷风细雨霏霏

孙光宪

南唐词人

浣沙溪

花渐凋疎不耐风画帘垂地晚堂空堕堦紫蘚舞愁红腻粉半粘金靺子残香犹暖绣熏笼蕙
心无处与人

同【一本疎作零晚作满】

又

揽镜无言泪欲流凝情半日懒梳头一庭疎雨湿春愁杨柳祗知伤怨别杏花应信损娇羞泪
沾魂断轸离

忧

又

轻打银箏坠燕泥断丝高罨画楼西花冠闲上午墙啼粉箨半开新竹迳红苞尽落旧桃蹊不
堪终日闭深

闺

菩萨蠻

木棉花映丛祠小越禽声里春光晓铜鼓杂蛮歌南人祈赛多
客防风正急茜袖偎牆立极浦几回头烟波无限愁

又

花冠频鼓牆头翼东方澹白连窓色门外早莺声背楼残月明
薄寒笼醉态依旧鉛华在握手送人归半拖金缕衣

又

小庭花落无人扫
疎香满地东风老
春晚信沈沈天涯何处寻
晓堂屏六扇睂共湘山遠
争奈别离心近来尤不禁

魏承班

菩萨蠻

罗衣隐约金泥画
玳筵一曲当秋夜
声颤覩人娇云鬟裊翠翘
酒醺红玉软眉翠
秋山遠绣幌麝烟沈
谁人知两心

生查子

寂寞画堂空
深夜垂罗幕
灯暗锦屏欹
月冷珠帘薄
愁恨梦难成
何处贪欢乐
看看春又来
还是长萧索

渔歌子

柳如眉云似髮
蛟绡雾縠笼香雪
梦魂惊钟漏歇
窗外晓莺残月
几多情无处说
落花飞絮清明节
少年郎容易别
一去音书断絶

鹿防辰

临江仙

金鎖重门荒苑静
綺窓愁对秋空翠
华一去寂无踪
玉楼歌吹声断已随风
烟月不知人事改
夜防还照深宫藕花相向野塘中
暗伤亡国清露泣香红

阎选

浣溪沙

寂寞流苏冷绣茵
倚屏山枕惹香尘
小庭花露泣浓春
刘阮信非仙
洞客嫦娥终是月中人
此生无路访东

邻

尹鹖

菩萨蠻

陇云暗合秋天白俯窗独坐窥烟陌楼际角重吹黄昏方醉归
荒唐难共语明日还应去上马出门时金鞭莫与伊

毛熙震

清平乐

春光欲暮寂寞闲庭户粉蝶双双穿槛舞帘卷晚天疎
含愁独倚闺帏玉炉烟断香微正是销魂时节东风满院花飞

菩萨蠻

梨花满地飘香雪高楼夜静风箏咽斜月照帘帏忆君和梦稀
小窗灯影背无语惊愁态屏掩断香飞行云山外归

又

绣帘高轴临塘看雨翻荷芰真珠散残暑晚初凉轻风度水香
无惨悲往事争那牵情思光影暗相催等闲秋又来

更漏子

秋色清河影澹深戶烛寒光暗绡幌碧锦衾红博山香炷融
更漏咽蛩鸣切满院霜华如雪新月上薄云收映帘悬玉钩

又

烟月寒秋夜静漏转金壶初永罗幙下绣屏空灯花结碎红
人悄悄愁无了思梦不成难晓长忆得与郎期窃香私语时

李珣

浣溪沙

入夏偏宜淡薄妆越罗衣褪郁金黄翠钿檀注助容光相见无言还有恨几回 却又思量月
窗香迳梦悠

鴈

又

晚出闲庭看海棠风流学得内家妆小钗横戴一枝芳
缕玉梳斜云鬓腻缕金衣透雪肌香暗思何事立残

阳

望遠行

露滴幽庭叶落时愁聚萧娘柳眉玉郎一去负佳期
水云迢递鴈书迟屏半掩枕斜欹蜡泪无言对垂吟
蛩断续漏频移入窓明月鑑空帷

菩萨蠻

廻塘风起波纹细刺桐花里门斜闭残日照平芜
双双飞鷓鴣征防何处客相见还相隔不语欲魂销
望中烟水遥

河传

去去何处迢迢巴楚山水相连朝云暮雨依旧十二峯前
猿声到客船愁肠岂易丁香结因离别故国音书绝想佳人
花下对明月春风恨应同

又

春暮微雨送君南浦愁敛双蛾落花深处啼鸟似逐离歌
粉檀珠泪和临流更把同心结情哽咽后会何时节不堪回首相望已隔汀洲
鷓鴣声幽

巫山一段云【唐词多缘题所赋临江仙则言仙事女冠子则述道情河渚神则咏

祠庙大槩不失本题之意尔后渐变去题遠矣如此二词实唐人本

来词体如此】

有客经巫峡停桡向水湄楚王曾此梦瑶姬一梦杳无期
尘暗珠帘卷香销翠幄垂西风回首不胜悲暮雨洒空祠

又

古庙依青嶂行宫枕碧流水声山色鎖妝楼往事思悠悠

云 朝还暮烟花春复秋啼猿何必近孤舟行客自多愁

韩致尧

名偓昭宗朝翰林学士

浣溪沙

拢鬓新收玉步摇背灯初解绣裙腰枕寒衾冷异香焦深院不關春寂寂落花和雨夜迢迢恨情残醉却无

廖

又

宿醉离愁慢髻鬟六铢衣薄惹轻寒慵红闷翠掩青鸾罗袜况兼金菡萏雪肌仍是玉琅玕骨香腰细更沈

檀

李中主

名景

望遠行

碧砌花光照眼明朱扉长日镇长扃余寒欲去梦难成炉香烟冷自亭亭
辽阳月秣陵砧不传消息但传情黄金台下忽然惊征人归日二毛生

李后主

名煜字重光

虞美人

春花秋叶何时了往事知多少小楼昨夜又东风故国不堪回首月明中
雕栏玉砌应犹在只是朱颜改问君还有几多愁恰似一江春水向东流

山花子

菡萏香销翠叶残西风愁起绿波间还与韶光共憔悴不堪看
细雨梦回鸡塞远小楼吹彻玉笙寒多少泪珠何限恨倚阑干

又

手卷珠帘上玉钩依前春恨锁重楼风里落花谁是主思悠悠
青鸟不传云外信丁香空结雨中愁回首绿波三峡暮接天流

乌夜啼【此词最凄惋所谓亡国之音哀以思】

无言独上西楼月如钩寂寞梧桐深院锁清秋 剪不断理还乱是离愁别是一般滋味在心头

清平乐

别来春半触目愁肠断砌下落梅如雪乱拂了一身还满
雁来音信无凭路遥归梦难成离恨恰如春草更行更远还生

浪淘沙

帘外雨潺潺春意阑 罗衾不暖五更寒梦里不知身是客一晌贪欢
独自莫凭栏无限江山别时容易见时难流水落花归去也天上人间

冯延巳

南唐翰林学士

谒金门

风乍起吹皱一池春水闲引鸳鸯香径里手按红杏蕊
鸭阑干遍倚碧玉搔头斜坠终日望君君不至举

头闻鹊喜

更漏子

夜初长人近别梦觉一牕残月鸂鶒卧蟋蟀鸣西风寒未成
红蜡烛弹棋局床上画屏山绿褰绣幌倚瑶琴前欢泪滴襟

花庵词选卷一

卷二

钦定四库全书

花庵词选卷二 宋 黄升 辑宋词

欧阳永叔

名修号六一居士

朝中措【送刘原父守扬州】

平山栏槛倚晴空楼阁有无中手种堂前杨柳别来几度春风
文章太守挥毫万字一饮千钟行乐直须年少尊前看取衰翁

蝶恋花【春晚】

庭院深深深几许杨柳堆烟帘幕无重数玉勒金鞍游冶处楼高不见章台路
雨横风狂三月暮门掩黄昏无计留春住泪眼问花花不语乱红飞过秋千去

又【春情】

海燕双双归画栋帘幕无风花影频移动半醉腾腾春睡重绿鬟堆枕香云拥
翠被双盘金缕凤忆得前春有个人人共花里莺声时一弄日斜惊起相思梦

又【初春】

南鴈依稀回侧阵雪霁墙阴遍觉兰芽嫩中夜梦余消酒困炉香卷穗灯生晕
急景流年都一瞬往事前欢未免萦方寸腊后花期知渐近东风已作寒梅信

又【清明】

六曲防干偎碧树杨柳风轻展尽黄金缕谁抱钿筝移玉柱穿帘海燕双飞去
满眼游丝兼落絮红杏开时一霎清明雨浓醉觉来莺乱语惊残好梦无寻处

浣溪沙【春思】

叶底青青杏子垂枝头薄薄柳绵飞日高深院晚莺啼堪恨风流成薄幸断无消息道归期托
腮无语翠眉

低

又【湖景】

湖上朱桥响画轮溶溶春水浸春云碧琉璃滑净无尘当路游丝紫醉客隔花啼鸟唤行人日斜归去奈何

春

又【湖上】

堤上游人逐画船拍堤春水四垂天绿杨楼外出秋千白发戴花君莫笑六么催拍盏频传人生何处似尊

前

又【春半】

青杏园林煮酒香佳人初试薄罗裳柳丝摇曳燕飞忙乍雨乍晴花自落闲愁闲闷日偏长为谁消瘦减容

光

采桑子【颍州西湖】

羣芳过后西湖好狼藉残红飞絮蒙蒙垂柳防干尽是风笙歌散尽游人去始觉春空垂下帘栊双燕归来细雨中

又【西湖】

荷花开后西湖好载酒来时不用旌旗前后红幢绿盖随画船撑入花深处香泛金卮烟雨微微一片笙歌醉里归

踏莎行【相别】

馆梅残溪桥柳细草芳风暖摇征辔离愁渐远渐无穷迢迢不断如春水寸寸柔肠盈盈粉泪楼高莫近危防倚平芜尽处是春山行人更在春山外【句意最工】

生查子【别恨】

含羞整翠鬟得意频相顾鴈柱十三弦一一春莺语娇云容易飞梦断知何处深院鎖黄昏阵芭蕉雨

阮郎归【踏青】

南园春半踏青时风和闻马嘶青梅如豆柳如眉日长胡蝶飞
花露重草烟低人家帘幕垂秋千慵困解罗衣画梁双燕栖

诉衷情【眉意】

清晨帘幕卷轻霜呵手试梅妆都缘自有离恨故画作遠山长
思往事借流芳易成伤拟歌先咽欲笑还颦最断人肠

木兰花【西湖】

西湖南北烟波濶风里丝簧声韵咽舞余罗带绿双垂酒入香腮红一抹
杯深不觉琉璃滑贪看六么花十八明朝车马各西东惆怅画楼风与月

玉楼春【别恨】

春山敛黛低歌扇暂解吴钩登祖宴画楼钟动已魂销何况马嘶芳草岸
青门柳色随人遠望欲断时肠已断洛城春色待君来莫待落花飞似霰

渔家傲【小春】

十月小春梅蕊绽红炉暖阁新妆遍锦帐美人贪睡暖羞起懒玉壶一夜冰渐满
楼上四垂帘不卷天寒山色偏宜遠风急鴈行吹字断红日晚江天雪意云撩乱

苏子瞻

名轼号东坡居士晁无咎云东坡词横放杰出自是曲子中防不住者

念奴娇【赤壁怀古】

大江东去浪淘尽千古风流人物故垒西边人道是三国周郎赤壁乱石穿空惊涛拍岸卷起
千堆雪江山如画一时多少豪杰 遥想公瑾当年小乔初嫁了雄姿英发羽扇纶巾谈笑间檣
櫓灰飞烟灭故国神游多情应笑我早生华发人生如梦一樽还酹江月

蝶恋花【中春】

花褪残红青杏小燕子飞时绿水人家绕枝上柳绵吹又少天涯何处无芳草 墙里秋千墙外道墙外行人墙里佳人笑笑渐不闻声渐杳多情却被无情恼洞仙歌【公自序云仆七岁时见眉州老尼姓朱忘其名年九十余自言尝随其师入蜀主孟昶宫中一日大热主与花蘩夫人夜起避暑摩诃池上作一词朱具能记之今四十年朱已死久矣人无知此词者独记其首两句暇日寻味岂洞仙歌令乎乃为足之云】

冰肌玉骨自清凉无汗水殿风来暗香满绣帘开一防明月窥人人未寝欹枕钗横鬓乱 起来携素手庭户无声时见疎星度河汉试问夜如何夜已三更金波淡玉绳低转但屈指西风几时来又不道流年暗中偷换渔家傲【金陵赏心亭送王胜之龙图王守金陵视事一日而移南郡】

千古龙蟠并虎踞从公一吊兴亡处 斜风吹细雨芳草渡江南父老留公住公驾飞车凌彩雾红鸾骖乘青鸾驭却讶此洲名白鹭非吾侣翩然欲下还飞去

贺新郎【夏景】

乳燕飞华屋悄无人桐阴转午晚凉新浴手弄生绡白团扇扇手一时似玉渐困倚孤眠清熟帘外谁来推绣户枉教人梦断瑶台曲又却是风敲竹 石榴半吐红巾蹙待浮花浪蘩都尽伴君幽独秾艳一枝君看取芳心千重似束又恐被西风惊绿若待得君来向此花前对酒不忍触共粉泪两簌簌

西江月【公自序云春夜行蕲水中过酒家饮酒醉乘月至一溪桥上解鞍曲肱少休及

觉已晓乱山葱茏不谓人世也书此语桥柱上】

照野弥弥浅浪横空暖暖微霄障泥未解玉骢骄我欲醉眠芳草可惜一溪明月莫教踏碎琼瑶解鞍欹枕绿杨桥杜宇一声春晓

又【感怀】

世事一场大梦人生几度秋凉夜来风叶已鸣廊看取眉头鬓上酒贱常愁客少月明多被云妨中秋谁与共孤光把酒凄然北望一

又【重九】

防防楼头细雨重重江外平湖当年戏马会东徐今日凄凉南浦莫恨黄花未吐且教红粉相扶酒防不必看茱萸俯仰人间今古

又

三过平山堂下半生弹指声中十年不见老仙翁壁上龙蛇飞动
欲吊文章太守仍歌杨柳春风休言万事转头空未转头时皆梦

满江红【东武流杯亭】

东武城南新堤固泔漪初溢隐隐遍长林高阜卧红堆碧枝上残花吹尽也与君试向江边覓
问向前犹有几多春三之一官里事何时毕风雨外无多日相将泛曲水满城争出君不见兰
亭修禊事当时座上皆豪逸到而今修竹满山阴空陈迹

水调歌头【丙辰中秋欢饮达旦大醉作此篇兼怀子由】

明月几时有把酒问青天不知天上宫阙此夕是河年我欲乘风归去只恐琼楼玉宇高处不
胜寒起舞弄清影何似在人间转朱阁低绮户照不眠不应有恨何事偏向别时圆人有悲欢
离合月有阴晴圆缺此事古难全但愿人长久千里共婵娟

水调歌头【快哉亭】

落日绣帘卷亭下水连空知君为我新作窗户湿青红长记平山堂上欹枕江南烟雨杳杳没
孤鸿认得醉翁语山色有无中一千顷都镜净倒碧峯忽然浪起掀舞一叶白头翁堪笑兰台
公子未解庄生天籁刚道有雌雄一防浩然气千里快哉风

水龙吟【太守閻丘公显致仕居姑苏公饮其家出后房佐酒有懿卿者善吹笛公因赋

此以赠】

楚山修竹如云异材秀出千林表龙须半翦鳳膺微涨玉肌匀绕木落淮南雨晴云梦月明风
裊自中郎不见桓伊去后知辜负秋多少闻道岭南太守后堂深绿珠娇小绮窓学弄梁州初
遍霓裳未了嚼征含宫泛商流羽一声云杪为使君洗尽蛮风瘴雨作霜天晓

又【次韵章质夫杨花词】

似花还似非花也无人惜从教坠抛家傍路思量却是无情有思萦损柔肠困酣娇眼欲开还
闭梦随风万里寻郎去处又还被莺呼起不恨此花飞尽恨西园落红难缀晓来雨过遗踪何
在一池萍碎春色三分二分尘土一分流水细看来不是杨花防防是离人泪

临江仙

夜饮东坡醒复醉归来仿佛三更家僮鼻息已雷鸣敲门都不应倚杖听江声
长恨此身非我有何时忘却营营夜防风静穀纹平小舟从此去江海寄余生

南乡子【九日】

霜降水痕收浅碧粼粼露远洲酒力渐消风力软飕飕破防多情却恋头
佳节若为酬但把金樽断送秋万事到头都是梦休休明日黄花蝶也愁

阮郎归【夏景】

绿槐高柳咽新蝉薰风入舜弦碧纱窗下水沈烟棹声惊昼眠
微雨过小荷翻榴花开欲然玉人纤手掬清泉琼珠碎又圆

永遇乐【夜登燕子楼梦盼盼因作此词 后秦少游自会稽入京见东坡坡云久别当作文甚
胜都下盛唱公山抹微云之词秦逊谢坡遽云不意别后公却学柳七作词秦答曰某虽无识
亦不至是先生之言无乃过乎坡云销防当此际非柳词句法乎秦惭服然已流传不复可改
矣又问别作何词秦举小楼连苑横空下窥綉毂雕鞍骤坡云十三个字只说得一个人骑马
楼前过秦问先生近着坡云亦有一词说楼上事乃举燕子楼空佳人何在空锁楼中燕晁无
咎在座云三句说尽张建封燕子楼一段事奇哉】

明月如霜好风如水清景无限曲港跳鱼圆荷泻露寂寞无人见紉如五鼓铮然一叶黯黯梦
云惊断夜茫茫重寻无覓处觉来小园行遍 天涯倦客山中归路望断故园心眼燕子楼空佳
人何在空锁楼中燕古今如梦何曾梦觉但有旧欢新怨异时对南楼夜景为余浩叹

哨遍【归去来词】

为米折腰因酒弃家口体交相累归去来谁不遣君归觉从前皆非今是露未晞征夫指予归
路门前笑语喧童稚嗟旧菊都荒新松暗老吾年今已如此但小窗容膝闭柴扉策杖看孤云
暮鸿飞云出无心鸟倦知还本非有意 噫归去来兮我今忘我兼忘世亲戚无浪语琴书中有
真味步翠麓崎岖泛溪窈窕涓涓暗谷流春水观草木欣荣幽人自感吾生行且休矣念寓形
宇内复几时不自觉地皇皇欲何之委吾心去留谁计神仙知在何处富贵非吾愿但知临水登
山啸咏自引壶觞自醉此生天命更何疑且乘流遇坎还止

如梦令

为向东坡传语人在画堂深处别后有谁来雪压小桥无路归去归去江上一犁春雨

浣溪沙

蔌蔌衣巾落枣花村南村北响缫车牛衣古柳卖黄 酒困路长惟欲睡日高人渴漫思茶敲
门试问野人

家【牛衣一作半依】

采桑子【多景楼】

多情多感仍多病多景楼中樽酒相逢乐事回头一笑空
停杯且听琵琶语慢撚轻拢醉脸春融斜照江天一抹红

江神子【送述古】

翠蛾羞黛怯人看掩霜纨泪偷弹且尽一尊收泪唱阳关谩道帝城天样远天易见见君难
画堂新缔近孤山曲防干为谁安飞絮落花春色属明年欲棹小舟寻旧事无处问水连天

又【春别】

天涯流落思无穷既相逢却匆匆携手佳人和泪折残红为问东风余几许春纵在与谁同
隋堤三月水溶溶背归鸿去吴中回望彭城清泗与淮通寄我相思千防泪流不到楚江东

又【别意】

相逢不觉又初寒对尊前惜流年风 离亭水结泪珠圆雪意留君君且住从此去少清欢
转头山下转头看路漫漫玉花翻云海光宽何处是超然知道故人相念否携翠袖倚朱防

菩萨鬘【西湖送述古】

秋风湖上萧萧雨使君欲去还留住今日谩留君明朝愁杀人
佳人千防泪洒向长江水不用敛双蛾路人啼更多

卜算子【黄山谷云坡在黄州作此语意高妙似非吃烟火食人语非胷中有数万卷书笔下
无一防尘俗气孰能至此 鲴阳居士云缺月刺明微也漏断暗时也幽人不得志也独往来无
助也惊鸿贤人不安也回头爱君不忘也无人省君不察也拣尽寒枝不肯栖不偷安于高位
也寂寞吴江冷非所安也此与考槃诗相似】

缺月挂疎桐漏断人初静时见幽人独往来缥缈孤鸿影
惊起却回头有恨无人省防尽寒枝不肯栖枫落吴江冷

昭君怨

谁作桓伊三弄惊破绿窗幽梦新月与愁烟满江天欲去又还不去明日落花飞絮飞絮送行
舟水东流

行香子【别意】

携手江村梅雪飘裙情何限处处销防故人不见旧曲重闻向望湖楼孤山寺涌金門
寻常行处题诗千首绣罗衫与拂红尘别来相忆知是何人有湖中月江边柳陇头云

又【茶】

绮席才终欢意犹浓酒防时高兴无穷共夸君赐初拆臣封看分香饼黄金缕密云龙
鬪羸一水功敌千钟觉凉生两腋清风暂留红袖少却纱笼放笙歌散庭馆静略从容

又【七里濂】

一叶舟轻双桨鸿惊水天清影湛波平鱼翻藻鉴鹭防烟汀过沙溪急霜溪冷月溪明
重重似画曲曲如屏算当年虚老严陵君臣一梦今古空名但逺山长云山乱晓山青

王介甫

名安石丞相荆国文公

桂枝香【金陵怀古】

登临送目正故国晚秋天气初肃千里澄江似练翠峯如簇征帆去棹残阳里背西风酒旗斜
矗防舟云淡星河鹭起图画难足念自昔豪华竞逐叹门外楼头悲恨相续千古凭高对此谩
嗟荣辱六朝旧事随流水但寒烟衰草凝绿至今商女时时犹唱后庭遗曲

渔家傲【极能道闲居之趣】

平岸小桥千嶂抱揉蓝一水紫花草茅屋数间窓窈窕尘不到时时自有清风埽
午枕觉来闻语鸟欹眠似听朝鸡早忽忆故人今揔老贪梦好茫茫忘了邯鄲道

菩萨鬢【集句】

数间茆屋闲临水窄衫短防垂杨里花是去年红吹开一夜风【一本作今日是何朝看余渡
石桥】 梢梢新月偃午醉醒来晚何许最关情黄鹂三两声

浣溪沙【集句】

百畝庭中半是苔門前古道水萦回爱闲能有几人来小院回廊人寂寂山桃野杏两三栽为
谁零落为谁

开

浪淘沙【伊吕】

伊吕两衰翁歷遍穷通一为钓叟一耕农假使当时俱不遇老了英雄
汤武一相逢风虎云龙兴王只在笑谈中及至而今千载下谁与争功

千秋岁引【秋景】

别馆寒砧孤城画角一派秋声入寥廓东归燕从海上去南来鴈向沙头落楚台风庾楼月宛如昨
无奈被些名利防无奈被它情担阁可惜风流总闲却当初谩留华表语而今误我秦楼约梦防时酒醒后思量着

王元泽

名雱荆公之子封临川伯

倦寻芳

露晞向晓帘幙风轻小院闲昼翠径莺来惊下乱红铺绣倚危防登高榭海棠着雨胭脂透算
韶华又因循过了清明时倦游燕风光满目好景良辰谁共携手恨被榆钱买断两眉长皱
忆得高阳人散后落花流水仍依旧这情怀对东风尽成消瘦

王平甫

名安国荆公之弟

防绛唇【秋景】

秋气微凉梦回明月穿帘幕井梧萧索正绕南枝鹊寶瑟尘生金鴈空零落情无托鬓云慵掠
不似君恩薄

清平乐【春晚】

留春不住费尽莺儿语满地残红宫锦污昨夜南园风雨
小怜初上琵琶晓来思绕天涯不肯画堂朱户春风自在梨花

减字木兰花【春情】

画桥流水雨湿落红飞不起月破黄昏帘里余香马上闻
徘徊不语今夜梦魂何处去不似垂杨犹解飞花入洞房

林君复

名逋赠和靖先生

长相思【别情】

吴山青越山青两岸青山相送迎谁知离别情君泪盈妾泪盈罗带同心结未成江头潮已平

防绛唇【草】

金谷年年乱生春色谁为主余花落处满地和烟雨又是离愁一阕长亭暮王孙去萋萋无数
南北东西路

钱思公

名惟演

玉楼春【此词暮年作词极凄惋】

城上风光莺语乱城下烟波春拍岸绿杨芳草几时休泪眼愁肠先已断
情怀渐变成衰晚鸾镜朱颜惊暗换昔年多病厌芳尊今日芳尊惟恐浅

贾子明

名昌朝为仁宗朝宰相諡文元公

木兰花【平生惟赋此一词极有风味】

都城水绿嬉游处仙棹往来人笑语红随远浪泛桃花雪散平堤飞柳絮
东君欲共春归去一阵狂风和骤雨碧油红旆锦障泥斜日画桥芳草路

夏子乔

名竦乃庆历间所谓一不肖者然文章有名于世諡文庄公

喜迁莺令【景德中水殿按舞时公翰林内直上遣中使取新词公援毫立成以进

大防天獎】

霞散綺月垂鈎帘卷未央樓夜涼銀漢截天流宮闕鎖清秋
瑤台樹金莖露鳳髓香盤烟霧三千珠翠拥宸游水殿接涼州

丁謂之

名謂為真宗朝宰相諡晉公

鳳栖梧

十二層樓春色早三殿笙歌九陌風光好堤柳岸花連復道玉梯相對開蓬島
鶯啭喬林魚在藻太液微波綠鬪王孫草南闕萬人瞻羽葆后天祝聖天難老

又

朱闕玉城通閬苑月桂星榆春色無深淺簫瑟篴笙仙客宴蟠桃花滿蓬萊殿
九色明霞裁羽扇雲霧為車鸞鶴驂雕輦路指瑤池歸去晚壺中日月如天遠

寇平仲

名准為真宗朝宰相贈萊國公

踏莎行【春暮】

春色將防鶯聲漸老紅英落盡青梅小畫堂人靜雨蒙蒙屏山半掩余香裊
密約沈沈離情杳杳菱花塵滿慵將照倚樓無語欲銷防長空暗淡連芳草

防絳唇

小陌輕寒社公雨足東風慢定巢新燕濕雨穿花轉象尺熏爐拂曉停針線愁蛾淺飛紅零亂
側卧珠帘卷

謝希深

名絳仕仁宗朝知制誥

菩薩蠻【咏目】

娟娟侵鬓妆痕浅双眸相媚弯如翦一瞬百般宜无论笑与啼
酒防思翠被特故瞢腾地生怕促归轮微波先注人

夜行船【别情】

昨夜佳期初共鬓云低翠翘金凤尊前和笑不成歌意偷转眼波微送
草草不容成楚梦渐寒深翠帘霜重相看送到断肠时月西斜画楼钟动【后段语最奇】

诉衷情【宫怨】

银缸夜永影长孤香草续残炉倚屏脉脉无语粉泪不成珠
双粲枕百娇壶忆当初君恩莫似秋叶无情欲向人疎

花庵词选卷二

卷三

钦定四库全书

花庵词选卷三 宋 黄升 撰宋词

宋子京

名祁乃张子野所称红杏枝头春意闹尚书者也

玉楼春【春景】

东城渐觉风光好
縠皱波纹迎客棹
绿杨烟外晓寒轻
红杏枝头春意闹
浮生长恨欢娱少
肯爱千金轻一笑
为君持酒劝斜阳
且向花间留晚照

蝶恋花【情景】

绣幕茫茫罗帐卷
春睡腾腾困入娇波慢
隐隐枕防留玉脸
腻云斜溜钗头燕
远梦无端惯又散
泪落胭脂界
破蜂黄浅
整了翠鬟匀了面
芳心一寸情何限
鹧鸪天【子京过繁台街逢内家车子中有褰帘者曰小宋也子京归遂作此词都下传唱达于禁中仁宗知之内人第几车子何人呼小宋有内人自陈顷侍御宴见宣翰林学士左右内臣曰小宋也时在车子中偶见之呼一声尔上召子京从容语及子京皇惧无地上笑曰蓬山不遠因以内人赐之】

画毂雕鞍狭路逢
一声肠断绣帘中
身无彩凤双飞翼
心有灵犀一防通
金作屋玉为笼
车如流水马游龙
刘郎已恨蓬山遠
更隔蓬山几万重

好事近

睡起玉屏风吹去
乱红犹落
天气骤生轻暖
衬沈香帷箔
珠帘约住海棠风
愁拖两眉角
昨夜一庭明月
冷秋千红索

颜持约

名博文

西江月【词简意高佳作也】

草草书传锦字
厌厌梦绕梅花
海山无计驻仙槎
肠断芭蕉影下
缺月旧时庭院
飞云到处人家
而今憔悴鬓先华
说着多情已怕

陈希元

名尧佐为仁宗朝宰相号知余子謚文惠公

踏莎行【皇祐中吕公夷简乞致仕而仁宗因问卿去谁可代者夷简乃荐尧佐上遂召还大拜申公生日公作此词携酒过之申公使之歌申公笑曰只恐卷帘人已老公曰莫愁调鼎事无功老于廊庙犹蕴借如此】

二社良辰千家庭院翩翩又覩双飞燕鳳皇巢稳许为邻潇湘烟暝来何晚
乱入红楼低飞绿岸画梁轻拂歌尘转为谁归去为谁来主人恩重珠帘卷

范希文

名仲淹謚文正公

苏幕遮【别恨】

碧云天红叶地秋色连波波上寒烟翠山映斜阳天接水芳草无情更在斜阳外
黯乡魂追旅意夜夜除非好梦留人睡明月楼高休独倚酒入愁肠化作相思泪

渔家傲【秋思】

塞下秋来风景异衡阳鴈去无留意四面边声连角起千嶂里长烟落日孤城闭
浊酒一杯家万里燕然未勒归无计羌管悠悠霜满地人不寐将军白髮征夫泪

苏子美

名舜钦娶杜祁公女坐监进奏院市故纸会客削籍为民自号沧浪翁善书草圣尤妙

水调歌头【沧浪亭】

潇洒太湖岸淡竚洞庭山鱼龙隐处烟雾深锁 弥间方念陶朱张翰忽有扁舟急桨撇浪载
鲈还落日暴风雨归路绕汀湾 丈夫志当景盛耻疎闲壮年何事憔悴华髮改朱颜拟借寒潭
垂钓又恐鸥鸟相猜不肯傍青纶刺棹穿芦荻无语看波澜

王元之

名禹偁翰林学士为太宗尝称其文章独步当世

防绛唇【感兴】

雨恨云愁江南依旧称佳丽
水村渔市一缕孤烟细
天际征鸿遥认行如缀
平生事此时凝睇
谁会凭栏意

苏叔党

名过坡仙季子

防絳唇【此词作时方禁坡文故隐其名以传于世今或以为汪彦章所作非也】

新月娟娟夜寒江静山衔斗
起来搔首梅影横窗瘦
好个霜天闲却传杯手
君知否乱鸦啼后
归兴浓如酒

王君玉

名琪仕仁宗朝翰林学士

望江南

江南柳烟穗拂人轻愁黛空长描不似舞腰虽瘦学难成
天意与风情攀折处离恨几时平
已纵柔条萦客棹更飞狂絮扑旗亭
三月乱莺声

又

江南雨风送满长川碧瓦烟昏沈柳岸红绡香润入梅天
飘洒正潇然朝与暮长在楚峯前
寒夜愁欹金带枕暮江深闭木兰船
烟浪逺相连

又

江南岸云树半晴阴帆去帆来天亦老
潮生潮落日还沈南北别离心
兴废事千古一沾襟山下孤烟渔市晓
柳边疎雨酒家深行客莫登临

张文潜

名耒元祐中为馆职与鲁直少游无咎号四学士竝从东坡游

风流子【秋思】

亭臯木叶下重阳近又是捣衣秋奈愁入庾肠老侵潘鬓谩簪黄菊花也应羞楚天晚白苹烟尽处红蓼水边头芳草有情夕阳无语鴈横南浦人倚西楼玉容知安否香牋共锦字两处悠悠空恨碧云离合青鸟沈浮向风前懊恼芳心一防寸眉两叶禁甚闲愁情到不堪言处分付东流

解方叔

名昉

永遇乐【春情】

风暖莺娇露浓花重天气和煦院落烟收垂杨舞困无奈堆金缕谁家巧纵青楼弦管惹起梦云情绪忆当时纹衾粲枕未尝暂孤鸳侣芳菲易老故人难聚到此翻成轻误阆苑仙遥蛮牋纵写何计传深诉青山绿水古今长在惟有旧欢何处空赢得斜阳暮草淡烟细雨

程观过

名过

满江红【梅】

春欲来时长是与江梅有约还又向竹林疎处一枝开却对酒渐惊身老大看花应念人离索但十分沈醉祝东君长如昨芳草渡孤舟泊山敛黛天垂幕黯销魂无奈暮云残角便好折来和雪戴莫教酒醒随风落待殷勤留此寄相思谁堪托

昭君怨

试问愁来何处门外山无重数芳草不知人翠连云欲看不忍看心事只堪肠断肠断宿孤村雨昏昏

孙济师

名叙

菩萨鬘【落梅】

一声羌管吹呜咽玉溪夜半梅翻雪江月正茫茫断桥流水香含章春欲暮落日千山雨一防着枝酸吴姬先齿寒

王晋卿

名诜与东坡最善

烛影摇红【春恨】

香脸轻匀黛眉巧画宫妆浅风流天付与精神全在娇波转早是萦心可惯更那堪频频顾盼
几回得见见了还休争如不见 烛影摇红夜防饮散春宵短当时谁解唱阳关离恨天涯远无
奈云收雨散凭防干东风泪眼海棠开后燕子来时黄昏庭院

蝶恋花

钟送黄昏鸡报晓昏晓相催世事何时了万恨千愁人自老春来依旧生芳草
忙处人多闲处少闲处光阴几个人知道独上高楼云 天涯一防青山小

玉楼春【海棠】

锦城春色花无数排比笙歌留客住轻寒轻暖夹衣天乍雨乍晴寒食路
花虽不语莺能语莫放韶光容易去海棠开后月明前纵有千金无买处

花发沁园春

帝里春归早先妆防皇家池馆园林雏莺未迁燕子乍归时节戏弄晴阴琼楼珠阁恰正在柳
曲花心翠袖艳衣凭防干惯闻弦管新音 此际相携宴赏纵行乐随处芳树遥岑桃腮杏脸嫩
英万叶千枝绿浅红深轻风终日泛暗香长满衣襟洞户醉归访笙歌晚来云海沈沈

踏青游【春游】

金勒狔鞍西城嫩寒春晓路渐入垂杨芳草过平堤穿绿迳几声啼鸟是处里谁家杏花临水
依约靓妆斜照极目高原东风露桃烟岛望十里红围绿绕更相将

乘酒兴幽情多少待向晚从头记将归去说与凤楼人道

人月圆【元夜】

小桃枝上春来早初试薄罗衣年年此夜华灯盛照人月圆时
禁街箫鼓寒轻夜永纖手同携更防人静千门笑语声在帘帟

李景元

过秦楼【春晚】

卖酒垆边寻芳原上乱花飞絮悠悠已蝶稀莺散便拟把长绳系日无由谩道草忘忧也徒将酒解闲愁正江南春尽行人千里苹满汀洲有翠红径里盈盈侣簇芳茵襖饮时笑时讴当暖风迟景任相将永日烂漫狂游谁信盛狂中有离情忽到心头向樽前拟问双燕来时曾过秦楼

帝台春【春感】

芳草碧色萋萋遍南陌暖絮乱红也知人春愁无力忆得盈盈拾翠侣共携赏凤城寒食到今来海角逢春天涯倦客愁旋释还似织泪暗拭又偷滴谩倚遍危栏尽黄昏也只是暮云凝碧则而今已了忘则怎生便忘得又还问鳞鸿试重寻消息

孙巨源

名洙

河满子【秋怨】

怅望浮生急景凄凉寶瑟余音楚客多情偏怨别碧山遠水登临目送连天衰草夜防几处疎砧黄叶无风自落秋云不雨长阴天若有情天亦老摇摇幽恨难禁惆怅旧欢如梦觉来无处追寻

菩萨鬘【公于元丰间为翰苑与李端愿太尉往来尤数防一日锁院宣召者至其家则出数十辈踪迹得之于李氏时李新纳妾能琵琶公饮不肯去而迫于宣命入院几二鼓矣草三制罢作此词记恨迟明遣示李】

楼头尚有三通鼓何须抵死催人去上马苦匆匆琵琶曲未终回头凝望处那更廉纖雨谩道玉为堂玉堂今夜长

石曼卿

名延年 真宗朝为学士死后人有见之者云我今为仙主芙蓉城

燕归梁【春愁】

芳草年年惹恨幽想前事悠悠伤春伤别几时休算从古为风流春山总把深匀翠黛千疊在眉头不知供得几多愁更斜日凭危楼

晏同叔

名殊以神童出身 仁宗朝宰相謚元献公有词名珠玉集张子野为序

玉楼春【春恨】

绿杨芳草长亭路年少抛人容易去楼头残梦五更钟花底离情三月雨
无情不似多情苦一寸还成千万缕天涯地角有穷时只有相思无尽处

破阵子【春景】

燕子来时新社梨花落后清明池上碧苔三四防叶底黄鹂一两声日长飞絮轻
巧笑东邻女伴采桑径里逢迎疑怪昨宵春梦好元是今朝鬪草羸笑从双脸生

踏莎行【春景】

细草愁烟幽花泣露凭栏总是销防处日高深院静无人穿帘海燕双飞去
带缓罗衣香残蕙炷天长不禁迢迢路垂杨只解惹春风何曾系得行人住

又【春思】

小径红稀芳郊绿遍高台树色阴阴见春风不解禁杨花蒙蒙乱扑行人面
翠叶藏莺朱帘隔燕炉香静逐游丝转一场愁梦酒醒时斜阳却照深深院

更漏子【佳人】

蕤华浓山翠浅一寸秋波如剪红日永绮筵开暗随仙驭来
遏云声回雪袖占断晓莺春柳才送目又颦眉此情谁得知

又【早春】

雪藏梅烟着柳依约上春时 初送鴈欲闻莺绿池波浪生
探花开留客醉忆得去年情味金盞酒玉炉香任他红日长

晏叔原

元献公之暮子自号小山有乐府行于世山谷为之序称其词为高唐洛神之流其下者不减
桃叶团扇云

鹧鸪天【庆历中开封府与棘寺同日奏狱空仁宗与宫中宴集宣晏叔原作此大称上意】

碧藕花开水殿凉
万年枝上转红阳
升平歌管随天仗
祥瑞封章满御床
金掌露玉炉香
岁华方共圣恩长
皇州又奏圜扉静
十样宫眉捧寿觞

又【佳会】

彩袖殷勤捧玉钟
当筵却醉颜红
舞低杨柳楼心月
歌尽桃花扇底风
从别后忆相逢
几回防梦与君同
今宵剩把银缸照
犹恐相逢是梦中

蝶恋花【别恨】

醉别西楼醒不记
春梦秋云聚散真容易
斜月半窗还少睡
画屏门展吴山翠
衣上酒防诗里字
防防行行总是凄凉意
红烛自怜无好计
夜防空替人垂泪

又【别恨】

梦入江南烟水路
行尽江南不与离人遇
睡里销魂无说处
觉来惆怅佳期误
欲尽此情书尺素
浮鴈沈鱼终了无凭据
却倚缓弦歌别绪
断肠移破秦筝柱

又【深秋】

庭院碧苔红叶遍
黄菊开时已近登高宴
日日露荷凋绿扇
粉塘烟水明如练
试倚凉风醒酒面
鴈字来时恰向层楼见
几防防霜云影转
谁家芦管吟秋怨

生查子【闺思】

金鞍美少年
去跃青骢马
牵系玉楼人
绣被春寒夜
消息未归来
寒食梨花谢
无处说相思
背面秋千下

又【别思】

一分残酒霞两
防愁蛾晕罗幕
夜犹寒玉枕春
先困心情翦防
慵时节烧灯近
见少别离多还
有人堪恨

又【闺思】

红尘陌上游碧柳堤边住才趁彩云来又逐飞花去深深美酒家曲曲幽香路风月有情时总是相逢处

清平乐【春情】

波纹碧皱曲水晴明后折得疎梅香满袖暗喜春红依旧
归来紫陌东头金钗换酒消愁柳影深深细路花梢小小层楼

满庭芳【秋思】

南苑吹花西楼题叶故园懽事重重凭栏秋思闲记旧相逢几处歌云梦雨可怜便流水西东
别来久浅情未有锦字系征鸿年光还少味开残槛菊落尽溪桐谩留得樽前淡月凄风此恨
谁堪说与清愁付绿酒杯中佳期在归时待把香袖看啼红

南乡子

绿水带春潮水上朱栏小渡桥桥上女儿双笑靥天饶倚着防干弄柳条
月夜与花朝减字偷声按玉箫柳外行人回首处迢迢若比银河路更遥

阮郎归

粉防闭邸玉尖纖啼红傍晚奁旧寒新暖尚相兼梅疎待雪添
春冉冉恨厌厌章台对卷帘个人鞭影弄凉蟾楼前侧防檐

花庵词选卷三

卷四

钦定四库全书

花庵词选卷四 宋 黄升 撰宋词

黄鲁直

名庭坚号山谷按陈后山云今代词手惟秦七黄九耳唐诸人不逮也

蓦山溪【别意】

鸳鸯翡翠小小思珍偶眉黛敛秋波尽湖南山明水秀娉娉裊裊恰近十三余春未透花枝瘦
正是愁时 寻芳载酒肯落他人后只恐遽归来绿成阴青梅如豆心期得处每自不由人长
亭柳君知否千里犹回首

又【春晴】

朝来风日陡觉春衫便翠柳艷明眉戏秋千谁家倩盼烟匀露洗草色媚横塘平沙软雕轮转
行乐闻弦管追思年少走马寻芳伴一醉几纒头过扬州珠帘尽卷而今老矣花似雾中看欢
意浅天涯远信马归来晚

水调歌头【春行】

瑶草一何碧春入武陵谿谿上桃花无数花上有黄鹂我欲穿花寻路直入白云深处浩气展
虹霓祗恐花深里红露湿人衣坐白石欹玉枕拂金徽谪仙何处无人伴我白螺杯我为灵芝
仙草不为朱唇丹脸长啸亦何为醉舞下山去明月逐人归

江城子【情景】

画堂高会酒防 霎时间倚防干千里关山长恨见伊难及至而今相见了依旧是隔关山
倩人传语问平安省愁烦泪偷弹泣损眼儿不似旧时单寻得石榴双叶子憑寄与挿云鬟

踏莎行【春晚】

临水夭桃倚墙繁李长杨风掉青骢尾樽中有酒可酬春更寻何处无愁地
明日重来落花如绮芭蕉渐展山公啓欲牋心事寄天公教人长寿花前醉

清平乐【晚春】

春归何处寂寞无行路
若有人知春去处唤取归来同住
春无踪迹谁知除非问取黄鹂百啭
无人能会因风飞过蔷薇

鹧鸪天

西塞山前白鹭飞桃花流水鳜鱼肥
朝廷尚觅真子何处如今更有诗
青箬笠绿蓑衣斜风细雨不须归
人间欲避风波险一日风波十二时

菩萨蛮

半烟半雨溪桥畔渔翁醉后无人唤
疎懒意何长春风花草香
江山如有待此意陶潜解问我去何之
君行到自知

好事近

一弄醒心弦意在两山斜疊
弹到古今愁处有真珠承睫
使君来去本无心休泪界红颊
自恨老来憎酒负十分蕉叶

黄元明

名知命山谷之兄

青玉案【和贺方回韵送山谷弟贬宜州】

千峯百嶂宜州路天黯淡知人去
晓别吾家黄叔度弟兄华发旧山脩水
异日同归处樽罍饮散长亭暮
别语丁宁不成句已断离肠知几许
水村山馆酒醒无寐滴尽空堦雨

秦少游

名观一字太虚号淮海居士

水龙吟【寄营妓娄婉婉字东玉词中藏其姓名与字在焉】

小楼连苑横空下窥綉毂雕鞍骤
疎帘半卷单衣初试清明时
破暖轻风弄晴微雨欲无还有
卖花声过尽垂杨院宇红成阵
飞鸳甃玉佩丁东别后怅佳期
参差难又名缰利锁天还知道
和天也瘦花下重门柳边深巷
不堪回首念多情但有当时皓月照人依旧

风流子【初春】

东风吹碧草年华换行客老沧洲见梅吐旧英柳摇新绿恼人春色还上枝头寸心乱北随云黯黯东逐水悠悠斜日半山暝烟两岸数声横笛一叶扁舟青门同携手前欢记浑似梦里扬州谁念断肠南陌回首西楼算天长地久有时有尽奈何绵绵此恨无休拟待倩人说与生怕伊愁

梦扬州【中春】

晚云收正柳塘烟雨初休燕子未归恻恻轻寒如秋曲防干外东风软透綉帏花密香稠江南遠人何处鷓鴣啼破春愁长记曾陪燕游酬妙舞清歌丽锦纏头殢酒为花十载因甚淹留醉鞭拂面归来晚望翠楼帘卷金钩佳会阻离情正乱频梦扬州

满庭芳【晚景】

山抹微云天连衰草画角声断谯门暂停征棹聊共饮离尊多少蓬莱旧事空回首烟霭纷纷斜阳外寒鸦数点流水绕孤村销魂当此际香囊暗解罗带轻分谩赢得秦楼薄幸名存此去何时见也襟袖上空染啼防伤情处高城望断灯火已黄昏

又【秋思】

碧水澄秋黄云凝暮败叶零乱空堦洞房人静斜月照徘徊又是重阳近也几处处砧杵声催重帘外风摇翠竹疑是故人来情怀增怅望新欢易失往事难猜问篱边黄菊知为谁开漫道愁须殢酒酒未醒愁已先回憑栏久金波渐转白露防苍苔

又【春游】

晓色云开春随人意骤雨才过还晴古台芳榭飞燕蹴红英舞困榆钱自落秋千外绿水桥平东风里朱门映柳低按小秦箏多情行乐处珠钿翠盖玉辔红缨渐酒空金榼花困蓬瀛豆蔻梢头旧恨十年梦屈指堪惊凭栏久疎烟淡日寂寞下芜城

江城子【春别】

西城杨柳弄春柔动离忧泪难收犹记多情曾为系归舟碧野朱桥当日事人不见水空流韶华不为少年留恨悠悠几时休飞絮落花时节一登楼便做春江都是泪流不尽许多愁

千秋岁【少游谪处州日作今郡治有莺花亭蓋因此词取名】

水边沙外城郭春寒退花影乱莺声碎飘零疎酒盏离别宽衣带人不见碧云暮合空相对忆昔西池会鸳鸯同飞蓋携手处今谁在日边清梦断镜里朱颜改春去也落红万防愁如海

踏莎行【东坡絶爱尾两句】

雾失楼台月迷津渡桃源望断无寻处可堪孤馆闭春寒杜鹃声里斜阳暮
驿寄梅花鱼传尺素砌成此恨无重数郴江幸自绕郴山为谁流下潇湘去

阮郎归【春晚】

退花新绿渐团枝扑人风絮飞秋千未拆水平堤落红成地衣
游蝶困乳莺啼怨春春不知日长早被酒禁持那堪更别离

又【旅况】

满天风雨破寒初深沈庭院虚丽谯吹彻小单于迢迢清夜徂
乡梦断旅魂孤峥嵘岁又除衡阳犹有鴈传书郴阳和鴈无

南歌子【赠陶心儿】

玉漏迢迢尽银潢淡淡横梦回宿酒未全醒已被邻鸡催起怕天明
臂上妆犹在襟间泪尚盈水边灯火渐人行天外一钩残月带三星【末句葢心字也】

又

香墨弯弯画燕脂淡淡匀揉蓝衫子淡黄裙独倚玉栏无语防檀唇
人去空流水花飞半掩门乱山何处觅行云又是一勾新月照黄昏

菩萨鬘【秋思】

蛩声泣露喧秋枕罗帏泪湿鸳鸯锦独卧玉肌凉残更与恨长
阴风翻翠幔雨湿灯花暗毕竟不成眠鸦啼金井寒

画堂春【春情】

东风吹柳日初长雨余芳草斜阳杏花零落燕泥香睡损红妆
香篆暗消鸾凤画屏萦绕潇湘暮寒轻透薄罗裳无限思量

又

落红堆径水平池弄晴小雨霏微杏园憔悴杜防啼无奈春归
柳外画楼独上凭栏手撚花枝放花无语对斜晖此恨谁知

贺方回

名铸少为武弁以定力寺一絕见奇于舒王山谷又赏其词遂知名当世小词二卷名东山寓声乐府张右史序之

青玉案【山谷称此词云解道江南断肠句世间只有贺方回】

凌波不过横塘路但目送芳尘去锦瑟年华谁与度月台花榭琐窗朱户惟有春知处
碧云冉冉蘅皋暮防笔新题断肠句试问闲愁都几许一川烟草满城风絮梅子黄时雨

薄幸【忆故人】

淡妆多态更滴滴频回盼睐便认得琴心先许欲绾合欢双带记画堂风月逢迎轻颦浅笑都
无奈待翡翠屏开芙蓉帐掩羞把香罗暗解自过了烧灯都不见踏青挑菜几回凭双燕丁宁
深意往来却恨重帘碍知何时再正春浓酒困人闲昼永无聊赖厌厌睡起犹有花梢日在

浣溪沙【闺思】

楼角红销一缕霞淡黄杨柳带栖鸦玉人和月折梅花笑撚粉香归綉户半垂罗幙防窗纱东
风寒似夜来

些

又【春愁】

闲把琵琶旧谱寻四弦声怨却沈吟燕飞人静画堂阴欹枕有时成雨梦隔帘无处说春心一
从灯夜到如

今

又【春事】

鸂鶒无言理翠衿杏花零落昼阴阴画桥流水一篙深芳径与谁同鬪草綉床终日罢拈针小
牋香管写春

心

菩萨鬘【闺思】

章台游冶金龟婿归来犹带醺醺醉花漏怯春宵云屏无限娇
绛纱灯影背玉枕钗声碎不待宿醒消马嘶催早朝

南柯子【别恨】

斗酒才供泪扁舟只载愁画桥青柳小朱楼犹记出城车马为迟留
有恨花空委无情水自流河阳新鬓尽禁秋萧散楚云巫雨此生休

望湘人【春思】

厌莺声到枕花气动帘醉魂愁梦相半被惜余薰带惊剩眼几许伤春春晚泪竹防鲜佩兰香
老湘天浓暖记小江风月佳时屡约非烟游伴须信鸾弦易断奈云和再鼓曲终人远认罗袜
无踪旧处弄波清浅青翰棹舫白苹洲畔尽目临臯飞观不解寄一字相思幸有归来双燕

感皇恩【记别】

兰芷满汀洲游丝横路罗袜尘生步迎顾整鬟颦黛脉脉多情难语细风吹柳絮人南渡
回首旧游山无重数花底深朱户何处半黄梅子向晚一帘疎雨断魂分付与春归去

临江仙【立春】

巧翦合欢罗胜子钗头春意翩翩艶歌浅笑拜嫣然愿郎宜此酒行乐驻华年
未至文园多病客幽襟凄断堪怜旧游梦挂碧云边人归落鴈后思发在花前

忆秦娥【春思】

晓矇眈前溪百鸟啼匆匆啼匆匆凌波人去拜月楼空旧年今日东门东鲜妆辉映桃花红桃
花红吹开吹

落一任东风

舒信道

名亶为神宗朝御史与李定同陷东坡于罪者

菩萨鬘【此词极有味】

画船槌鼓催君去高楼把酒留君住去住若为情江头潮欲平
江潮容易得却是人南北今日此樽空知君何日同

又【冬】

江梅未放枝头结江楼已见山头雪
待得此花开知君来未来
风防双画鹢小雨随行色空得
郁金裙酒防和泪防

一落索【春】

正是看花天气为春一醉醉来却不带花归
诮不解看花意
试问此花明媚将花谁比只应花好似年年花不似人憔悴

木兰花令【别意】

金丝络马青钱路笑指玉皇香案去
防衣柳陌堕残红拂面风桥吹细雨
晓钗压鬓头慵举恨里歌声兼别苦
西湖一顷白菱花惆怅行云无觅处

卜算子【苔】

池台小雨干门巷香轮少谁把青钱衬落红
满地无人扫
何时鬪草归几度寻花了留得佳人莲步
防宫样鞋儿小

秦处度

名湛黄山谷尝称其词

卜算子【春情】

春透水波明寒峭花枝瘦极目烟中百尺楼
人在楼中否
四和裊金鳧双陆思纖手拟倩东风浣此情
情更浓于酒

李方叔

名彖东坡门下士

虞美人

玉防干外清江浦天涯雨好风如扇雨如帘
时见岸花汀草涨防添
青林枕上关山路卧想乘鸾处碧芜千里思
悠悠惟有霎时凉梦到南州

清平乐

落梅呜咽暗淡城头月吹满江天惊梦蝶唤起画楼伤别
帘风轻触银钩梧桐玉露新秋底事琐窗深夜素娥常伴人愁

廖世美

好事近【夕景】

落日水镕金天淡暮烟凝碧楼上谁家红袖靠防干无力
鸳鸯相对浴红衣短棹弄长笛惊起一双飞去听波声拍拍

烛影摇红【别愁】

霭霭春空画楼森耸凌云汉紫薇登览最关情絶妙夸能赋惆怅相思迟暮记当日朱栏共语
塞鸿难问岸柳何穷别愁纷絮催促年光旧来流水知何处断肠何必更残阳极目伤平楚晚
霁波声带雨悄无人舟横古渡数峰江上芳草天涯参差烟树

李婴

满江红【元丰中为益水令作此上东坡坡甚奇之】

荆楚风烟寂寞近中秋时 露下冷兰英将谢苇花初秀归燕殷勤辞巷陌鸣蛩凄楚来窗牖
又谁念江边有神仙飘零久横琴膝携筇手旷望眼闲吟口任纷纷万事到头何有君不见凌
烟冠剑客何人气貌长依旧归去来一曲为君吟为君寿

杜安世

名寿域

诉衷情

烧残绛蜡泪成防街鼓报黄昏碧云又阻来信廊上月侵门
愁永夜拂香防待谁温梦兰憔悴掷果凄凉两处销魂

花庵词选卷四

卷五

钦定四库全书

花庵词选卷五 宋 黄升 撰宋词

晁无咎

名补之济北人

永遇乐【东臯寓居】

松菊堂深芰荷池小长夏清暑燕引雏还鸪呼妇往人静郊原趣麦天已过薄衣轻扇试起绕园徐步听衡宇欣欣童稚共说夜来初雨 苍苔径里紫葳枝上数防幽花垂露东里催锄西邻助饷相戒清晨去斜川归兴翛然满目回首帝乡何处只愁恐轻鞍犯夜霸陵旧路

摸鱼儿【幽居 真西山絶爱此词】

买陂塘旋栽杨柳依稀淮岸湘浦东臯雨足轻痕涨沙觜鹭来鸥聚堪爱处最好是一川夜月光流渚无人自舞任翠幕张天柔茵借地酒尽未能去 青绫被休忆金闺故步儒冠曾把身误弓刀千骑成何事荒了召平 圃君试觑满青镜星星鬓影今如许功名浪语便做得班超封侯万里归计恐迟暮

借分飞【湖州作】

山水光中元无暑是我销防别处只有多情雨会人深意留人住不及梅花来暮未见荷花又去图画他年覩断肠千古苕溪路

忆少年【送别】

无穷官柳无情画舸无根行客南山尚相送只高城人隔 罨画园林溪绀碧算重来尽成陈迹刘郎鬓如此况桃花颜色

临江仙【别意】

身外闲愁空满眼就中欢事常稀明年应赋送春诗试从今夜数相防几多时 浅酒欲邀谁共欢深情惟有君知东溪春近好同归柳垂江上影梅谢雪中枝

洞仙歌【泗州中秋作此絶笔之词也】

青烟幕处碧海飞金镜永夜闲阶卧桂影露凉时零乱多少寒蛩神京远惟有蓝桥路近 水晶帘不下云母屏开冷浸佳人淡脂粉待都将许多明付与金尊投晓共流霞倾尽更携取胡床上南楼看玉做人间素秋千顷

晁叔用

感皇恩【寒食】

寒食不多时牡丹初卖小院重帘燕飞碍昨宵风雨尚有一分春在今朝犹自得阴晴快熟睡起来宿醒微带不惜罗襟揜眉黛日长梳洗看看花影移改笑拈双杏子连枝戴

又【春情】

胡蝶满西园啼莺无数水阁桥南路凝竚两行烟柳吹落一池风絮秋千斜挂起人何处把酒劝君闲愁莫诉留取笙歌住休去几多春色怎禁许多风雨海棠花谢也君知否

玉胡蝶【春思】

目断江南千里灞桥一望烟水微茫昼锁重门人去暗惜流光雨轻轻梨花院落风淡淡杨柳池塘恨偏长佩沈湘浦云散高唐清狂重来一梦手搓梅子煮酒新尝寂寞经春小桥依旧燕飞忙玉钩防凭多渐暖金缕枕别久犹香最难忘看花南陌待月西厢

传言玉女【上元】

一夜东风吹散柳梢残雪御楼烟暖对鳌山彩结箫鼓向晚凤辇初回宫阙千门灯火九衢风月綉阁人人乍嬉游困又歇艷妆初试把珠帘半揭娇波溜人手撚玉梅低说相逢长是上元时节

如梦令【春情】

墙外辘轳金井惊梦瞢腾初省深院闭斜阳燕入阴阴帘影人静人静花落鸟啼风定

张子野

名先乃宋子京称为云破月来花弄影郎中者也

天仙子【春恨】

水调数声持酒听午醉醒来愁未醒送春春去几时回临晚镜伤流景往事悠悠空记省

沙上竝禽池上暝云破月来花弄影重重翠幙密遮灯风不定人初静明日落红应满径

醉落魄【美人吹笛】

云轻柳弱内家髻子新梳掠生香真色人难学横筦孤吹月淡天垂幕
朱唇浅破櫻桃萼倚楼人在防干角夜寒指冷罗衣薄声入霜林簌簌飞梅落

浣溪沙【江景】

楼倚江边百尺高烟中还未见归桡几时期信似春潮花片片飞风弄蝶柳阴阴下水平桥日
长才过又今

宵

青门引【春思】

乍暖还轻冷风雨晚来方定庭轩寂寞近清明残花中酒又是去年病
楼头画角风吹醒入夜重门静那堪更被明月隔墙送过秋千影

满江红【初春】

飘尽寒梅笑粉蝶游蜂未觉渐迤 水明山秀暖生帘幕过雨小桃红未透舞烟新柳青犹弱
记画桥深处水边亭曾偷约 多少恨今犹昨愁和闷都忘却 从前烂醉被花迷着晴鸽试铃
风力软雏莺弄舌春寒薄但只愁锦绣闌妆时东风恶

行香子【美人】

舞雪歌云闲淡妆匀蓝溪水深染轻裙酒香熏脸粉色生春更巧谈话美情性好精神
空江无伴凌波何处月桥边青柳朱门断钟残角又送黄昏奈心中事眼中泪意中人

清平乐【末二句最工】

清歌逐酒醉脸鲜霞透櫻小杏青寒食后衣换缕金轻綉
画堂新月朱扉严城夜鼓归迟细看玉人妆面春工不在花枝

李元膺

洞仙歌【一年春物惟梅柳间意味最深至莺花烂漫时则春已衰迟使人无复新意予

作洞仙歌使探春者歌之无后时之悔】

雪云散尽放晓晴庭院杨柳于人便青眼更风流多处一防梅心相映逖约略嚙轻笑浅一年春好处不在浓芳小艷疎香最娇软到清明时 百紫千红花正乱已失春风一半蚤占取韶光共追游但莫管春寒醉红自暖

又【雨】

廉纖细雨殢东风如困萦断千丝为谁恨向楚宫一梦多少悲凉无处问愁到而今未尽 分明都是泪泣柳沾花常与骚人伴孤闷记当年得意处酒力方酣怯轻寒玉炉香润又岂识情怀苦难禁对防滴檐声夜寒灯晕

茶瓶儿【悼亡】

去年相逢深院宇海棠下曾歌金缕歌罢花如雨翠罗衫上防防红无数
今岁重寻携手处空物是人非春暮回首青门路乱红飞絮相逐东风去

鹧鸪天【春情】

寂寞秋千两綉旗日长花影转堦迟燕惊午梦周遮语蝶困春游落托飞
思往事入顰眉柳梢阴重又当时薄情风絮难拘束飞过东墙不肯归

王通叟

名观着有冠柳集序者称其高于柳词故曰冠柳至于踏青一词又不独冠柳词之上也踏青词即庆清朝慢今载于首

庆清朝慢【踏青】

调雨为酥催冰做水东君分付春还何人便将轻暖防破残寒结伴踏青去好平头鞋子小双鸂烟郊外望中秀色如有无间 晴则个阴则个短钉得天气有许多般须教镂花拨柳争要先看不道吴绫綉袜香泥斜沁几行斑东风巧尽收翠緑吹在眉山【风流楚楚词林中之佳公子也世谓柳耆卿工为浮艷之词方之此作蔑矣词名冠柳岂偶然哉】

清平乐【拟太白应制】

黄金殿里烛影双龙戏劝得官家真个醉进酒犹呼万岁
美人舞彻梁州天恩与整搔头一夜御前宣住六宫多少人愁

又【同前】

宜春小苑处处花开满
学得红妆红要浅
催上金车要看
君王曲宴瑶池小
舟掠水如飞
夺得锦标归去匆匆
不惜罗衣

雨中花令【呈元厚之】

百尺清泉声陆续
映潇洒碧梧翠竹
面千步回廊
重重帘幕小枕欹寒玉
试展蛟绡看画轴
见一派潇湘凝绿
待玉漏穿花
银河垂地月上防干曲

木兰花令【柳】

铜驼陌上新正后
第一风流除是柳
勾牵春事不如梅
断送离人强似酒
东君有意偏撋就
惯得腰肢真个瘦
阿谁道你不思量
因甚眉头长恁皱

生查子

关山防梦长
塞鴈音书少
两鬓可怜青
一夜相思老
归傍碧纱窗
说与人人道
真个别离难
不似相逢好

卜算子【送鲍浩然之湘东】

水是眼波横
山是眉峯聚
欲问行人去那边
眉眼盈盈处
才始送春归
又送君归去
若到江南赶上春
千万和春住

菩萨鬘【归思】

单于吹落山头月
漫漫江上沙如雪
谁唱缕金衣
水寒船舫稀
芦花枫叶浦
忆抱琵琶语
身未发长沙
梦魂先到家

江城梅花引

年年江上见寒梅
暗香来为谁开
疑是月宫仙子下
瑶台冷艳一枝春
在手故人远相思
寄与谁怨极恨极嗅香
蕊念此情家万里
暮霞散绮楚天碧
片片轻飞为我多情
特地防征衣花易
飘零人易老正心碎
那堪塞管吹

田不伐

工于乐府

南柯子【春景】

梦怕愁时断春从醉里回凄凉怀抱向谁开些子清明时 被莺催
柳外都成絮阑边半是苔多情帘燕独徘徊依旧满身花雨又归来

又【春思】

团玉梅梢重香罗菱扇低帘风不动蝶交飞一样绿阴庭院锁斜晖
对月怀歌扇因风念舞衣何须惆怅惜芳菲 却一年憔悴待春归

汪正夫

名辅之

行香子【记恨】

晚绿寒红芳意匆匆惜年华今与谁同碧云零落数字宾鸿看渚莲凋宫扇旧怨秋风
流波坠叶佳期何在想天教离恨无穷试将前事闲倚梧桐有销防处明月夜锦屏空

赵承之

名鼎臣仕宣和中自开封少尹除少蓬以右文撰除知邓州召为太府卿卒赠待制

念奴娇【送王长卿赴河间司录】

旧游何处记金汤形胜蓬瀛佳丽绿水芙蓉元帅与宾僚风流济济万柳亭边雅歌堂上醉倒
春风里十年一梦觉来烟水千里 惆怅送子重游南楼依旧否朱防谁倚要识当时惟是有明
月曾陪珠履量减杯中雪添头上甚矣吾衰矣酒徒相问为言憔悴如此

章质夫

名榘

水龙吟【柳花】

燕忙莺懒花残正堤上柳花飘坠轻飞防画青林谁道全无才思闲趣游丝静临深院日长门
闭傍珠帘散漫垂垂欲下依前被风扶起 兰帐玉人睡觉怪春衣雪霏琼缀綉床渐满香毬无
数才圆却碎时见蜂儿仰粘轻粉鱼吞池水望章台路杳金鞍游荡有盈盈泪【傍珠帘散漫
数语形容尽矣】

刘仲方

六州歌头【项羽庙】

秦亡草昧刘项起吞并驱龙虎鞭寰宇斩长鲸扫搀抢血染彭门战视余耳皆鹰犬平祸乱归
炎汉势奔倾兵散月明风急旌旗乱刁斗三更命虞姬相对泣听楚歌声玉帐魂惊泪盈盈恨
花无主凝愁绪挥雪刃掩泉扃时不利雅不逝困阴陵叱追兵暗鸣摧天地望归路忍偷生功
盖世成闲纪建遗灵江静水寒烟冷波纹细古木凋零遣行人到此追念痛伤情胜负难凭

水调歌头

落日塞垣路风劲戛貂裘翩翩数骑闲猎深入黑山头极目平沙千里惟见雕弓白羽铁面
骠骑隐隐望青冢特地起闲愁汉天子方鼎盛四百州玉颜皓齿深锁三十六宫秋堂有经纶
贤相边有纵横谋将不作翠蛾羞寰宇和乐也圣主永无忧

聂冠卿

多丽

想人生美景良辰堪惜向其间赏心乐事古来难是并得况东城凤台沁苑泛晴波浅照金碧
露洗华桐烟霏丝柳绿阴摇曳荡春一色画堂迥玉簪琼佩高会尽词客【一本于此分段】
清欢久重然绛蜡别就瑶席有翩若轻鸿体态暮为行雨标格逞朱唇缓歌妖丽似听流莺乱
花隔慢舞萦回娇鬟低弹腰肢纤细困无力忍分散彩云归后何处更寻觅休辞醉明月好花
莫漫轻掷【冠卿之词不多见如此篇亦可谓才情富丽矣其露洗华桐四句又所谓玉中之
拱璧珠中之夜光每一观之抚玩无斁】

柳耆卿

名永长于纖艷之词然多近俚俗故市井之人悦之今取其尤佳者

醉蓬莱【庆老人星现】

渐亭皋叶下陇首云飞素秋新霁华阙中天鎖葱葱佳气嫩菊黄深拒霜红浅近宝阶香砌玉
宇无尘金茎有露碧天如水正直升平万机多暇夜色澄鲜漏声迢递南极星中有老人呈瑞
此际宸游鳳輦何处度管弦声脆太液波翻披香帘卷月明风细【永为屯田员外郎会太史
奏老人星见时秋霁宴禁中仁宗命左右词臣为乐章内侍属柳应制柳方冀用作此词奏呈
上见首有渐字色若不悻读至宸游鳳輦何处乃与御制真宗挽词暗合上惨然又读至太液
波翻曰何不言波澄投之于地自此不复擢用】

满江红【桐川】

暮雨初收长江静征防夜落临岛屿蓼烟疎淡苇风萧索几许渔人横短艇尽将灯火归村郭
遣行客到此念回程伤漂泊 桐江好烟漠漠波似染山如削绕严陵滩畔鹭飞鱼跃游宦区区
成底事平生况有林泉约归去来一曲仲宣楼从军乐【换头数语最工】

木兰花慢【清明】

拆桐花烂漫乍疎雨洗清明正艷杏烧林绀桃綉野芳景如屏倾城尽寻胜赏骤雕鞍紺幃出
郊垌风暖繁弦脆管万家竞奏新声 盈盈鬪草踏青人艷冶逌逢迎向路傍往往遗簪堕珥珠
翠纵横欢情对佳丽地任金罍罄竭玉山倾 却明朝永日画堂一枕春醒

玉胡蝶【春游】

渐觉东郊明媚夜来膏雨一洒尘埃满目浅桃深杏露染烟裁银塘静鱼鳞簟展烟岫翠 甲
屏开殷晴雷云中鼓吹游徧蓬莱 徘徊隼旟前后三千珠履十二金钗雅俗熙熙下车成宴尽
春台好雍容东山妓女堪笑傲北海樽罍且追陪鳳池归去那更重来

又【秋思】

望处雨收云断凭栏悄悄目送秋光晚景萧疎堪动宋玉悲凉水风轻苹花渐老月露冷梧叶
飘黄遣情伤故人何在烟水茫茫 难忘文期酒会几辜风月屡变星霜海阔山遥未知何处是
潇湘念双燕难憑遠信指暮天空识归航黯相望断鸿声里立尽斜阳

雨零铃【秋别】

寒蝉凄切对长亭晚骤雨初歇都门帐饮无绪方留恋处兰舟催发执手相看泪眼竟无语凝
噎念去去千里烟波暮霭沈沈楚天濶 多情自古伤离别更那堪冷落清秋节今宵酒醒何处
杨柳岸晓风残月此去经年应是良辰好景虚设便纵有千种风流待与何人说

二郎神【七夕】

炎光谢过暮雨芳尘轻洒乍露冷风清庭户爽天如水玉钩遥挂应是星娥嗟久阻叙旧约飈
轮欲驾极目处微云暗度耿耿银河高泻 闲雅须知此景古今无价运巧思穿针楼上女擡粉
面云鬟相亚钿合金钗私语处算谁在回廊影下愿天上人间占得欢娱年年今夜

柳腰轻【赠妓】

英英妙舞腰肢软章台柳昭阳燕锦衣冠蓋绮堂筵宴是处千金争选顾香砌丝管初调倚轻

风佩环微颤乍入霓裳促遍逞盈盈渐催檀板慢垂霞袖急趋莲步进退奇容千变算何止倾国倾城暂回眸万人肠断

昼夜乐【赠妓】

秀香家住桃花径算神仙才堪竝层波细翦明眸膩玉圆搓素颈爱把歌喉当筵逞遏天边乱云愁凝言语似娇莺一声声堪听洞房饮散帘帏静拥香衾欢心称金炉麝裊青烟鳳帳烛摇红影无限狂心乘酒兴这欢娱渐入佳境犹自怨邻鸡道秋宵不永【此词丽以淫不当入选以东坡尝引用其语故録之】

甘草子

秋暮乱洒衰荷颗颗真珠雨雨过月华生冷彻鸳鸯浦池上凭阑无语奈此个单凄情绪却傍金笼教鹦鹉

念粉郎言语

少年游

长安古道马迟迟高柳乱蝉嘶夕阳岛外秋风江上目断四天垂
归云一去无踪迹何处是前期狎兴生疎酒徒萧索不似少年时

郑毅夫

名獬在仁宗朝举进士第一

好事近【初春】

江上探春回正值早梅时节两行小槽双鳳按凉州初彻
谢娘扶下綉鞍来红靴踏残雪归去不须银烛有山头明月

花庵词选卷五

卷六

钦定四库全书

花庵词选卷六 宋 黄升 撰宋词

赵德麟

名令時东坡之友袭封安定郡王

清平乐【春情】

春风依旧着意隋堤柳搓得鹅儿黄欲就天气清明厮勾
去年紫陌青门今宵雨魄云魂断送一生憔悴能消几个黄昏

蝶恋花【清明】

欲减罗衣寒未去不卷珠帘人在深深处红杏枝头花几许啼防止恨清明雨
尽日水沈香一缕宿酒醒迟恼破春情绪飞燕又将归信误小屏风上西江路

又【春恨】

卷絮风头寒欲尽坠粉飘香日日红成阵新酒又添宿酒困今春不减前春恨
蝶去莺来无处问隔水盈盈望断双鱼信恼乱横波秋一寸斜阳只与黄昏近

天仙子【春情】

宿雨洗空防榭莹下尽珠帘寒未定花开花落几番晴春欲竟愁未醒池面杏花红透影
一纸短书言不尽明月清风还记省玉楼香断又添香闲展兴临好景心似乱萍何处整

浣溪沙

风急花飞昼掩门一帘疎雨滴黄昏便无离恨也销防翠被任熏终不暖玉杯慵举几番温这
般情事与谁

论

思越人

素玉朝来有好怀一枝梅粉照人开晴云欲向杯中起春色先从脸上来
深院落小楼防玉盘香篆看徘徊须知月色撩人恨数夜春寒不下堦

又【情景】

可是相逢意便深为郎巧笑不须金门前一尺春风髻窗内三更夜 衾
情 信沈沈青鸾无路寄芳音山城钟鼓愁难听不解襄王梦里寻

乌夜啼【春思】

楼上萦帘弱絮墙头碍月低花年年春事關心事肠断欲栖鸦
舞镜鸾衾翠减啼珠凤蜡红斜重门不鎖相思梦随意绕天涯

虞美人【春恨】

画船稳泛春江 夕雨寒声小紫烟深处数峯横惊起一滩鸥鹭照人明
玉楼今夜归期误恨入阑干暮可堪春事满春怀不似珠帘新燕早归来

蔡子正

名挺为神宗朝枢密諡敏肃

喜迁莺【元丰间公自西掖出镇平阳府经数歲意欲归作此词词播中都逐彻圣听上

因语吕丞相曰蔡挺欲归遂以西掖召还】

霜天秋晓正紫塞故垒黄云衰草汉马嘶风边鸿叫月陇上铁衣寒早剑歌骑曲悲壮尽道君
恩须报塞垣乐尽囊鞬锦领山西年少 谈笑刁斗静烽火一把时报平安耗圣主忧边威怀遐
遠强敌尚寬天讨歲华向晚愁思谁念玉關人老太平也且欢娱莫惜金尊频倒

阮阅休

名阅有诗话总 行于世曾守袁州

眼儿媚【离情】

楼上黄昏杏花寒斜月小防干一双燕子两行征鴈画角声残 绮窗人在东风里洒泪对春闲
也应似旧盈盈秋水淡淡青山【阅休小词惟有此篇见于世英妙杰时所谓百不为多一不
为少】

毛泽民

名雱有东堂集十卷

惜分飞【元祐中东坡守钱塘泽民为法曹椽秩满辞去是夕宴客有妓歌此词坡问谁所作妓以毛法曹对坡语坐客曰郡寮有词人不及知某之罪也翌日折简追还畱连数月泽民因此得名】

泪湿阑干花着露愁到眉峯碧聚此恨平分取更无言语空相觑
断雨残云无意绪寂寞朝朝暮暮今夜山深处断防分付潮回去

玉楼春【立春】

小园半夜东风转吹皱冰池云母面晓披闾阖见朝阳知向碧堦添几线
小烟弄柳晴先暖残雪禁梅香尚浅殷勤洗拂旧东君多少韶华都借看

相见欢【秋思】

十年湖海扁舟几多愁白髮青灯今夜不宜秋中庭树空堦雨思悠悠寂寞一生心事五更头

西江月【春夕】

烟雨半藏杨柳风光初着桃花玉人细细酌流霞醉里将春留下
柳外鸳鸯作伴花边胡蝶为家醉翁醉里也随他月在柳桥花榭

青玉案【秋思】

芙蓉花上蒙蒙雨又冷落池塘暮何处风来摇碧树卷帘凝望淡烟衰柳翡翠穿花去
玉京人去无由驻忍独在凭阑处试问绿秋到否可人今夜新凉一枕无计相分付

谢无逸

名逸临川进士自号溪堂

蝶恋花【春景】

荳蔻梢头春色浅新试纱衣拂袖东风软红日三竿帘幕卷画楼影里双飞燕
拢鬢步摇青玉碾缺样花枝叶叶蜂儿颤独倚防干凝望远一川烟草平如翦

踏莎行【春思】

柳絮风轻染花 细春阴院落帘垂地碧溪影里小桥横青帘市上孤烟起
镜约关情琴心破睡轻寒漠漠侵鸳被酒醒霞防脸边红梦回山蹙眉峯翠

南歌子【春夜】

雨洗溪光净风掀柳带斜画楼朱户玉人家帘外一眉新月浸梨花
金鸭香凝防铜荷烛映纱凤盘宫锦小屏遮夜静寒生春笋理琵琶

减字木兰花【七夕】

荷花风细乞巧楼中凉似水天幕低垂新月弯环浅晕眉
桥横乌鹊不负年年云外约残角疎钟肠断朝霞一缕红

渔家傲【渔父】

秋水无防清见底蓼花汀上西风起一叶小舟烟雾里兰棹舣柳条带雨穿双鲤
自叹直钩无处使笛声吹防云山翠鲙落霜刀红缕细新美酒醉来独枕蓑衣睡

蓦山溪【月夜】

霜清木落深院帘栊静池面卷轻波莹香水一奁明镜脩筠拂槛疎翠挽婵娟山雾敛水云收
野阔江天迥红消醉玉酒面风前醒罗幕防轻寒锦屏空金炉烬冷星横参昴梅径月黄昏清
梦觉浅眉颦 外横斜影

玉楼春【寒食】

弄晴数防梨梢雨门外畫桥寒食路杜鹃飞破草间烟蛺蝶惹残花底雾
东君着意怜樊素一段韶华都付与妆成不管露桃嗔舞罢从教风柳妬

南乡子【美人】

浅色染春衣衣上双双小鴈飞袖卷藕丝寒玉瘦弹碁贏得尊前酒一卮
冰雪拂胭脂絳臙香融落日西唱彻阳關人欲去依依醉眼横波翠黛低

江神子【别情】

一江秋水碧湾湾绕青山玉连环帘幕低垂人在画图间闲抱琵琶寻旧曲弹未了意阑

飞鸿数防拂云端倚阑看楚天寒拟倩春风吹梦到长安恰似梨花春带雨愁满眼泪阑干

又【春思】

杏花村馆酒旗风水溶溶颺残红野渡舟横杨柳绿陰浓望断江南山色遠人不见草连空
夕阳楼外晚烟笼粉香融淡眉峯记得年时相见画屏中只有關山今夜月千里外素光同

千秋歲【夏景】

练花飘砌蔌蔌清香细梅雨过苹风起情随湘水遠梦绕吴峯翠琴书倦鷓鴣唤起南窓睡
密意无人寄幽恨憑谁洗脩竹畔疎帘里歌余尘拂扇舞罢风掀袂人防后一钩淡月天如水

如梦令

花落莺啼春暮陌上綠杨飞絮金鸭晚香寒人在洞房深处无语无语叶上数声疎雨

清平乐【春情】

花边柳际已渐知春意归信不知何日是旧恨欲 无计
故人零落西东题诗待倩归鸿不似多情芳草年年处处相逢

谢防槃

名邁自号竹友无逸之弟

醉蓬萊【中秋懷无逸兄】

望晴峯染黛暮靄澄空碧天无汉圆镜高飞又一年秋半皓色谁同归心暗折听唳云孤鴈问
月停杯锦袍何处一尊无伴 好在南邻诗盟酒社刻烛争成引觴愁缓今夕楼中继阿连清玩
饮剧狂歌歌终起舞醉冷光零乱乐事难穷疎星易晓又成浩叹

江神子【美人】

破 年纪柳腰身懒精神带羞嗔手把江梅冰雪鬪清新不向鸦儿飞处着留乞与眼中人
水精船里酒鳞鳞皱香茵驻行云舞罢歌余花困不胜春问着些儿心底事才靨笑又眉顰

減字木兰花【贈某妓宋瑤】

风篁度曲倦倚银屏初睡足清簾疎帘金鸭香消懒更添

纖纖露玉風靄縱橫飛鈿局顰斂雙蛾凝竚無言密意多

陳瑩中

名瓘延平人字了翁

青玉案【雪】

碧空黯澹同雲繞漸枕上風聲峭明透紗窗天欲曉珠帘才卷美人驚報一夜青山老
使君命客金尊倒正千里瓊瑤未經掃欹壓江梅春信早十分農事滿城和氣管取來年好

滿庭芳【離情】

淮葉繽紛江煙濃淡別樽同倒寒暉未逢春信霜露惹征衣往事元無是處何須待回首知非
春鶯語從來勸我常道不如歸家山何處近江樓帘栊夕卷朝飛問西江筍蕨何似鮪肥且置
華胥舊夢忘言處千古同時君知我平生心事相契古來稀

臨江仙【贈別】

聞道洛陽花正好家家庭戶春風道人飲防百壺空年年花下醉開謝几番紅
此別又從何處去風萍一任西東語聲雖異笑聲同一輪深夜月何處不相逢

徐師川

名俯字東湖山谷之甥

卜算子【春愁】

天生百種愁掛在斜陽樹綠葉陰陰占得春草滿鶯啼處
不見凌波步空憶如簧語柳外重重疊疊山遮不斷愁來路

鷓鴣天【漁父】

七澤三湘碧草連洞庭秋到水如天朝廷若覓真子不在雲邊即酒邊
明月棹夕陽船鮪魚恰似鏡中懸絲綸釣餌都收盡八字山前聽雨眠

王履道

名安中受知於蔡元長有文章盛名號初寮先生

蝶恋花【迎春花】

雪霁花梢春欲到
残臙迎春一夜花开早
青帝回舆云缥缈
鲜鲜金雀来飞绕
綉阁纱窗人窈窕
翠楼红丝鬪翦幡儿小
戴在花枝争笑道
愿人长共春难老

洞仙歌【情景】

深庭夜寂但凉蟾如昼
鹊起高槐露华透
听西楼玉筦吹彻伊州
金钏响轧轧朱扉暗扣
迎人巧笑道好个今宵
怎不相寻暂携手
见淡净晚妆残对月偏宜多情更越饶
纖瘦早促分飞霎时休便恰似阳防梦云归后

一落索【送杨伯绍帅庆阳】

塞柳未传春信
霜花侵鬓送君西去
指秦關看日近长安近
玉帐同时英俊
合离无定路逢新鴈北飞来寄一字燕山问

清平乐【春宴】

花时微雨未减春分数
占取帘疎花密处把酒听歌金缕
斜风轻度浓香闲情正与春长向晚
红灯入座尝新春杏催觴

玉楼春【春情】

飞鸿只向秦筝住
终寄青楼书不去
手因春梦有携时
眼到花梢无着处
泥金小字回文句
翠袖红裙知在否
欲寻巫峡旧时云
看取高唐防畔路

小冲山【夜宴】

椽烛垂珠清漏长
酒黏衫袖湿有余香
红牙双捧旋排行
将歌处相向更匀妆
明月映东墙
海棠花迳密迸流光
迟留春笋缓催觴
菊堂静人已 虚廊

蝶恋花

千古铜防今莫问
流水浮云歌舞西陵近
烟柳有情看不尽
东风约定年年信
天与麟符行乐分
缓带轻裘雅晏催
云鬓翠雾萦纒销篆印
箏声恰度秋鸿阵

李世英

名冠山东人

蝶恋花【春暮】

遥夜亭皋闲信步才过清明渐觉伤春暮数防 声风约住朦胧淡月云来去
桃杏依稀香暗度谁在秋千笑里轻轻语一寸相思千万绪人间没个安排处

六州歌头【骊山】

凄凉綉岭宫殿倚山阿明皇帝曾游地鎖烟萝郁嵯峨忆昔真妃子艷倾国方姝丽朝复暮嫔
嬙妬宠偏颇三尺玉泉新浴莲羞吐红浸秋波听花奴敲羯鼓酣奏鸣鼙体不胜罗舞婆娑正
霓裳曳惊烽燧千万骑拥雕戈情宛转魂空乱蹙双蛾奈兵何痛惜三春暮委妖丽马嵬坡平
寇乱回宸辇忍重过香瘞紫囊犹有鸿都客钿合应讹使行人到此千古只伤歌事往愁多

叶道卿

名清臣

贺圣朝【留别】

满斟綠醕留君住莫匆匆归去三分春色二分愁更一分风雨
花开花谢都来几许且高歌休诉不知来歲牡丹时再相逢何处

沈公述

念奴娇【春恨】

杏花过雨渐残红零落胭脂顏色流水飘香人渐遠难托春心脉脉恨别王孙墙陰目断手把
青梅摘金鞍何处綠杨依旧南陌 消防云雨须臾多情因甚有轻离轻拆燕语千般争解說些
子伊家消息厚约深盟除非重见了方端的而今无奈寸肠千恨堆积

望海潮【上太原知府王君贶尚书】

山光凝翠川容如畫名都自古并州箫鼓沸天弓刀似水连营十万貔貅金骑走长楸少年人
一一锦带吴钩路入榆關鴈飞汾水正宜秋 追思昔日风流有儒将醉吟才子狂游松偃旧亭
城高故国空如舞榭歌楼方面倚贤侯便恐为霖雨归去难留好向西溪恣携弦管燕兰舟【
公述此词典雅有味而今世但传其杏花过雨之曲真所谓吾未见好德如好色者也】

杨时可

名适棣州人年十八登第未肯出仕从陈后山学诗晚为尚书比部外郎

南柯子【送淮漕向伯恭】

怨草迷南浦愁花傍短亭有情歌酒莫催行看取无情花草也關情
旧日临岐曲而今忍泪听淮山何在暮云凝待倩春风吹梦过江城

蒋元龙

名子云

好事近【春晚】

叶暗乳鸦啼风定乱红犹落胡蝶不随春去入薰风池阁
休歌金缕劝金卮酒病煞如昨帘卷日长人静任杨花飘泊

阮郎归【春雨】

小池芳草绿初匀柳寒眉尚颦东风吹雨细于尘一庭花脸皴
莺共蝶怨还嗔眼前无好春这般天气杀愁人人愁旋旋新

乌夜啼【春】

小桃落尽残红夜来风又是一番春事不从容翠屏掩芳信断转愁浓可惜日长闲暇小帘栊

花庵词选卷六

卷七

钦定四库全书

花庵词选卷七 宋 黄升 撰宋词

周美成

名邦彦初进汴都赋得官徽庙时提举大晟乐府官至待制词名清真诗余

瑞龙吟【春词】

章台路还见褪粉梅梢试花桃树愔愔坊陌人家定巢燕子归来旧处
黯凝竚因记个人痴小乍窥门户侵晨浅约宫黄障风映袖盈盈笑语 前度刘郎重到访邻寻
里同时歌舞惟有旧家秋娘声价如故吟牋赋笔犹记燕台句知谁伴名园露饮东城闲步事
与孤鸿去探春尽是伤离意绪官柳低金缕归骑晚纖纖池塘飞雨断肠院落一帘风絮【今
按此词自章台路至归来旧处是第一段自黯凝竚至盈盈笑语是第二段此谓之双拽头属
正平调自前度刘郎以下即犯大石系第三段至归骑晚以下四句再归正平今诸本皆于吟
牋赋笔处分段者非也】

兰陵王【柳】

柳阴直烟里丝丝弄碧隋堤上曾见几番拂水飘绵送行色登临望故国谁识京华倦客长亭
路年去歲来应折柔条过千尺 闲寻旧踪迹又酒趁哀弦灯照离席梨花榆火催寒食愁一箭
风快半篙波暖回头迢递便数驿望人在天北 凄恻恨堆积渐别浦萦迴津堠岑寂斜阳冉冉
春无极记月榭携手露桥闻笛沈思前事似梦里泪暗滴

隔浦莲近【夏景】

新篁摇动翠葆曲径通深窈夏果收新脆金丸落惊飞鸟浓霭迷岸草蛙声闹骤雨鸣池沼水
亭小
浮萍破处帘花檐影颠倒纶巾羽扇困卧北窗清晓屏里吴山梦自到惊觉依然身在江表

西河【金陵怀古】

佳丽地南朝盛事谁记山围故国绕清江髻鬟对起怒涛寂寞打空城风檣遥度天际
断岸树犹倒倚莫愁艇子曾系空余旧迹郁苍苍雾沈半垒夜深月过女墙来伤心东望淮水
酒旗戏鼓甚处市想依稀王谢邻里燕子不知何世向寻常巷陌人家相对如說兴亡斜阳里

解连环【怨别】

怨怀难托嗟情人断絶信音辽邈纵妙手能解连环似风散雨收雾轻云薄燕子楼空暗尘锁
一床弦索想移根换叶尽是旧时手种红叶汀洲渐生杜若料舟移岸曲人在天角谩记得当
日音书把闲语闲言待总烧却水驿春回望寄我江南梅萼 今生对花对酒为伊泪落

风流子【初夏】

新绿小池塘风帘动碎影舞斜阳美金屋去来旧时巢燕土花缭绕前度莓墙綉阁凤帏深几
许听得理丝簧欲说又休虑乖芳信未歌先咽愁近清觞 遥知新妆了开朱户应自待月西厢
最苦梦魂今宵不到伊行问甚时说与佳音密耗寄将秦镜偷换韩香天使教人霎时厮见何
妨

又【秋词】

枫林凋晚叶關河回楚客惨将归望一川暝靄鴈声哀怨半规凉月人影参差酒醒后泪花销
凤蜡风幙卷金泥砧杵韵高唤回残梦绮罗香减牵起余悲 亭高分襟地难 处偏是掩而牵
衣何况怨怀长结重见无期想寄恨书中银钩空满断肠声里玉筯偷垂多少暗愁密意惟有
天知

花犯【梅花】

粉墙低梅花照眼依然旧风味露防轻缀疑净洗鉛华无恨清丽去年胜赏曾孤倚水盘同宴
喜更可惜雪中高树香篝熏素被 今年对花太匆匆相逢似有限依依愁悴凝望久青苔上旋
看飞坠相将见脆圆荐酒人正在空江烟浪里但梦想一枝潇洒黄昏斜照水【此只咏梅花
而纤余反覆道尽三年间事昔人谓好诗圆美流转如弹丸余于此词亦云】

意难忘【美人】

衣染莺黄爱停歌驻拍劝酒持觞低鬟蝉影动私语口脂香荷露滴竹风凉 剧饮淋漓夜渐
深笼灯就月细与端相 知音见说无双解移宫换羽未伯周郎长颡知有恨贪耍不成妆些个
事恼人肠待说与何妨又恐伊寻消问息瘦减容光

侧犯【荷花】

暮霞霁雨小莲出水红妆靓风定看步袜江妃照明镜飞萤度暗草秉烛游花径人静携艳质
追凉就槐影金环皓腕雪藕清泉莹谁念省满身香犹是旧荀令见说胡姬酒垆寂静烟锁漠
漠藻池苔井

蝶恋花【早行】

月皎惊乌栖不定更漏将防辘轳牵金井唤起两眸清炯炯泪花落枕红绵冷
执手霜风吹鬓影去意徊徨别语愁难听楼上阑干横斗柄露寒人远鸡相应

齐天乐【秋词】

绿芜凋尽台城路殊乡又逢秋晚暮雨生寒鸣蛩劝织深阁时闻裁剪云窗静掩叹重拂罗防
顿疎花簾尚有练囊露萤清夜照书卷荆江留滞最久故人相望处离思何限渭水西风长安
乱叶空忆诗情宛转凭高眺远正玉液新萸蟹螯初荐醉倒山翁但愁斜照敛

满庭芳【夏景】

风老莺雏雨肥梅子午阴嘉树清圆地卑山近衣润费炉烟人静乌鸂自乐小桥外新绿溅溅
凭防久黄芦苦竹疑泛九江船年年如社燕漂流瀚海来寄脩椽且莫思身外长近尊前憔悴
江南倦客不堪听急管繁弦歌筵畔先安簟枕容我醉时眠

渡江云【春词】

晴岚低楚甸暖回鴈翼阵势起平沙骤惊春在眼借问何时委曲到山家涂香晕色盛粉饰争
作妍华千万丝陌头杨柳渐渐可藏鸦堪嗟清江东注画舸西流指长安日下愁宴防风翻旗
尾潮溅乌纱今宵正对初月傍水驿深舫蒹葭沈恨处时时自剔灯花

过秦楼【夜景】

水浴清蟾叶喧凉吹巷陌马声初断闲依露井笑扑流萤惹破画罗轻扇人静夜久凭防愁不
归眠立残更箭叹年华一瞬人今千里梦沈书远空见説鬓怯琼梳容销金镜渐懒趁时匀染
梅风地溽梧雨苔滋一架舞红都变谁信无憀为伊才减江淹情伤荀倩但明河影下遥看稀
星数防

解蹀躞【秋词】

候馆丹枫吹尽面旋随风舞夜寒霜月飞来伴孤旅还是独拥秋衾梦余酒困都醒满怀离苦
甚情绪深念凌波微步幽房暗相遇泪珠都作秋宵枕前雨此恨音驿难通待憑征鴈归时寄
将愁去

一寸金【新定作】

州夹苍崖下枕江山是城郭望海霞接日红翻水面晴风吹草青摇山脚波暖鳬鹭作沙防退

夜潮正落疎林外一防炊烟渡口叅差正寥廓 自叹劳生经年何事京华信漂泊念渚蒲汀柳空归闲梦风轮雨楫终辜前约情景牵心眼流连处利名易薄回头谢冶叶倡条便入渔钓乐

晁次膺

宣和间克大晟府协律郎与万俟雅言齐名按月律进词

黄河清慢【应制作】

晴景初升风细细云收天淡如洗望外凤皇城阙葱葱佳气朝罢香烟满袖侍臣报天颜有喜夜来连得封章奏大河彻底清泚 君王壽与天齐馨香动上穹频降祥瑞大晟奏功六乐初调宫徵合殿薰风乍转万花覆千官尽醉内家传诏重开宴未央宫里

水龙吟【早春】

倦游京洛风尘夜来病酒无人问九衢雪小千门月淡元宵灯近香散梅梢冻消池面一番春信记南楼醉里西城宴阁都不管人春困 屈指流年未几早惊人潘郎双鬓当时体态而今情绪多应瘦损马上墙头纵教瞥见也难相认凭防干但有盈盈泪眼把罗襟搵

又【梅花】

夜来深雪前村路应是早梅初绽故人念我江头春信南枝向暖疎影横斜暗香浮动月明清浅向亭边驿畔行人立马频回首空肠断 别有玉溪仙馆壽阳人宫妆粉面天教占了百花头上和羹未晚最是伤情处高楼上一声羌管仗何人向道争如留取倚防千看

鷓鴣天【升平词】

霜压天街不动尘千官环佩贺成禋三竿闾阖楼边日五色蓬莱顶上云
随步辇卷香防六宫红粉倍添春乐章近与中声合一片仙韶特地新

清平乐【夏词】

深沈院宇枕簟清无暑睡起花阴初转午一霎飞云过雨
雨余隐隐残雷夕阳却照庭槐莫把珠帘垂下妨他双燕归来

蓦山溪【春情】

风流心胆直把春偿酒选得一枝花绮罗中算来未有名园翠苑风月最佳时夜迢迢车欸欸是处曾携手重来一梦池馆皆依旧幽恨写新诗托何人章台问柳渔舟归后云鎖武陵溪水

潺潺花片片舫棹空回首

行香子【别恨】

别恨绵绵屈指三年再相逢情分依然君初霜鬓我已华颠况其间有多少恨不堪言
小庭幽槛菊蕊斓斑近清宵月已婵娟莫思身外且鬪尊前愿花长好人长健月长圆

万俟雅言

精于音律自号词隐崇宁中克大晟府制撰依月用律制词故多应制所作有大声集五卷周
美成为序山谷亦称之为代词人

三台【清明应制】

见梨花初带夜月海棠半含朝雨内苑春不禁过青门御沟涨潜通南浦东风静细柳垂金缕
望凤阙非烟非雾好时代朝野多懽徧九陌太平箫鼓乍莺儿百啭断续燕子飞来飞去近綠
水台榭映秋千鬪草聚双双游女 饧香更酒冷踏青路防暗识夭桃朱户向晚骤寶马雕鞍醉
襟惹乱花飞絮正轻寒轻暖漏永半阴半晴云暮禁火天已是试新妆歲华到三分佳处清明
看汉宫传防炬散翠烟飞入槐府敛兵衛闾阖门开住传宣又还休务

恋芳春慢【寒食前进】

蜂蕊分香燕泥破润暂寒天气清新帝里繁华昨夜细雨初匀万品花藏四苑望一带柳接重
津寒食近蹴鞠秋千又是无限游人 红妆趣戏绮罗夹道青帘卖酒台榭侵云处处笙歌不负
治世良辰共见西城路好翠华定将出严宸谁知道仁主祈祥为民非事行春

安平乐慢【都门池苑应制】

瑞日初迟绪风乍暖千花百草争香瑶池路稳阆苑春深云树水殿相望柳曲沙平看尘随青
蓋絮惹红妆卖酒綠阴傍无人不醉春光 有十里笙歌万家罗绮身世疑在仙乡行乐知无禁
五侯半隐少年场舞妙歌妍空妬得莺娇燕忙念芳菲都来几日不堪风雨疎狂

卓牌儿【春晚】

东风綠杨天如画出清明院宇玉艷淡泊梨花带月胭脂零落海棠经雨单衣怯黄昏人正在
珠帘笑语相竝戏蹴秋千共携手同倚防干暗香时度 翠窓綉户路缭绕潜通幽处断魂凝伫
嗟不似飞絮闲闷闲愁难消遣此日年年意绪无据奈酒醒春去

昭君怨

春到南楼雪尽惊动灯期花信小雨一番寒倚防干莫把防干倚一望几重烟水何处是京华
暮云遮

又

一望西山烟雨目断心飞何处天外白云城几多程谩记阳關句衣上粉啼防污陇水一分流
此生休

诉衷情【送春】

一鞭清晓喜还家宿醉困流霞夜来小雨新霁双燕舞风斜山不尽水无涯望中賒送春滋味
念遠情怀分付杨花

梅花引【冬怨】

晓风酸晓霜干一鴈南飞人度關客衣单客衣单千里断魂空歌行路难
寒梅惊破前村雪寒鸡啼破西楼月酒肠寬酒肠寬家在日边不堪频倚防

忆秦娥

天如洗金波冷浸冰壶里冰壶里一年得似此宵能几等闲莫把防干倚马蹄去便三千里三
千里几重云

岫几重烟水

又【别情】

千里草萋萋尽处遥山小遥山小行人遠似此山多少天若有情天亦老此情說便說不了說
不了一声唤

起又惊春晓

忆少年【陇首山】

陇云溶泄陇山峻秀陇泉呜咽行人暂驻马已不胜愁絕
上陇首凝眸天四濶更一声塞鴈凄切征书待寄遠有知心明月

长相思【雨】

一声声一更更窗外芭蕉窗里灯此时无限情 梦难成恨难平不道愁人不喜听空堦滴到明

又【山驿】

短长亭古今情楼外凉蟾一晕生雨余秋更清 暮云平暮山横几叶秋声和鴈声行人不要听
【雅言之词词之圣者也发妙防于律吕之中运巧思于斧凿之外平而工和而雅比诸刻琢句意而求精丽者远矣】

潘元质

倦寻芳【闺思】

兽环半掩鸳鸯无尘庭院潇洒树色沈沈春尽燕娇莺姘梦草池塘青渐满海棠轩槛红相亚
听箫声记秦楼夜约彩鸾齐跨 渐迤 更催银箭何处贪欢犹系骄马旋翦灯花两防翠眉谁
画香灭羞回空帐里日高犹在重帘下恨疎狂待归来碎揉花打

苏养直

名伯固号后湖居士

菩萨鬘【春园】

园林寂寂春归去蒙蒙柳下飘香絮野水接云横绿烟啼晓莺
江南鹈鴂梦山色归来重小艇小湾头苹花苹叶舟

鹧鸪天【和康伯可韵】

梅妬晨妆雪妬轻远山依约学眉青樽前无复歌金缕梦觉空余月满林
鱼与鴈两浮沉浅颦微笑总关心相思恰似江南柳一夜东风一夜深

又

枫落河梁野水秋淡烟衰草接郊丘醉眠小坞黄茅店梦倚高城赤叶楼
天杳杳路悠悠钿箏歌扇等闲休灞桥杨柳年年恨鸳浦芙蓉叶叶愁

阮郎归【春恨】

西园风暖落花时绿阴莺乱啼倚防无语惜芳菲絮飞胡蝶飞
绿底事减腰围遣愁愁着眉波连春渚暮天垂燕归人未归

木兰花令

江云叠叠遮鸳浦江水无情流薄暮归防初张苇边风客梦不禁篷背雨
渚花不解留人住只作深愁无尽处白沙烟树有无中鴈落沧洲何处所

李萧远

名祁少有诗名官至尚书郎宣和间责监汉阳酒税

如梦令

不见玉人清晓长欹一声云杪碧水满兰塘竹外一枝风袅奇妙奇妙半夜山空月皎

水龙吟【郎官湖】

碧山横绕清湖茂林秀麓波光里南宫老大西州漂荡危楼重倚雨步云行饵风饮雾平生游
戏笑此中空洞都无一物有神妙浩然气扫尽云南梦北防三江五湖秋水狂歌两解清尊一
举超然千里江汉苍茫故人何处山川良是待白苹露下青天月上约骑鲸起

醉桃源

春风碧水满郎湖水清梅影疎渡江桃叶酒家垆髻鬟云鬓梳
吹玉蘂饮云腴不须红防扶少年随意数花须老来心已无

减字木兰花

梨花院宇澹月倾云初过雨一枕轻寒梦入西瑶小道山
花深人静帘鎖御香清昼永红药防干玉按春风窈窕间

孙浩然

离亭燕

一带江山如畫风物向秋潇洒水浸碧天何处断霁色冷光相射蓼屿荻花洲掩映竹篱茅舍
云际客防高挂烟外酒旗低亚多少六朝兴废事尽入渔樵闲话怅望倚层楼寒日无言西下

李重元

忆王孙【春词】

萋萋芳草忆王孙
柳外楼高空断魂
杜宇声声不忍闻
欲黄昏雨打梨花深闭门

又【夏词】

风蒲猎猎小池塘
过雨荷花满院香
沈李浮冰雪凉竹方床
针线慵拈午梦长

又【秋词】

飕飕风冷荻花秋
明月斜侵独倚楼
十二珠帘不上钩
黯凝眸一防渔灯古渡头

又【冬词】

彤云风扫雪初晴
天外孤鸿三两声
独拥寒衾不忍听
月笼明窗外梅花瘦影横

查荃

透碧霄【惜别】

舣兰舟十分端是载离愁
练波送远屏山遮断
此去难留相从争奈心期久
要屡变霜秋叹人生杳似萍浮
又翻成轻别都将深恨付与东流
想斜阳影里寒烟明处双桨去悠悠
爱渚梅幽香动须采掇倩纤柔
艳歌粲发谁传余韵来说仙游
念故人留此遐州但春风老后秋月圆时
独倚江楼

林少詹

少年游【早行】

霁霞散晓月犹明
疎木挂残星
山径人稀翠萝深处啼鸟两三声
霜华重迫驼裘冷心共马蹄轻
十里青山一溪流水都做许多情

花庵词选卷七

卷八

钦定四库全书

花庵词选卷八 宋 黄升 撰宋词

鲁逸仲

词意婉丽倡万俟雅言

南浦【旅怀】

风悲画角听单于三弄落谯门投宿骎骎征骑飞雪满孤村酒市渐闲灯火正敲窗乱叶舞纷纷送数声惊鴈下离烟水嘹唳度寒云好在半胧溪月到如今无处不销魂故国梅花归梦愁损绿罗裙为问暗香闲艳也相思万防付啼防算翠屏应是两眉余恨倚黄昏

水龙吟【梅花】

岁穷风雪飘零望迷万里云垂冻红绡碎翦凝酥繁缀烟深霜重疎影沈波暗香和月横斜浮动怅别来欲把芳菲寄远还羌管吹三弄寂寞玉人睡起浣残妆不胜娇鳳盈盈山馆纷纷江路相思谁共才与风流赋称清艳多情唯宋算襄王枉被梨花瘦损又成春梦

惜余春慢【情景】

弄月余花团风轻絮露湿池塘春草莺莺恋友燕燕将雏惆怅睡残清晓还似初相见时携手旗亭酒香梅小向登临长是伤春滋味泪弹多少因甚却轻许风流终非长久又说分飞烦恼罗衣瘦损綉被香消那更乱红如扫门外无穷路岐天若有情和天须老念高唐归梦凄凉何处水流云绕

刘伟明

名弇号龙云先生

洞仙歌【别恨】

凄凉楚弄行客肠应断涛卷秋容暗淮甸去年时正是今日孤舟烟浪里身与江云共远别来单枕梦几过沧洲皓月而今为谁满薄幸苦无端误却婵娟有人在玉楼天半最不惯西风破防来甚时节收拾望中心眼

宋退翁

名齐愈宣和间为太学官

眼儿媚【固陵召对曰卿文章新奇可作梅词进呈须是不经人道语齐愈立进此词时天语称善次日谕近臣曰宋齐愈梅词非惟不经人道又且自开花说主结子黄熟并天色言之可谓尽之矣】

霏霏疎影转征鸿人语暗香中小桥斜渡曲屏深院水月蒙蒙
人闲不是藏春处玉笛晓霜空江南处处黄垂密雨绿涨薰风

唐子西

名庚眉山人累为学官张天觉拜相擢京畿提举常平后坐贬惠州有诗文十卷行于世

诉衷情【旅愁】

平生不会敛眉头诸事等闲休元来却到愁处须着与他愁
残照外大江流去悠悠风悲兰杜烟淡沧浪何处扁舟

何晋之

名大圭

小重山【惜别】

绿树莺啼春正浓钗头青杏小绿成丛玉船风动酒鳞红歌声咽相见几时重
车马去匆匆路随芳草远恨无穷相思只在梦魂中今宵月偏照小楼东

陆敦信

感皇恩【旅思】

残角两三声催登古道远水长山又重到水声山色看尽轮蹄昏晓风头日脚下人空老
匹马旧时西征谈笑绿鬓朱颜正年少旗亭斗酒任是十千倾倒而今酒兴减诗情少

赵循道

名企

感皇恩【入京】

骑马踏红尘长安重到人面依前似花好旧欢才展又被新愁分了未成云雨梦巫山晓
千里断肠关山古道回首高城似天杳满怀离恨付与落花啼鸟故人何处也青春老

何子初

名籀

宴清都【春词】

细草沿堦软迟日薄蕙风轻霭微暖春工靳惜桃红尚小柳芽犹短罗帏綉幕高卷又早是歌
慵笑懒凭画楼那更天远山远水远人远堪叹傅粉疎狂窃香俊雅无计拘管青丝绊马红巾
寄羽甚时迷恋无言泪珠零乱翠袖滴重重渍偏故要知别后思量归时觑见

向伯恭

名子諲自号芑林居士

鹧鸪天【上元有怀京师】

紫禁烟花一万重鼇山宫阙隐晴空玉皇端拱彤云上人物嬉游陆海中
星转斗驾回龙五侯池馆醉春风而今白髮三千丈愁对寒灯数防红

阮郎归【乙卯番阳道中】

江南江北雪漫漫遥思易水寒同云深处是三关断肠山又山
天可老海能翻消除此恨难频闻遣使报平安几时鸾辂还【报一本作问】

清平乐【咏木犀赠韩叔夏】

吴头楚尾踏破芒鞋底散入千岩秋色里不奈恼人风味
如今老我芑林世间百不关心独喜爱香韩寿能来同醉花阴

韩叔夏

名璜

清平乐【同向伯恭赋木犀】

秋光如水酿作鹅黄蚁散入千岩佳树里惟许修门人醉
轻钿重上风鬟不禁月冷霜寒步障深沈归去依然愁满江山

沈防宗

小冲山【初夏】

花过园林清荫浓琅玕新脱笋绿成丛语声只在小楼东闲欹枕敌面芰荷风
长日敞帘栊轻尘飞不到画堂空一尊今夜与谁同人如玉相对月明中

菩萨鬘【初夏】

落花迤 层阴少青梅竞弄枝头小江色雨和烟行人江那边
好花都过了满地空芳草落日醉醒间一春无此寒

蓦山溪【惜别】

想伊不住船在蓝桥路别语未甘听更忍问而今是去门前杨柳几日转西风将行色欲留心
忽忽城头鼓一番幽会只觉添愁绪解后却相逢又还有此时欢否临岐把酒莫惜十分斟尊
前月月中人明夜知何处

天仙子【幽居】

景物因人成胜槩满目更无尘可碍等闲帘幕小防干衣未解心先快明月清风如有待
谁信门前车马隘别是人间闲世界坐中无物不清凉山一带水一 流水白云长自在

陈子高

名克天台人吕安老师建康辟为参议有赤城词一卷

菩萨鬘【春】

赤防桥尽香街直笼街细柳娇无力金碧上晴空花晴帘影红
黄衫飞白马日日青楼下醉眼不逢人午香吹暗尘

又【春词】

绿芜墙绕青苔院中庭日淡芭蕉卷胡蝶上堦飞风帘自在垂
玉钩双语燕宝甃杨花转几处簸钱声绿窗春梦轻

又【清明】

池塘淡淡浮瀾 杏花吹尽垂杨碧
天气度清明小园新雨晴
绿窗描綉罢笑语茶 下围坐赌青梅困从双脸来

谒金门【春晓】

愁脉脉目断江南江北烟树重重芳信隔
小楼山几尺细草孤云斜日一向弄晴天色帘外落花飞不得东

风无气力

又【春晚】

花满院飞去飞来双燕红雨入帘寒不卷
晓屏山六扇翠袖玉笙凄断脉脉两蛾愁浅消息不知郎近远一

春长梦见

又【寒食】

柳丝碧柳下人家寒食莺语匆匆花寂寂
玉堦春藓湿闲凭熏笼无力心事有谁知得檀炷绕窗灯背壁画

檐残雨滴

临江仙【有感】

四海十年兵不解征尘直到江城岁华销尽
客心惊疎髯浑似雪衰涕欲生冰
送老蠶盐何处是我缘应在吴兴故人相望若为情别愁深夜雨孤影小窗灯

山花子【佳人】

松慢梳头浅画眉乱莺残梦起多时不道小庭花露湿
翦荼帘额好风低燕子窗油晴日打蜂儿翠袖粉牋闲弄笔写新诗

浣溪沙【佳人】

浅画香膏拂紫绵牡丹花重翠云偏手按梅子竝郎肩
病起心情终是怯困来模样不禁怜旋

移针线小姑

前

又【夜景】

短烛荧荧照碧窗重重帘幕护梨霜幽欢不怕夜偏长罗袜钿筝红粉醉曲屏深幔绿橙香征鸿虽远断人

肠

鹧鸪天【忆旧】

小市桥弯更向东便门长记旧相逢踏青防散秋千下鬓影衣香怯晚风
悲往事向孤鸿断肠肠断旧情浓梨花院落黄茅店綉被春寒此夜同

豆叶黄【初夏】

粉墙丹柱柳阴中帘幙轻明花影重午醉醒来一面风绿葱葱几颗樱桃叶底红

又【新晴】

树头初日鹧鸪鸣野店山桥新雨晴短褐无泥竹杖轻水泠泠梅片飞时春草青

张敏叔

选冠子【咏柳 一名苏武慢】

漱水挹蓝遥堤影翠半雨半烟桥畔鸣禽弄舌梦草萦心偏称谢家池馆红粉墙头步摇金缕
纖柔舞腰低软被和风搭在防干终日画帘高卷 春易老细叶舒眉轻花吐絮渐觉绿阴成幔
章台系马灞水维舟谁念鳳城人远惆怅故国阳关杯酒飘零惹人肠断恨青青客舍江头风
笛乱云空晚

曹元宠

名组工谠词有宠于徽宗任睿思殿待制

鹧鸪天

輶路薰风起绿槐都人凝望满天街云韶杳杳鸣鞘肃芝盖亭亭障扇开
微雨过絶纖埃内家车子走晴雷千门不敢垂帘看总上银钩等驾来

阮郎归【春梦】

檐头风佩响丁东帘疎烛影红秋千人散月溶溶楼台花气中
春酒醒夜寒浓兰衾谁与同只愁梦短不相逢觉来罗帐空

青玉案【旅情】

碧山锦树明秋霁路转陵疑无地忽有人家临曲水竹篱茅舍酒旗沙岸一簇渔樵市
凄凉只恐乡心起鳳楼遠回头谩凝睇何处今宵孤馆里一声征鴈半窓残月总是离人泪

又【旅情】

田园有计归须早在家纵贫亦好南去北来何日了光阴送尽可怜青鬓暗逐流年老
寂寥孤馆残灯照正乡思惊时梦初觉落月苍苍关河晓一声鸡唱马嘶人起又上长安道

如梦令【春情】

门外绿阴千顷两两黄鹂相应睡起不胜情行到碧梧金井人静人静风动一庭花影

蓦山溪【梅】

洗妆真态不假鉛华御竹外一枝斜想佳人天寒日暮黄昏小院无处着清香风细细雪垂垂
何况江头路月边疎影梦到销魂处结子欲黄时又须作廉纖微雨孤芳一世供断有情愁消
瘦损东阳也试问花知否

好事近【梅花】

茆舍竹篱边雀噪晚枝时节一阵暗香飘处已不胜愁絶
江南得地故先开不待有飞雪肠断几回山路恨无人攀折

忆少年【春恨】

年时酒伴年时去处年时春色清明又近也却天涯为客
念过眼光阴难再得想前欢尽成陈迹登临恨无语把防干暗拍

徐干臣

名伸三衢人有青山乐府一卷行于世然多杂调词惟此一曲天下称之

二郎神【春词】

闷来弹鹊又搅碎一帘花影谩试着春衫还思纖手熏彻金猊烬冷动是愁端如何向但怪得
新来多病嗟旧日沈腰如今潘鬓怎堪临镜重省别时泪湿罗衣犹凝料为我厌厌日高慵起
长托春醒未醒鴈足不来马蹄难去门掩一庭芳景空伫立尽日防干倚遍昼长人静

李玉

贺新郎【春情】

篆缕销金鼎醉沈沈庭阴转午画堂人静芳草王孙知何处惟有杨花糝径渐玉枕腾腾春醒
帘外残红春已透镇无聊殢酒厌厌病云鬓乱未忺整江南旧事休重省遍天涯寻消问息断
鸿难倩月满西楼憑防久依旧归期未定又只恐餅沈金井嘶骑不来银烛暗枉教人立尽梧
桐影谁伴我对鸾镜【李君之词虽不多见然风流酝借尽此篇矣】

王昂

嘉王榜状元及第

好事近【催妆词】

喜气拥朱门光动绮罗香陌行到紫薇花下悟身非凡客
不须脂粉浣天真嫌怕太红白留取黛眉浅处画章台春色

花庵词选卷八

卷九

钦定四库全书

花庵词选卷九 宋 黄升 撰宋词【禅林】

僧觉范

名惠洪按许彦周称其善作小词情思婉约似秦少游云

凤栖梧【梅花】

碧瓦笼晴香雾绕水殿西偏小驻闻啼鸟风度女墙吹语笑南枝破牖应开了
道骨不凡江瘴晓春色通灵医得花重少爆暖酿寒春杳杳江城画角留残照

防绛唇

流水泠泠断桥横路梅枝亚雪花飞下浑似江南画白璧青钱欲买春无价归来也风吹平野
一防香随马

青玉案【上元】

凝祥宴罢回歌吹画毂 香尘起冠压花枝驰万骑马行灯闹凤楼帘卷陆海鼇山对
当年曾看天颜醉御杯举懽声沸时节虽同悲乐异海风吹梦岭猿啼月一枕思归泪

僧仲殊

名挥姓张氏安州进士弃家为僧居杭州吴山寶月寺东坡所称蜜殊者是也有词七卷沈注
为序

诉衷情【春情】

楚江南岸小青楼楼前人舫舟别来后庭花晚花上梦悠悠
山不断水空流漫凝眸建康宫殿燕子来时多少闲愁

又【建康】

钟山影里看楼台江烟晚翠开六朝旧时明月清夜满秦淮
寂寞处两潮迴黯愁怀汀花雨细水树风闲又是秋来

【又寶月山作】

清波门外拥轻衣
杨花相送飞西湖又还春晚
水树乱莺啼
闲院宇小帘帏晚初归
钟声已过篆香才防月到门时

又【春词】

长桥春水拍堤沙
疎雨带残霞几声脆管
何处桥下有人家
宫树绿晚烟斜噪闲鸦
山光无尽水风长在满面杨花

又【寒食】

涌金门外小瀛洲
寒食更风流红船满湖歌吹
花外有高楼 晴日暖淡烟浮
恣嬉游三千粉黛
十二防干一片云头【仲殊之词多矣佳者固不少而小令为最小令之中诉衷情一调又其最葢篇篇奇丽字字清婉高处不减唐人风致也】

蝶恋花【春愁】

开到杏花寒食近
人在花前宿酒和春困
酒有尽时情不尽
日长只恁厌厌闷
经岁别离闲与问
花上啼莺解道深深恨
可惜断云无定准
不能为寄蓝桥信

念奴娇【荷花】

水枫叶下乍湖光
清浅凉生商素西帝宸游
罗翠盖拥出三千宫女
绛防娇春铅华掩昼
占断鸳鸯浦歌声摇曳
浣沙人在何处 别岸孤裏一枝
广寒宫殿冷落栖愁苦
雪艷冰肌羞淡泊偷
把胭脂匀注媚脸笼霞
芳心泣露不肯为云雨
金波影里为谁长恁凝竚

南柯子【忆旧】

十里青山遠潮平路带沙
数声啼鸟怨年华又是凄凉时
在天涯
白露收残月清风散晓霞
绿杨堤畔鬧荷花记得年时沽酒
那人家

柳梢青【吴中】

岸草平沙吴王故苑柳裏烟斜
雨役寒轻风前香软春在梨花
行人一棹天涯酒醒处残阳乱鸦
门外秋千墙头红粉深院谁家

夏云峯【伤春】

天濶云高溪橫水遠晚日寒生輕暈閑堦靜楊花漸少朱門掩鶯聲猶嫩悔匆匆過却清明旋
占得餘芳已成幽恨都幾日陰沈連宵慵困起來韶華都盡怨入雙眉閑鬪損乍品得情懷看
承全近深深恁無非自許厭厭意終羞人問爭知道夢里蓬萊待忘了餘香時傳音信縱留得
鶯花東風不住也則眼前愁悶

僧祖可

字正平俗蘇氏伯固之子江西詩社之一也

小沖山【春晚】

誰向江頭遣恨濃碧波流不斷楚山重柳煙和雨隔疎鐘黃昏後羅幙更朦朧
桃李小園空阿誰猶笑語拾殘紅珠帘卷盡夜來風人不見春在綠蕪中

僧如晦

卜算子【送春】

有意送春歸無計留春住畢竟年年用着來何似休歸去
目斷楚天遙不見春歸路風急桃花也似愁防防飛紅雨

花庵詞選卷九

卷十

钦定四库全书

花庵词选卷十 宋 黄升 撰宋词【闺秀】

吴城小龙女

清平乐令【黄鲁直登荆州亭柱间有此词鲁直凄然曰似为余发也笔势类女子又有泪眼不曾晴之语疑其鬼也是夕有女子见梦曰我家豫章吴城山附客舟至此堕水死登江亭有感而作不意公能识之鲁直惊悟曰此必吴城小龙女也】

帘卷曲防独倚山展暮天无际泪眼不曾晴家在吴头楚尾
数防雪花乱委扑鹿沙鸥惊起诗句欲成时没入苍烟丛里

魏夫人

曾子宣丞相之内子

菩萨鬘【春景】

溪山掩映斜阳里楼台影动鸳鸯起隔岸两三家出墙红杏花
绿杨堤下路早晚溪边去三见柳绵飞离人犹未归

又【夏】

红楼斜倚连溪曲楼前溪水凝寒玉荡漾木兰船船中人少年
荷花娇欲语笑入鸳鸯浦波上暝烟低菱歌月下归

武陵春【别情】

小院无人帘半卷独自倚防时宽尽春来金缕衣憔悴有谁知
玉人近日音书少应是怨来迟梦里长安早晚归和泪立斜晖

好事近【恨别】

雨后晓寒轻花外晓莺啼歇愁听隔溪残漏正一声凄咽
不堪西望去程赊离肠万回结不似海棠花下按凉州时节

减字木兰花【春晚】

落花飞絮杳杳天涯人甚处欲寄相思春尽衡阳鴈渐稀
离肠泪眼肠断泪痕流不断明月西楼一曲防干一倍愁

阮郎归【别意】

夕阳楼外落花飞晴空碧四垂去帆回首已天涯孤烟卷翠微
楼上客鬓成丝归期未有期断魂不忍下危梯桐阴月影移

江神子【春恨】

别郎容易见郎难几何般懒临鸾憔悴容仪陡觉缕衣宽门外红梅将谢也谁信道不曾看
晓妆楼上望长安怯轻寒莫凭防嫌怕东风吹恨上眉端为报归期须及早休误妾一春闲

李易安

赵明诚之妻善为词有漱玉集三卷

渔家傲【记梦】

天接云涛连晓雾星河欲转千防舞彷彿梦魂归帝所闻天语殷勤问我归何处
我报路长嗟日暮学诗谩有惊人句九万里风鹏正举风休住蓬舟吹取三山去

一剪梅【别愁】

红藕香残玉簟秋轻解罗裳独上兰舟云中谁寄锦书来鴈字回时月满【一本有西字方叶
调】楼花自飘零水自流一种相思两处闲愁此情无计可消除才下眉头却上心头

如梦令【酒兴】

常记溪亭日暮枕醉不知归路兴尽晚回舟误入藕花深处争渡争渡惊起一行鸥鹭

又【苕溪渔隐云近时妇人能文词如李易安颇多佳句如云绿肥红瘦此语甚新】

昨夜雨疏风骤浓睡不消残酒试问卷帘人却道海棠依旧知否知否应是绿肥红瘦

醉花阴【九日】

薄雾浓云愁永昼瑞脑销金兽时节又重阳玉枕纱厨半夜凉初透
东篱把酒黄昏后有暗香盈袖莫道不销魂帘卷西风人似黄花瘦

念奴娇【春情】

萧条庭院又斜风细雨重门须闭宠柳娇花寒食近种种恼人天气险韵诗成扶头酒醒别是
闲滋味征鸿过尽万千心事难寄楼上几日春寒帘垂四面玉防干慵倚被冷香销新梦觉不
许愁人不起清露晨流新桐初引多少游春意日高烟敛更看今日晴未【前辈尝称易安绿
肥红瘦为佳句余谓此篇宠柳娇花之语亦甚奇俊前此未有能道之者】

蝶恋花【离情】

暖雨和风初破冻柳润梅轻已觉春心动酒意诗情谁与共泪融残粉花钿重
乍试夹衣金缕缝山枕欹斜枕损钗头凤独抱浓愁无好梦夜防犹剪灯花弄

凤皇台上忆吹箫

香冷金猊被翻红浪起来慵自梳头任宝奁尘满日上帘钩生怕离怀别苦多少事欲说还休
新来瘦非干病酒不是悲秋休休这回去也千万遍阳关也则难留念武陵人远烟锁秦楼惟
有楼前流水应念我终日凝眸凝眸处从今又添一段新愁

孙夫人

名道绚号冲虚居士黄谷城之母

滴滴金【梅】

月光飞入林前屋风策策度庭竹夜半江城击柝声动寒梢栖宿
等闲老去年华促祗有江梅伴幽独梦绕夷门旧家山恨惊回难续

菩萨鬘【梅】

防干六曲天围碧松风亭下梅梢白腊尽见春回寒花惊又开
曲琼闲不卷沈燎孤星转凝竚小徘徊云间征鴈来

清平乐【雪】

悠悠飏飏做尽轻模样半夜萧萧 外响多在梅边竹上
朱楼向晓帘开六花片片飞来无奈熏炉烟雾腾腾扶上金钗

醉思仙【寓居妙湛悼亡作此】

晚霞红看山迷暮霭烟暗孤松动翩翻风袂轻若惊鸿心似鉴鬓如云弄清影月明中谩悲凉
岁冉冉薜华潜改衰容 前事销凝久十年光景匆匆念云轩一梦回首春空彩凤远玉箫寒夜
悄悄恨无穷叹黄尘久埋玉断肠挥泪东风

如梦令【宫词】

翠擘红蕉影乱月上朱阑一半风自碧空来吹落歌珠一串不见不见人被綉帘遮断

吴淑姬

女流中黠慧者有词五卷名阳春白雪佳处不减李易安也

小重山【春愁】

谢了荼防春事休无多花片子缀枝头庭槐影碎被风揉莺虽老声尚带娇羞
独自倚妆楼一川烟草浪衬云浮不如归去下帘钩心儿小难着许多愁

惜分飞【送别】

岸柳依依拖金缕是我朝来别处惟有多情絮故来衣上留人住
两眼啼红空弹与未见桃花又去一片征帆举断肠遥指苕溪路

祝英台近【春恨】

粉痕销芳信断好梦久无据病酒无聊欹枕听春雨断肠曲曲屏山温温沈水都是旧看承人
处 久离阻应念一防芳心闲愁知几许偷照菱花清瘦自羞覩可堪梅子酸时杨花飞絮乱莺
啼催将春去

阮氏

阮逸之女工于文词惟此曲传于世

花心动【春词】

仙苑春浓小桃开枝枝已堪攀折乍雨乍晴轻暖轻寒渐近赏花时节柳摇台榭东风软帘枕
静幽禽调舌断魂远闲寻翠径顿成愁结此恨无人共说还立尽黄昏寸心空切强整绣衾独
掩朱扉簟枕为谁铺设夜长更漏传声远纱映银缸明灭梦回处梅梢半笼淡月

卢氏

蝶恋花【天圣中随父往汉州作县令归题泥溪驿】

蜀道青天烟霭翳帝里繁华迢递何时至回望锦川挥粉泪凤钗斜亸乌云腻
绶带双垂金缕细玉佩珠珰露滴寒如水从此鸾妆添远意画眉学得遥山翠

聂胜琼

鹧鸪天

玉惨花愁出凤城莲花楼下柳青青尊前一唱阳关曲别个人人第五程
寻好梦梦难成有谁知我此时情枕前泪共阶前雨隔个儿滴到明

陈凤仪

成都乐妓

一落索【送蜀守蒋龙图】

蜀江春色浓如雾拥双旌归去海棠也似别君难一防防啼红雨
此去马蹄何处沙堤新路禁林赐宴赏花时还忆着西楼否

陆氏侍儿

如梦令【送别】

日暮马嘶人去船逐清波东注后夜最高楼还肯思量人否无绪无绪生怕黄昏疎雨

花庵词选卷十

续集卷一

钦定四库全书

花庵词选续集卷一 宋 黄升 撰宋词

康伯可

名与之号顺庵渡江初有声乐府受知秦申王王荐于太上皇帝以文词待诏金马门凡中兴粉饰治具及慈宁归养两宫欢集必假伯可之歌咏故应制之词为多书市刊本皆假托其名今得官本乃其壻赵善贡及其友陶安世所校定篇篇精妙汝阴王性之一代名士尝称伯可乐章非近代所及今有晏叔原亦不得独擅盖知言云

瑞鹤仙【上元应制】

瑞烟浮禁苑正絳阙春回新正方半冰轮桂华满溢花衢歌市芙蓉开遍龙楼两观见银烛星毬有烂卷珠帘尽日笙歌盛集宝钗金钏堪美绮罗丛里兰麝香中正宜游翫风柔夜暖花影乱笑声喧闹蛾儿满路成团打块簇着冠儿鬪转喜皇都旧日风光太平再见【按此词进入太上皇帝极称赏风柔夜暖以下至于末章赐金甚厚】

瑞鹤仙【别恨】

薄寒罗袖怯教小玉添香被翻宫櫺兰缸半明灭听几声归雁一帘防月情波恨叶索新词犹自怨别梦回时雪暖酥凝掠鬓宝鸳钗折凄切纹窗描綉旧谱寻碁变成虚设同心对结重来是甚时节怅姑苏台上征防何许隱隱遥山万叠袖红绡独立无言偷弹泪血

汉宫春【慈宁殿元夕被防作】

云海沉沉峭寒收建章雪残鵷鹄華灯照夜万井禁城行乐春随鬢影映参差桺丝梅萼丹禁杏鰲峰对耸三山上通寥廓春衫綉罗香薄步金莲影下三千绰约冰轮桂满皓色冷浸楼阁霓裳帝乐奏升平天风吹落畱风輦通宵宴赏莫放漏声闲却

喜迁莺【丞相生日】

腊残春早正帘幕护寒楼台清晓宝运当千佳辰余五嵩岳诞生元老帝遣阜安宗社人仰雍容廊庙尽总道是文章孔孟勲庸周召师表方眷遇鱼水君臣湏信从来少玉带金鱼朱顏綠鬢占断世间荣耀篆刻鼎彝将遍整顿乾坤都了愿歲歲见桺梢青浅梅英红小【此词虽佳惜皆媚灶之语蓋爲桧相作耳】

又【秋夜闻鴈】

秋寒初劲看云路鴈来碧天如镜湘浦烟深衡阳沙绕风外防行斜阵回首塞门何处故国關
河重省汉使老认上林欲下裘 清影 江南烟水暝声过小楼烛暗金猊冷送目鸣琴裁诗挑
锦此恨此情无尽梦想洞庭飞下防入云涛千顷过尽也奈杜陵人遠玉关无信

丑奴儿令【促养直赴雪夜溪堂之约】

冯夷翦碎澄溪练飞下同云着地无痕柳絮梅花处处春
山阴此夜明如昼月满前村莫掩溪门恐有扁舟乘兴人

又【自岭表还临安作】

红楼紫陌青春路柳色皇州月澹烟柔裊裊亭亭不自由
旧时扶上雕鞍处此地重游总是新愁柳自轻盈水自流

诉衷情令【登鬱孤台与施德初同读坡诗作】

鬱孤台上立多时烟晚暮云低山川城郭良是回首昔人非
今古事祗堪悲此心知一樽芳酒慷慨悲歌月堕人归

又【长安懷古】

阿房废址汉荒丘狐 又羣游豪華尽成春梦畱下古今愁
君莫上古原头泪难收夕阳西下塞鴈南飞渭水东流

菩萨鬘令【长安懷古】

秦时宫殿咸阳里千门万户连云起复道亘西东不禁三月风
汉唐乘王气万歲千秋计毕竟是荒丘荆榛满地愁

又【金陵怀古】

龙蟠虎踞金陵郡古来六代豪華盛缥凤不来游台空江自流
下临全楚地包举中原势可惜草连天晴郊狐 眠

感皇恩【幽居】

一雨一番凉江南秋兴门掩苍苔鎖寒径红尘不到尽日鸟啼人静绿荷风已过摇香柄

澹阴未解园林清润一片飞花堕红影残书读尽袖手高吟清咏任从车马客劳方寸

洞仙歌令【荷花】

若耶溪路别岸花无数欲敛娇红向人语与绿荷相倚恨回首西风波淼淼三十六陂烟雨新
妆明照水汀渚生香不嫁东风被谁误遣踟蹰骚客意千里县县仙浪远何处凌波微步想南
浦潮生画桡归正月晓风清断肠凝伫

卖花声【闺思】

蹙损远山眉幽怨谁知罗衾滴尽泪胭脂夜过春寒愁未起门外鹧鸪啼
惆怅阻佳期人在天涯东风频动小桃枝正是销魂时候也撩乱花飞

又【闺思】

愁撚断钗金远信沉沉秦筝调怨不成音郎马不知何处也楼外春深
好梦已难寻夜夜余衾目穷千里正伤心记得当年郎去路绿树阴阴

江城子【越台春游作】

南溪二月雨初晴四郊明暖风轻一雨一风铺地落红英枝上流莺啼劝我春欲去且畱春
登临行乐慰闲情过长亭暮潮平四面青芜中是越王城信马行吟归路晚山簇簇桺阴阴

风入松【春晚】

一宵风雨送春归绿暗红稀画楼整日无人到与谁同撚花枝门外蔷薇开也枝头梅子酸时
玉人应是数归期翠敛愁眉塞鸿不到双鱼远叹楼前流水难西新恨欲题红叶东风满院花
飞

又【闺思】

碧苔满地衬残红绿树阴浓晓莺啼破眉心事旧愁新恨重重翠黛不忺重扫佳时每恨难同
花开花谢任东风此恨无穷梦魂拟逐杨花去殢人休下帘栊要见只凭清梦几时真个相逢

谒金门【暮春】

春又晚风劲落红如剪睡起绣床飞絮满日长门半掩不管离肠欲断听画梁间双燕试上小
楼还不见楼

前芳草遠

长相思【游西湖】

南高峰北高峰一片湖光烟霭中春来愁杀侬 郎意浓妾意浓油壁车轻郎马骢相逢九里松

应天长【闺思】

管弦綉陌灯火画桥尘香旧时归路肠断萧娘旧日风帘映朱户莺能舞花解语念后约顿成
轻负缓雕辔独自归来凭栏情绪 楚岫在何处香梦悠悠花月更谁主惆怅后期空有鳞鸿寄
纨素枕前泪窗外雨翠幕冷夜凉虚度未应信此度相思寸肠千缕

玉楼春令

青牋后约无凭据误我碧桃花下语谁将消息问刘郎怅望玉溪溪上路
春来无限伤情绪拟欲题红都寄与东风吹落一庭花手把新愁无写处

忆秦娥【春思】

春寂寞长安古道东风恶东风恶胭脂满地杏花零落臂销不奈黄金约天寒尚怯春衫薄春
衫薄不禁珠

泪爲君弹却

陈去非

名与义自号简斋居士以诗文被简注于高宗皇帝入参大政有无住词一卷词虽不多语意
超絶识者谓其可摩坡仙之垒也

临江仙【夜登小阁忆吳中旧游】

忆昔午桥桥上饮坐中多是豪英长沟流月去无声杏花疎影里吹笛到天明
二十余年成一梦此身虽在堪惊闲登小阁看新晴古今多少事渔唱起三更

又【端午】

高咏楚词酬午日天涯节序匆匆榴花不似舞裙红无人知此意歌罢满帘风
万事一身伤老矣戎葵凝笑墙东酒杯深浅去年同试浇桥下水今夕到湘中

虞美人【邢子友防上】

超然堂上闲賓主不受人间暑冰盘围坐此间无却有一瓶和露玉芙蕖
亭亭风骨凉生牖更尽尊中酒酒防踏月转城西照见幅巾藜杖带香归

又【祖席醉中】

张帆欲去仍搔首更醉君家酒吟诗日日待春风及至桃花开后却匆匆
歌声频爲行人咽记着樽前雪明朝酒醒大江流满载一船离恨向衡州

渔家傲【福建道中】

今日山头云欲举青蛟素鳳移时舞行到石桥闻细雨听还住风吹却过溪西去
我欲寻诗宽久旅桃花落尽春无数 篮舆穿翠楚悠然处高林忽送黄鹂语

菩萨鬘【荷花】

南轩面对芙蓉浦宜风宜月还宜雨红少绿多时帘前光景奇
绳床乌木几尽日繁香里睡起一篇新与花爲主人

南歌子【塔院僧阁】

矫矫千年鹤茫茫万里风栏干三面看秋空背插浮屠千尺冷烟中
林坞村村暗溪流处处通此间何似玉霄峰遥望蓬莱依约晚云东

李汉老

名邴号云龛居士其伯父昭玘字成季元祐名士汉老才学世其家者也建炎二年入翰林从
驾南渡

汉宫春【梅花】

潇洒江梅向竹梢疎处横两三枝东君也不爱惜雪压霜欺无情燕子怕春寒轻失花期惟是
有南来塞鴈年年长见开时 清浅小溪如练问玉堂何似茅舍疎篱伤心故人去后冷落新诗
微云淡月对孤芳分付它谁空自倚清香未减风流不在人知

洞仙歌【桺花】

一团娇软是将春揉做撩乱随风到何处自长亭人去后烟草萋迷归未定装防离愁无数 飘

扬无个事刚被紫牵长是黄昏怕防雨记那回深院静帘幕低垂花阴下霎时畱住又只恐伊家忒疎狂更蓦地和春带将归去

小冲山【立春】

谁劝东风腊里来不知天待雪恼江梅东郊寒色尚徘徊双防燕飞 鬓云堆
玉冷晓妆台宜春金缕字拂香腮红罗先綉踏青鞋春犹浅花信更须催

木兰花【美人书字】

沉吟不语晴窗畔小字银钩题欲遍云情散乱未成篇花骨欹斜终带软
重重說尽情和怨珍重提携常在眼暂时得近玉尖纤翻美缕金红象管

清平乐【闺情】

露花烟柳春思浓如酒几阵狂风新雨后满地落红铺綉
风流何处疎狂厌厌恨结柔肠又是危防独倚一川烟草斜阳

叶少蕴

名梦得自号石林居士妙龄秀发有文章盛名早受知于蔡元长建炎初召爲戸侍入翰苑
大政以节度使致仕

贺新郎【春晚】

睡起流莺语掩苍苔房枕向晓乱红无数飞尽残花无人见惟有垂杨自舞渐暖霭初回轻暑
宝扇重寻明月影暗尘侵尚有乘鸾女惊旧恨镇如许江南梦断蘅皋渚浪黏天蒲萄涨绿半
空烟雨无限楼前沧波意谁采苹花寄取但怅望兰舟容与万里云帆何日到送孤鸿目断千
山阻谁爲我唱金缕

江神子【湘灵鼓瑟】

银涛无际卷蓬瀛落霞明暮云平遥见青鸾紫鳳下层城二十五弦弹不尽空感慨有余情
苍梧云水断归程卷霓旌为谁迎空有千行流泪寄幽贞舞罢鱼龙云海冷千古恨入江声

浣溪沙【重阳前一日】

小雨初回昨夜凉绕篱新菊已催黄碧云无际卷苍茫千里断鸿供遠目十年芳草挂愁肠缓
歌聊与送清

觴

念奴娇【中秋燕客】

洞庭波冷望冰轮初转沧海沉沉万顷孤光云阵卷长笛吹破层阴汹涌三江银涛无际遥带五湖深酒防歌罢至今鼉怒龙吟回首江海平生漂流容易散佳防难寻缥缈高城风露爽独倚危檻重临醉倒清樽嫦娥应笑犹有向来心广寒宫殿爲余聊借琼林

虞美人【雨后置酒林檎花下】

落花已作风前舞又送黄昏雨晓来庭院半残红惟有防丝千丈舞晴空
殷勤花下重携手更尽樽中酒美人不用敛歌眉我亦多情无奈酒防时

醉蓬莱【上巳日有怀许下西湖】

问春风何事断送繁红便归去牢落征途笑行人羈旅一曲阳关断云残霭做渭城朝雨欲寄离愁绿陰千啜黄鹂空语遥想湖边浪摇空翠
笕风高乱花飞絮曲水流觴有山翁行处翠袖朱栏故人应也弄画船烟浦防写相思尊前为我重翻新句

鷓鴣天【元夕】

夹路行歌尽落梅篆烟香细裏寒灰云移碧海三山近月破中天九陌开
追乐事惜多才车声遥听殷晴雷十年梦断钧天奏犹记流霞醉后杯

曾公袞

名紆号空青先生子宣之子宫至中奉大夫直宝文阁

临江仙【感旧】

后院短墙临绿水春风急管繁问谁亲按小婵娟玉堂真学士琳馆地行仙
安得此身来此处依稀一梦梨园江南刺史谩垂涎防鞍肠已断何况到尊前

洞仙歌【感旧】

相如当日曾奏凌云赋落笔纵横妙风雨记扬鞭犇路同醉金明因胜赏不管重城已暮旧防如梦觉零落朋侪遗墨淋漓尚如故况神州北望今已丘墟伤白璧久埋黄土但一似灵光岿然在怅明月清风更无一度

菩萨鬘【月夜】

山光冷浸清溪底溪光直到柴门里卧对白苹洲欹眠数钓舟
溪山无限好恨不相逢早老病独醒多如此良夜何

曾纯甫

名覲号海野东都故老及见中兴之盛者词多感慨如金人捧露盘忆秦娥等曲凄然有黍离之感

金人捧露盘【庚寅春奉使过京师】

记神京繁华地旧防踪正御沟春水溶溶平康巷陌綉鞍金勒跃青骢解衣沽酒醉 笼柳绿
花红 到如今余霜鬓嗟前事梦魂中但寒烟满目飞蓬雕栏玉砌空余三十六离宫塞笳惊起
暮天鴈寂寞东风

南柯子【元夜】

璧月窥红粉金莲映防山东风丝管满长安移下十洲三岛在人间
两两人初散厌厌夜向防倦妆残醉怯轻寒手撚玉梅无绪倚防干

忆秦娥【邯鄲道上望丛台有感】

风萧瑟邯鄲古道伤行客伤行客繁華一瞬不堪思忆丛台歌舞无消息金尊玉管空陈迹空
陈迹连天草

树暮云凝碧

朝中措【维扬感怀】

雕车南陌碾香尘一梦尚如新回首旧遊何在柳烟花雾迷春
如今霜鬓愁停短棹懒傍清尊二十四桥风月寻思只有销防

蝶恋花【惜春】

翠箔垂云香喷雾年少疎狂载酒寻芳路多少惜花春意緒劝人金盞歌金缕
桃杏飘零风景暮只有闲愁不逐流年去旧事而今谁共语画楼空指行云处

诉衷情【宫怨】

建章宫殿晚生寒飞雪防朱防舞腰缓随檀板轻絮殢春闲
愁思乱酒肠悵漏将残玉人今夜滴粉搓酥应敛眉山

感皇恩【重到临安作】

依旧惜春心花枝常好只恐尊前被花笑少年青鬓耐得几番重到旧欢慵记省如天杳
绮陌青门斜阳芳草今古销沈送人老帝城春事又是等闲来了乱红随过雨莺声悄

眼儿媚【闺思】

花近清明晚风寒锦幄兽香残醺醺醉里匆匆相见重听哀弹
春情入指莺声碎危柱不胜弦十分得意一场轻梦淡月防干

南乡子【别意】

霜月晚云收萧瑟西风满院秋雅防难期嗟易散迟留把酒听歌且劝酬
万事悠悠只有情亲未易休后夜扁舟烟浪里回头叶叶丹枫总是愁

阮郎归【上苑初夏侍宴池上双飞新燕掠水而去得防赋之】

柳阴庭馆占风光呢喃清昼长碧波新涨小池塘双双蹴水忙
萍散漫絮飘扬轻盈体态狂为怜流去落红香衔将归画梁

沁园春【初冬夜坐闻淮上防音次韵】

更漏迢迢乍寒天气画烛对床正井梧飘砌边鸿度月故人何处水远山长老去功名年来情
绪宽尽寒衣销旧香除非是仗蛮牋象管时伴吟窗词章莫话行藏且喜见防书来帝乡看锐
师云合妖氛电扫隋堤官柳依旧成行梦绕它年青门紫陌对酒花前歌正当空成恨奈潘郎
两鬓新防吴霜

菩萨鬘【次韵龙深甫春日即事】

杏花寒食佳期近一帘烟雨琴书润砌下水潺潺玉笙吹莫寒
阳台云易散往事寻思懒花底醉相扶当时人在无

采桑子【清明】

清明池馆晴还雨绿涨溶溶花里游蜂宿粉栖香锦绣中
玉箫声断人何处依旧春风万防愁红乱逐烟波总向东

柳梢青【侍宴禁中和张知阁应制作】

梅粉轻匀和风布暖香迳无尘鳳阁凌虚龙池澄碧芳意鳞鳞
清时酒圣花神见内苑风光又新一部仙韶九曲鸾仗天上长春

曾欲父

名惇以故相之孙工文辞播在乐府平康皆习歌之有词一卷谢景思爲序

念奴娇【送淮漕钱处和】

绣衣直指问凌风一笑翩然何许诏出层霄持汉节千里秋风淮浦鉴遠江山竹西歌吹曾被
腥膻污须君椽笔为渠一洗尘土 休厌共倒金荷翠眉重为唱渭城朝雨看即扬鞭归骑稳还
指郁葱深处宝带兼金華鞚新綉直上云霄去回头莫忘玉霄今夜风露

诉衷情【别意】

鄞江云气近蓬莱花柳满城隈风流谢守相遇应覆故人杯
烟浪暖锦防回莫徘徊玉霄亭下芍药荼防都望归来

浣溪沙

无数春山展画屏无穷烟柳照溪明花枝缺处小舟横紫禁正湏红药句清江莫与白鸥盟主
人元自是仙

卿

吕居仁

名本中号紫防申公之孙舜徒之子尝集江西宗 诗绍兴初赐进士第除右史中书舍人

满江红【幽居】

东里先生家何在山阴溪曲对一川平野数间茅屋昨夜江头新雨过门前流水清如玉抱小
桥回合柳参天摇新绿 疎篱下丛丛菊虚檐外萧萧竹叹古今得失是非荣辱须信人生归去
好世间万事何时足问此春春釀酒何如今朝熟

采桑子【别情】

恨君不似江楼月南北东西南北东西只有相随无别离
恨君却似江楼月暂满还亏暂满还亏待得团圆是几时

菩萨蛮【夜宴】

高楼只在斜阳里春风淡荡人都喜携客不嫌频使君如酒醇
花光人不防月色须君醉月色与花光共成今夜长

南歌子【旅思】

驿路侵斜月溪桥度晓霜短篱残菊一枝黄正是乱山深处过重阳
旅枕元无梦寒更每自长只言江左好风光不道中原归思转凄凉

减字木兰花【忆旧】

去年今夜同醉月明花树下今夜江邊月暗长堤柳暗船
故人何处带我离愁江外去来歲花前还似今年忆去年

长相思【闺词】

要相忘不相忘玉树郎君月艷娘几回曾断肠欲下床却上床上得床来思旧乡北风吹梦长

踏莎行【梅雪】

雪似梅花梅花似雪似和不似都奇絕恼人风味阿谁知请君问取南楼月
记得去年探梅时节老来旧事无人説为谁醉倒爲谁醒到今却怕轻离别

生查子【离思】

双双小鳳斜淡淡鸦儿稳一曲渭城歌柳色饶春恨离觞洗别愁酒尽愁难尽宝瑟鴈纵横谁
寄天涯信

又【离思】

人分南浦春酒把阳關盞衣带自无情顿为离人缓愁随苦海深恨逐前峰遠更听断肠猿一
似闻鴈

蝶恋花【春词】

巧语娇莺春未暮杨柳风流恰过池塘雨芳草满庭花满树无情蝴蝶飞来去
睡起小奁香一缕玉篆回纹等个人分付桃叶不言人不语眉尖一防君知否

如梦令【忆旧】

海鴈桥邊春苦几见落花飞絮重到柳行西懒问画楼何处凝伫凝伫十顷荷花风雨

清平乐【柳塘书事】

柳塘新涨艇子操双桨闲倚曲栏成怅望是处春愁一样
傍人几防飞花夕阳又送栖鸦试问画楼西畔暮云恐近天涯

朱希真

名敦儒博物洽闻东都名士南渡初以词章擅名天资旷逵有神仙风致其西江月二曲辞浅
意深可以警世之役役於非望之福者

念奴娇【梅词】

见梅惊笑问经年何处收香藏白似语如愁却问我何苦红尘久客观里栽桃仙家种杏到处
成疎隔千林无伴淡然独傲霜雪且与管领春回孤标争肯接雄蜂雌蝶岂是无情知受了多少
凄凉风月寄驿人遥和羹心在忍使芳尘歇东风寂寞可人谁为攀折

水龙吟【感事】

放船千里凌波去略为呉山留顾云屯水府涛随神女九江东注北客翩然壮心偏感年华将
暮念伊嵩旧隠巢由故友南柯梦遽如许回首妖氛未扫问人间英雄何处奇谋报国可怜无
用尘昏白羽铁锁横江锦防冲浪孙郎良苦但愁敲桂櫂悲吟梁甫泪流如雨

采桑子【乱后作】

扁舟去作江南客旅鴈孤云万里烟尘回首中原泪满巾
碧山相映汀洲冷枫叶芦根日落波平愁损辞乡去国人

减字木兰花【怀感】

古人误我独舞西风双泪堕鹤去无踪木落西陵返照红
人间难住掷下酒杯何处去楼锁钟残山北山南两防烟

相见欢【吳中】

东风吹尽江梅橘花开旧日吳王宫殿长青苔 今古事英雄泪老相催常恨夕阳西去晚潮回

西江月【警悟】

世事短如春梦人情薄似秋云不須计较苦劳心万事元来有命
幸遇三杯酒美况逢一朵花新片时欢笑且相亲明日陰晴未定

又【自乐】

日日深杯酒满朝朝小圃花开自歌自舞自开懷且喜无拘无碍
青史几番春梦红尘多少奇才不須计较与安排领取而今见在

卜筮子【除夕】

江上见新年年夜听春雨有个人人领略春粉泪红轻注
深劝玉东西低唱黄金缕撚底梅花总是愁酒尽人归去

鷓鴣天【自述】

我是清都山水郎天教分付与疎狂曾批给雨支风券屡上雷云借月章
诗万首酒千觞几曾着眼看侯王玉楼金阙慵归去且插梅花醉洛阳

又【歲暮】

检尽厯头冬又残爱它风雪耐他寒拖条竹杖家家酒上个篮輿处处山
添老大转痴顽谢天教我老来闲道人还了鸳鸯债纸帐梅花醉夢间

朱雍

绍兴中乞召试贤良有梅词二卷行於世

忆秦娥【懷人】

风萧萧驿亭春信期春潮期春潮黄昏浮动谁在江皋碧云冉冉横溪桥琼车未至余香飘余
香飘一帘疎

影月在花梢

好事近【梅】

春色爲谁来枝上半畱残雪恰近小园香径对霜林寒月
危栏凄断笛声长吹到偏呜咽防好短亭归路有行人先折

谒金门

春太早十二玉楼初晓半额试妆深院悄相逢何草草临水幽香缥缈彷彿淡妆窥照恰值日
边人未到纷

纷萦古道

张仲宗

三山人绍兴戊午之秋胡澹庵上书乞斩时相坐谪新州仲宗以词送行后并得罪

贺新郎【送胡邦衡谪新州】

梦绕神州路怅秋风连营画角故宫离黍底事昆仑倾砥柱九地黄流乱注聚万落千村狐
天意从来高难问况人情易老悲如许更南浦送君去凉生岸柳销残暑耿斜河疎星淡月断
云微度万里江山知何处回首对床夜语鴈不到书成谁与目尽青天怀今古肯儿曹恩怨相
尔汝举大白唱金缕

又【寄李伯纪丞相】

曳杖危楼去斗垂天沧波万顷月流烟渚扫尽浮云风不定未放扁舟夜渡宿鴈落寒芦深处
怅望关河空吊影正人间鼻息鸣鼙鼓谁伴我醉中舞十年一梦扬州路倚高寒愁生故国气
吞骄虏要斩楼兰三尺劒遗恨琵琶旧语漫暗澹铜花尘土唤取谪仙平章看过苕溪尚许垂
纶否风浩荡欲轻举

满江红【旅思】

春水连天桃花浪几番风恶云乍起远山遮尽晚风还作绿徧芳洲生杜若楚防带雨烟中落
认向来沙觜共停桡伤飘泊寒犹在衾偏薄肠欲断愁难着倚蓬窗无寐引杯孤酌寒食清明
都过了可怜孤负年时约想小楼日日望归舟人如削

兰陵王【春遊】

卷珠箔朝雨轻阴乍阁防干外烟柳弄晴草芳侵堦映红药东风妬花恶吹落梢头嫩萼屏山

掩沉香熏中酒心情怕杯勺 寻思旧京洛正年少疎狂歌笑迷着障泥油壁催梳掠曾驰道
同载上林携手灯夜初过早共约又争信漂泊 寂寞念行乐甚粉淡衣襟音断 索琼枝壁月
春如昨怅别后华表那回双鹤相思除是向醉里暂忘却

又【春思】

绮霞散空碧留晴向晚东风里天气困人时节秋千闭深院帘旌翠波颭窗影残红一线春光
好花脸柳腰勾引芳菲闹莺燕 闲愁费消遣想娥绿轻颦鸾鉴新怨单衣欲试寒犹浅羞衾凤
空展塞鸿难托谁问潜宽旧带眼念人似天远 迷恋画堂宴看防乐王孙浓艳争劝兰膏宝篆
春宵短拥檀板低唱玉杯重暖众中先醉谩倚槛早梦见

念奴娇【秋思】

江天雨霁正露荷擎翠风槐摇绿试问秦楼今夜里秋到防干几曲笑撚黄花重题红叶无奈
归期促暮云千里桂华初绽寒玉 有谁伴我凄凉除非分付与杯中醺醪水本无情山又远回
首烟波云木梦绕西园防飞南浦自古情难足旧游何处落霞空映孤鹜

石州慢【初春感旧】

寒水依痕春意渐回沙际烟阔溪梅晴照生香冷蕊数枝争发天涯旧恨试看几许销防长亭
门外山重叠不尽眼中青怕昏黄时节 情切画楼深闭想见东风暗消肌雪辜负枕前云雨樽
前花月心期切处更有多少凄凉殷勤留与归时说到得再相逢恰经年离别

青玉案【忆旧】

华裾玉辔青丝鞚记年少金吾从花底朝回珠翠拥晓钟初断宿醒犹带绿琐窗中梦
天涯相遇鞭鸾凤老去堂成更情重月转檐牙云绕栋凉吹香雾酒迷歌扇春笋传杯送

临江仙【茶防有感】

莺唤屏山惊睡起娇羞须索郎扶茶防斗帐罢熏炉翠穿珠落索香泛玉流酥
长记枕痕消醉色日高犹倦妆梳一枝春瘦想如初梦迷芳草路望断素鳞书

浣溪沙【别意】

燕掠风檐欹欹飞艳桃秾李闹长堤骑鲸人去晓莺啼可意湖山留我住断肠烟水送君归三
春不是别离

时

渔家傲

楼外天寒山欲暮溪邊雪后藏云树小艇风斜沙嘴露流年度春光已向梅梢住
短梦今宵还到否苇村四望知何处客里从来无意緒催归去故园正要莺花主

谒金门【道山亭饯张椿老赴行在】

风露底石上岸巾愁起月到房心天似水乱峰清影里此去登瀛须记今夕道山同醉春殿明
年人共指玉

皇香案吏

花庵词选续集卷一

续集卷二

钦定四库全书

花庵词选续集卷二 宋 黄升 撰宋词

刘彦冲

名子翬号屏山先生刘忠显公之子朱文公之师有屏山文集行于世小词附其后

蓦山溪【九日】

浮烟冷雨此日还重九秋去又秋来但黄花年年依旧平台戏马无处问英雄茅舍小竹篱疏兀坐空搔首客来何有草草三杯酒一醉万缘空休贪他金印如斗病翁老矣谁共赋归与芟陇麦网溪鱼未落它人后

满庭芳【和胡明仲桂花词】

秋入防阴凉生平远小山愁絶天南似闻还断飞防徧千岩叶底轻黄纂纂恼人是微裂芳絨
翛然胜清真冷淡无艳寄尘凡澄潭欹两防波光摇动碧影相参任西风十里吹度松杉我自寒灰槁木凝神处不觉醺酣归来晚飞花无迹明月满空函

赵元鎮

名鼎号得全居士为中兴名相词婉媚不减花间集

蝶恋花【春思】

尽日东风吹绿树向晚轻寒数防催花雨年少凄凉天赋与更堪春思萦离绪
临水高楼携酒处曾倚哀弦歌断黄金缕楼下水流何处去凭栏目送苍烟暮

防绛唇【春愁】

香冷金炉梦回鸳帐余香嫩更无人问一枕江南恨消瘦休文顿觉春衫褪清明近杏花吹尽
薄暮东风

又【惜别】

惜别伤离此生此念无重数故人何处还送春归去美酒一杯谁解歌金缕无情绪淡烟疎雨

花落空庭暮

贺圣朝【秋思】

断霞收尽黄昏雨滴梧桐疎树帘栊不卷夜沉沉锁一庭风露
天涯人远心期梦悄苦长宵难度知它窗外促织儿有许多言语

浣溪沙【美人】

艳艳春娇入眼波劝人金盏缓声歌不禁粉泪搵香罗暮雨朝云相见少落花流水别离多寸
肠争奈此情

何

画堂春【春日】

空笼帘影隔垂杨梦回芳草池塘杏花枝上蝶双双春昼初长
强理云鬟临照暗弹粉泪沾裳自怜容艳惜流光无限思量

醉桃园【春晚】

青春不与花为主花正开时春暮花下醉眠休诉看取春归去
莺愁蝶怨春知否欲问春归何处只有一樽芳醕畱得青春住

人月圆【中秋】

连环寶瑟深深愿结尽一生愁人间天上佳期胜赏今夜中秋
雅歌妍态常娥见了应美风流芳樽美酒年年歲歲月满高楼

怨东风【闺怨】

寶鉴凌花莹孤鸾慵照影鱼书蝶梦两消沉恨恨恨结尽丁香瘦如杨柳雨疎云冷
宿醉恹恹病罗巾空泪粉欲将远意托湘弦闷闷闷香絮悠悠画帘悄悄日长春困

满江红【丁未九日南渡泊舟仪真江口】

惨结秋陰西风送丝丝雨湿凝望眼征鸿几字莫投沙磧欲向乡关何处是水云浩荡连南北
但修眉一抹有无中遥山色天涯路江上客肠已断头应白空搔首兴叹莫年离隔欲待忘忧
除是酒奈酒行有尽愁无极便挽将江水入樽壘浇胸臆

西江月【福唐别故人】

世态浮云易变时光飞箭难留五年重见海东头只有交情似旧
未尽别来深意难堪老去离愁青山迢递水悠悠明日扁舟病酒

王民瞻

名庭珪号泸溪先生庐陵人弃官养志二十年绍兴辛酉胡澹庵谪新州民瞻以诗送之云痴
儿不了公家事男子要爲天下奇坐是除名编 辰州

感皇恩【留别】

一叶下西风寒生南浦椎鼓鸣铙送君去长亭把酒却倩阿谁留住樽前人似玉能留否
醉中暂听离歌几许听不能终泪如雨无情江水断送扁舟何处归时烟浪卷朱帘暮

防绛唇【感旧】

花外红楼当时青鬓顔如玉淡烟残烛醉入花间宿白髮相逢犹唱当时曲当时曲断 难续
且尽杯中醪

鳳栖梧【王彦防生日】

琼海无边银浪卷画防朱楼缥缈云间见当日使君曾拥传海霞光里时开防 翠辇红鳞吹酒
面莫谓今朝人在天涯遠彩鳳銜书应不晚愿公难老身长健满庭芳【戊辰上元黄子余席
上时未有月】

宿雨初收晚风防度万家帘卷青烟暗尘随马人物似神仙试问天公借月天须放明月教圓
应移下广寒宫殿灯火接星躔 卢川元古郡当时太守賓从俱贤到如今万井歌吹喧阗花下
红妆卖酒时相遇曲水桥邊谁知道山城父老重见中兴年

桃园忆故人【辰州泛舟送郭景文周子康赴行在】

催花一霎清明雨留得东风且住两防柳汀烟坞未放行人去
人如双鹄云间举明夜扁舟何处只向武陵南渡便是长安路

李似之

名弥逊自号筠翁中兴初名士不附秦桧坐贬

声声慢【木犀】

龙涎烧就沈水熏成分明乱屑琼瑰一朵才开人间十里先知此花大即不大有许多潇洒清奇较量尽谓胜如茱萸防赛得荼防更被秋光掇送放些儿月照着阵风吹恼杀多情猛沉醉伊朝朝暮暮守定尽忙时也不相离睡梦里胆瓶儿枕畔数枝

菩萨蛮【别意】

江城烽火连三月不堪对酒长亭别休作断肠声老来无泪倾
风高防影疾目送舟痕碧锦字几时来薰风无雁回

张材甫

名抡号莲社居士南渡故老及见太平之盛者集中多应制词

柳梢青【侍宴】

柳色初匀轻寒似水纖雨如尘一阵东风縠纹微皱碧沼鳞鳞
仙娥花月精神奏凤管鸾丝鬪新万歳声中九霞杯里长醉芳春

蝶恋花【海棠】

前日海棠犹未破防防胭脂染就真珠颗今日重来花下坐乱铺宫锦春无那
賸摘繁枝簪几朵痛惜深怜只恐芳菲过醉倒何妨花底卧不湏红袖来扶我

临江仙【禁中丹桂】

玉宇凉生清禁晓丹葩色照晴空珊瑚敲碎小玲珑人间无此种来自广寒宫
雕玉防干深院静嫣然凝笑西风曲屏须占一枝红且图欹醉枕香到梦防中

又【车驾朝享景灵宫久雨一夕开霁】

闻道彤庭森宝仗霜风逐雨驱云六龙扶輦下青防香随鸾扇遠日射赭袍明
帘卷天街人隘路满城喜望清尘欢声催起梅春欲知天意好昨夜月华新

西江月【瑞香】

剪就碧云闊叶刻成紫玉芳心浅春不怕峭寒侵暖彻薰笼瑞锦
花里清芬独步樽前胜韵难禁飞香直到玉杯深消得厌厌痛飲

朝中措【夜景】

灯花挑尽夜将防斜掩小屏山一防凉蟾窥幔钏敲玉臂生寒
起来无绪炉薰烬冷桐叶声干都把沈思幽恨明朝分付眉端

烛影摇红【上元有怀】

双阙中天凤楼十二春寒浅去年元夜奉宸游曾侍瑶池宴玉殿珠帘尽卷拥羣仙蓬壶阆苑
五云深处万烛光中揭天丝管驰隙流年恍如一瞬星霜换今宵谁念泣孤臣回首长安远可
是尘缘未断谩惆怅华胥梦短满怀幽恨数防寒灯几声归鴈

浣溪沙【和曾纯甫题谢氏小阁】

筑室峥嵘占宝峰退朝燕坐万缘空出尘高志抗防鸿何日嘉招陪一笑看君豪飲釂千钟试
憑鄙句作先

容

霜天晓角【别恨】

晓风摇幕欹枕闻残角霜月可窗寒影金猊冷翠衾薄旧恨无处着新愁还又作夜夜单于声
里灯花共淚

珠落

张安国

名孝祥号于湖歷阳人以妙年射防魁天下不数载入直中书有紫防雅词汤衡为序称其平
昔为词未尝着藁笔酣兴健顷刻即成无一字无来处如歌头凯歌诸曲骏发蹈厉寓以诗人
句法者也

六州歌头

长淮望断關塞莽然平征尘暗霜风劲悄邊声黯销凝追想当年事殆天数非人力洙泗上弦
歌地亦荆榛隔水疆乡落日牛羊下区脱纵横看名王宵猎骑火一川明笳鼓悲鸣遣人惊念
腰间箭匣中剑空埃蠹竟何成时易失心徒壮歲将零渺神京干羽方懷遠静烽燧且休兵冠
蓋使纷驰骛若为情闻道中原遗老常南望翠葆霓旌使行人到此忠愤气填膺有淚如傾

水调歌头【凯歌寄湖南安抚刘舍人】

猩鬼啸篁竹玉帐夜分弓少年荆楚劒客突骑锦檐红千里风飞雷厉四校星流彗扫萧斧挫
春葱谈笑青油幕日奏防书同诗书帅黄阁老黑头公家传鸿宝秘略小试不言功闻道玺书
频下看即沙堤归去帷幄且从容君王自神武一举朔庭空

又【舟过金山寺】

江山自雄丽风露与高寒寄声月姊借我玉鉴此中看幽壑鱼龙悲啸倒影星辰摇动海气夜
漫漫拥起白银阙危驻紫金山表独立飞玉佩整云冠漱水濯雪眇视万里一毫端回首三山
何处闻道羣仙笑我要我欲俱还挥手从此去翳凤更骖鸾

又【隐静寺观雨寺有碧霄泉】

青嶂度云气幽壑舞回风江神助我雄观唤起碧霄龙电掣金蛇千丈雷震灵鼉万叠汹汹欲
崩空尽泻银潢水散入宝莲宫坐中客凌积翠看奔洪人间应失匕箸惟我独从容净洗从来
尘垢润及无邊枯槁造物不言功天宇忽开霁日在五云东

满江红【秋懷】

秋满漓源瘴云净晓山如簇动遠思空江小艇高丘乔木防防西风双鬓底晖晖斜日朱栏曲
试侧身回首望京华迷南北思归梦天邊鵲游宦事蕉中鹿想一年好处砌红堆绿罗帕分柑
霜落齿冰盘剥芡珠盈掬借春纖缕鲙捣金虀新筍熟

念奴娇【欲雪呈朱漕】

朔风吹雨送凄凉天意垂垂欲雪万里南荒云雾满弱水蓬莱相接冻合龙岗寒侵铜柱碧海
水渐结憑高一笑问君何处炎热家在楚尾吳头归期犹未对此惊时节记得年时貂帽暖铁
马千羣观猎狐兔成车歌钟殷地归踏层城月持杯且醉不須北望凄切

又【洞庭】

洞庭青草近中秋更无一防风色玉界琼田三万顷着我扁舟一叶素月分辉银河共影表里
俱澄彻怡然心防妙处难与君說应念岭海经年孤光自照肝肺皆冰雪短髮萧骚襟袖冷穩
泛沧浪空濶尽挹西江细倾北斗万象为賓客扣舷一笑不知今夕何夕

又【离思】

星沙初下望重湖遠水长云漠漠一叶扁舟谁念我今日天涯飘泊平楚南来大江东去处处
风波恶吳中何地满懷俱是离索长记送我行时绿波亭上泣透青罗薄檣燕低飞人去后依
旧湘城幕不尽山川无穷烟浪辜负秦楼约渔歌声断为君双淚倾落

木兰花【离思】

送归云去鴈淡寒彩满溪楼正佩解湘腰钗孤楚鬓鸾鉴分收凝情望行处路但疎烟遠树织
离忧只有楼前溪水伴人清泪长流 霜華夜永逼衾裯唤谁护衣篝念粉馆重来芳尘未扫争
见嬉遊情知闷来殢酒奈回肠不醉只添愁脉脉无言竟日断防双鷺南州

又【别情】

紫箫吹散后恨燕子只空楼念璧月长亏玉簪中折覆水难收青鸾送碧云句道霞扃雾锁不
堪忧情与文梭共织怨随宫叶同流 人间天上两悠悠暗泪洒灯篝记谷口园林当时驿舍梦
里曾遊银屏低闻笑语但梦时冉冉醒时愁拟把菱花一半试寻高价皇州

雨中花【长沙】

一叶凌波十里御风烟鬢雨鬢萧萧认得江臯玉佩水馆冰绡秋净明霞乍吐 凉宿靄初消
恨微颦不语欲进还休凝伫超遥 神交冉冉愁思盈盈断防欲遣谁招还似待青鸾传信乌鵲
成桥怅望胎仙琴叠羞看翡翠兰苕梦回人遠红云一片天际笙箫

蓦山溪【春情】

雄风豪雨时节清明近帘幙起轻寒暖红炉笑翻灰烬阴藏迟日欲验几多长綉工慵围棊倦
香篆频销印茂林芳迳绿变红添润桃杏意酣酣占前头一番花信华堂尊酒但作艷阳歌禽
声喜流云尽明日春遊俊

鷓鴣天【长沙钱刘枢密】

浴殿西头白玉堂湘江东畔碧油幢北辰躔次占星象南斗山川解印章
随步武借恩光送君先促舍人装他年真肯传衣鉢今日先须釂一觴

又【春情】

日日青楼醉梦中不知楼外已春浓杏花未遇疎疎雨杨柳初摇短短风
扶画鷁跃花骢涌金门外小桥东行行又入笙歌里人在珠帘第几重

菩萨鬢【舟中】

十年长作江南客櫓竿又挂西风席白鸟去邊明楚山无数青
倒冠仍落佩我醉君同醉试问识君不青山与白鸥

又【杏花】

东风约略吹罗幕一檐细雨春阴薄试把杏花看湿红娇暮寒
佳人双玉枕烘醉鸳鸯锦折得防繁枝暖香生翠帟

鹊桥仙

横波滴素遥山蹙翠江北江南肠断不知何处御风来云雾里钗横鬓乱
香罗叠恨鸾牋寫意付与瑶台女伴醉时言语醒时愁道说与醒时休看

又【梅】

吹香成阵飞花如雪不那朝来风雨可怜无处避春寒但玉立仙衣数缕
清愁万斛柔肠千结醉里一时分付劝君不用叹飘零待结子成阴归去

西江月【黄陵庙】

满载一船明月平铺千里秋江波神留我看斜阳唤起鳞鳞细浪
明日风回更好今朝露宿何妨水晶宫里奏霓裳準拟岳阳楼上

又【洞庭】

问讯湖邊春色重来又是三年东风吹我过湖船杨柳丝丝拂面
世路如今已惯此心到处悠然寒光亭下水连天飞起沙鸥一片

又【爲刘枢密太夫人寿】

畴昔通家事契卽今两镇交承起居枢密太夫人绿发斑衣相映
乞得神仙九醞祝教福祿千春台星直上寿星明长见问防鼎盛

忆秦娥【雪】

云垂幕阴风惨淡天花落天花落千林琼玖满空鸾鹤征车渺渺穿华薄路迷迷路增离索增
离索楚溪山

水碧湘楼阁

又【梅】

梅花发寒梢挂着瑶台月瑶台月和羹心事履霜时节断桥流水声呜咽行人立马空愁絶空愁絶爲谁凝

伫为谁攀折

又【元夕】

元宵节凤楼相对鼇山结鼇山结香尘随步柳梢防月多情又见珠帘揭防人不放笙歌歇笙歌歇晓烟轻

散帝城宫阙

吴彦高

名激先朝故臣米元章之壻

春从天上来【防宁府遇老姬善鼓瑟自言梨园旧籍】

海角飘零叹汉苑秦宫坠露飞萤梦里天上金屋银屏歌吹竞举青冥问当时遗谱有絶艺鼓瑟湘灵促哀弹似林莺啁啾山溜泠泠梨园太平乐府醉几度春风鬓变星星舞彻中原尘飞沧海风雪万里龙庭写寒笳幽怨人憔悴不似丹青酒防醒一轩凉月灯火青荧【三山郑中卿从张贵谟使北曰闻有歌之者】

青衫湿【宴北人张侍御家有感】

南朝千古伤心地还唱后庭花旧时王谢堂前燕子飞入人家恍然在遇天姿胜雪宫鬓堆鸦江州司马青衫湿泪同是天涯【右二曲皆精妙凄婉惜无人拈出今録入选必有能知其味者】

杨廷秀

名万里号诚斋吉州人以道德风节照映一世实为四朝寿俊

念奴娇【上章乞休置戏作小词自贺】

老夫归去有三径足可长拖衫袖一道官衔清彻骨别有监临主守主守清风监临明月兼管栽花柳登山临水作诗三首两首休説白日升天莫夸金印斗大悬双肘且説庐陵新盛事三个闲人眉寿拣罢军负归农押録致政诚斋叟只愁醉杀螺江门外私酒【吉有螺江门】

忆秦娥【初春】

新春早春前十日春归了春归了落梅如雪桃野红小老夫不管春催老只图烂醉花前倒花
前倒几扶归

去醒来窗晓

吴大年

名亿渡江初人

烛影摇红【元夕】

楼雪初消丽谯吹罢单于晚使君千炬起班春歌吹香风暖十里珠帘尽卷人正在蓬壶阆苑
卖薪买酒立马传觴升平重见谁识鼇头去年曾侍传柑宴至今衣袖带天香行处氤氲满已
是春宵苦短更莫遣欢遊意懒细听归路璧月光中玉箫声远

南乡子【江上】

江上雪初消暖日晴烟弄柳条认得裙腰芳草绿防销曾折梅花过断桥
潘鬓为谁凋长恨金闺闭阿娇遥想晚妆呵手罢天饶更傍朱唇暖玉箫

范至能

名成大号石湖居士孝宗朝入参大政诗文超絶三高亭记天下之人诵之尝为蜀帅每有篇
章即日传布人以先覩为快

眼儿媚【萍乡道中乍晴卧舆中困甚小憩柳塘】

酣酣日脚紫烟浮妍暖破轻裘困人天色醉人花气午梦扶头
春慵恰似春塘水一片縠纹愁溶溶曳曳东风无力欲皱还休

一落索【南浦舟中与江西帅漕酌别夜后忽大雪】

画防锦车皆雅故箫鼓雷连客住南浦春波莫难忘罗襪生尘处
明日船旗应不驻且唱断肠新句卷尽珠雨雪花一夜随人去

菩萨鬘【元夕立春】

雪林一夜收寒了东风恰向灯前到今夕是何年新春新月圓
綺丛香雾隔犹记醒狂客畱取缕金幡夜蛾相竝看

又【湘东驿】

客行忽到湘东驿明朝真是潇湘客晴碧万重云几时逢故人
江南如塞北别后书难得先自鴈来稀那堪春半时

满江红【清江风帆甚快作此与客剧飲歌之】

千古东流声卷地云涛如屋横浩 檣竿十丈不胜防腹夜雨翻江春浦涨船头鼓急风初熟
似当年呼禹乱黄川飞梭速 击楫誓空惊俗休拊髀都生肉任炎天水海一杯相属荻笋菱芽
新入饌鵲 风吹能翻曲笑人间何处似尊前添银烛

谒金门【宜春道中野塘春水可喜有懷旧隐】

塘水碧仍带麴尘顏色泥泥縠纹无气力东风如爱惜恰似越来溪侧也有一双鸂鶒只欠柳
丝千百尺系

船春弄笛

秦楼月【寒食日湖南提举胡元高家席上闻琴】

湘江碧故人同作湘中客湘中客东风回鴈杏花寒食温温月到蓝桥侧醒心 里春无极春
无极明朝残

梦马嘶南陌

陆务观

名防号放翁山陰人官至焕章阁待制刘漫塘云范至能陆务观以东南文墨之彦至能爲蜀
帅务观在幕府主宾唱酬短章大篇人争传诵之

水龙吟【春日遊摩诃池】

摩诃池上追遊路红绿参差春晚韶光妍媚海棠如醉桃花欲暖挑菜初闲禁烟将近一城丝
管看金鞍争道香车飞蓋争先占新亭馆 惆怅年华暗换黯销防雨收云散镜奁掩月钗梁拆
鳳秦箏斜鴈身在天涯乱山孤垒危楼飞观叹春来只有杨花和恨向东风满

沁园春【别恨】

一别秦楼转眼新春又近放灯忆盈盈倩笑纖纖柔握雪香花语玉暖酥凝念遠愁肠伤春病思自怪平生殊未曾君知否渐香消蜀锦泪渍吳绫难求系日长绳况倦客飘零少旧朋但江郊鴈起渔村笛怨寒缸委烬孤砚生水水绕山围烟昏云惨纵有高台常怯登销魂处是鱼笺不到兰梦无憑

月照梨花【闺思】

霁景风软烟江春涨小阁无人綉帘半上花外姊妹相呼约樗蒲修蛾忘了章台樣细思一饷感事添惆悵胷酥臂玉消减拟觅双鱼倩传书

又【闺思】

闷已萦损那堪多病几曲屏山伴人昼静梁燕催起犹慵换熏笼新愁旧恨何时尽渐凋绿鬓小雨知花信芳牋寄与何处綉阁珠栊柳阴中

夜游宫【记梦】

雪晓鸣笳乱起梦遊处不知何地铁骑无声望似水想關河雁门西青海际睡觉寒灯里漏声断月斜窗纸自许封侯在万里有谁知鬓虽残心未死

又【宴席】

宴罢珠帘半卷画檐外蜡香人散翠雾霏霏漏声断倚香肩看中庭花影乱宛是高唐馆宝奁炷麝烟初暖璧月何妨夜夜满拥芳柔恨今年寒尚浅

临江仙【晚春】

鸠雨催成新绿燕泥收尽残红春光还与美人同论心空眷眷分袂却匆匆只道真情易写那知怨句难工水流云散各西东半廊花院月一防柳桥风

钗头凤【闺词】

红酥手黄滕酒满城春色宫墙柳东风恶欢情薄一懷愁绪几年离索错错错春如旧人空瘦泪痕红浥蛟绡透桃花落闲池阁山盟虽在锦书难托莫莫莫

浪淘沙【别恨】

綠树暗长亭几把离尊阳關常恨不堪闻何况今朝秋色里身是行人
清淚浥罗巾各自消魂一江离恨恰平分安得千寻横铁锁截断江津

南乡子【赋归】

归梦寄吳檣水驿江程去路长想见芳洲初系缆斜阳烟树参差认武昌
愁鬓防新霜曾是朝衣染御香重到故乡交旧少凄凉却恐他乡胜故乡

感皇恩【感懷】

小阁倚秋空下临江渚漠漠孤云未成雨数声新鴈回首杜陵何处壮心空万里人谁许
黄阁紫枢筑坛开府莫怕功名欠人做如今熟计只有故乡归路石帆山脚下菱三亩

好事近【东归书事】

歲晚喜东归扫尽市朝陈迹拣得乱山环处钓一潭澄碧
卖鱼沽酒醉还醒心事付横笛家在万重云外有沙鸥相识

蝶恋花【寒食】

陌上箫声寒食近雨过园林花气浮芳润千里斜阳钟欲暝憑高望断南楼信
海角天涯行略尽三十年间无处无遗恨天若有情终欲问忍教霜防相思鬓

又【懷别】

水漾萍根风卷絮倩笑娇颦忍记逢迎处只有梦防能再遇堪嗟梦不由人做
梦若由人何处去短防轻衫夜夜眉州路不怕银缸深绣户只愁风断青衣渡

朝中措【闺情】

怕歌愁舞懒逢迎妆晚托春醒总是向人深处当时枉道无情
關心近日啼红密诉剪绿深盟杏馆花阴恨浅画堂银烛嫌明

鹊桥仙【感旧】

华灯纵博雕鞍驰射谁记当年豪举酒徒一一取封侯独去作江邊渔父
轻舟八尺低篷三扇占断苹洲烟雨镜湖元自属闲人又何必君恩赐与

破阵子【省华】

仕至千钟良易年过七十常稀眼底荣华元是梦身后声名不自知营营端为谁
幸有旗亭沽酒何妨茧纸题诗幽谷云萝朝采药静院轩窗夕对碁不归真个痴

玉胡蝶【王忠州家席上】

倦客平生行处坠鞭京洛解佩潇湘此夕何年初赋宋玉高唐綉 开香尘乍起莲步稳银烛
分行暗端相燕羞莺妬蝶绕蜂忙 难忘芳樽频劝峭寒新退玉漏犹长几许幽情只愁歌罢月
侵廊欲归时司空笑问微近处丞相嗔狂断人肠假饶相送上马何妨

如梦令【闺思】

独倚博山峰小翠雾满身飞绕只恐学行云去作阳台春晓春晓春晓满院绿杨芳草

真珠帘【羁遊有感】

水村山馆参差路感羁遊正似残春风絮掠地复穿帘必竟归何处镜里新霜空自闷问几时
鸾台鹄署迟暮漫憑高竚立书空独语 自昔儒冠多误悔当年早不抽身归去醉下白苹洲看
夕阳鸥鹭莼菜鲈鱼都弃了只换得青衫尘土休顾早扁舟江上一蓑烟雨

花庵词选续集卷二

续集卷三

钦定四库全书

花庵词选续集卷三 宋 黄升 撰宋词

张功甫

名磁号约斋居士西秦人杨诚斋极称其诗

贺新郎【李颐正路分见访畱飲书赠】

看了梅花去要东风攀翻看雪与君同赋海内从来天际远一笑平窥万古待剪尽烛花红吐久矣南湖无此客似乔松万丈凌霄举飞咳唾扫尘土承平气象森眉宇想天家骖鸾洞里细烟水雾我亦秦關归未得谁念干将醉抚判良夜倚横冠屨莫叹潇湘居尚遠拥戎钲万骑鸣笳鼓云正锁汴京路

又【陈退翁分教衡湘将行酒防索词漫成】

桂隱传杯处有风流千岩韵胜太丘遗绪玉季金昆霄汉侶平步鸾坡挥麈莫便驾飞颿烟渚云动精神衡岳去向君山帝乐锵韶濩兰芝畹吊湘楚南湖老矣无襟度但樽前踉蹌醉影防花颠仆只恐清时专文教犹贷阴山烽火卧锦帐貔貅征鼓忠烈前勲賫万恨望神都魏阙奔狐呼翠袖为君舞

梦游仙【记梦】

飞梦去闲到玉京游尘绝天高那得暑月明云薄澹于秋宫殿锁金虬水佩冷风飈紫绡裘五色光中瞻帝所方知碧落胜炎洲香雾湿帘钩

木兰花【癸丑年生日】

年年三月二是居士始生朝念綠鬢功名初心已负难报劬劳天畱帝城胜处汇平湖遠岫碧峇嶷竹色诗书燕几柳阴桃杏横桥西隣东舍不难招太半是渔樵任翁媪欢呼儿孙歌笑野具村醪醉来更随鹤舞看清风送月过松梢百歲因何快乐尽从心地逍遙

又【甲寅三月中澣邀楼大防陈君举中书两舍人黄文叔待制彭子寿右史黄子由匠监沈应先大着过桂隱卽席作】

清明初过后正空翠霭晴鲜念水际楼台城隅花柳春意无边清时自多暇日看聯鑣飞蓋拥

羣贤朱邸横经满座紫防渊思如泉 高情那更属云天语笑杂歌弦向啼鵙声中落红影里忍
负芳年浮生转头是梦恐它时高防却难全快吐淋漓醉墨要令海内喧传

渔家傲【渔翁】

拂拂春风生草际新晴万景供游戏鸥鹭飞来斜照里金和翠分明画出真山水
遮个渔翁无愠喜乾坤都在孤篷底一曲高歌千古意闲来睡从教月到花汀外

鹊桥仙【立秋后一夕】

暑云犹在澄空欲变入夜徘徊庭际新秋知是昨宵来爱残月纤纤西坠
芭蕉老大流萤衰健静里细观天意轻风未有半分凉奈人道今宵好睡

柳梢青【舟泊秦淮】

天远山围龙蟠淡霭虎踞斜晖几度功名几番成败浑似鸥飞
楼台一望凄迷算到底空争是非今夜潮生明朝风顺且送船归

江城子【夏夜观月】

飞来冰雪冷无声可中庭骨毛清卧看东南和露两三星暮地神遊天上去呼彩凤驾云軿
望舒宫殿玉峥嵘桂千层宝香凝捣药仙童邀我论长生一笑归来人未睡花送影上窗櫺

昭君怨【月夜赏荷花】

月在碧虚中住人向乱荷中去花气杂风凉满船香云被歌声摇动酒被诗情掇送醉里卧花
心拥红衾

八声甘州【中秋夜作】

叹流光迅景百年间能醉几中秋正凄蛩鸣砌惊乌翻树烟淡苹洲谁唤金轮出海不带一云
浮才上青林顶俄转朱楼人老欢情已减料素娥信我不为闲愁念几番清梦常是故乡畱倩
风前数声横管叫玉鸾骑向碧空游谁能顾黍炊荣利蚁战怨讐

满江红【小圃玉照堂赏梅呈洪景卢内翰】

玉照梅开三百树香云同色光摇动一川银浪九霄珂月幸遇勲华时世好欢娱况是张灯夕
更不邀名胜赏东风真堪惜 盘诰手春秋笔今内相斯文伯肯闲迂轩蓋逺过泉石奇事人生
能几见清樽花畔须教侧到凤池却欲醉鸥边应难得

念奴娇【登平江齐云楼夜饮双瑞堂呈雷吏部】

东吴名胜有高楼直在浮云齐处十二防干邀遠望歷歷斜阳烟树香径人稀屨廊山绕往事
今何许一天和气爲谁吹散疎雨知是兰省星朱轮森防与风光为主暇日登携多雅致容
我追随临赋小宴重开晚寒初劲还下危梯去烛華红坠瑞堂犹按歌舞

烛影摇红【灯夕玉照堂梅花正开】

宿雨初干舞梢烟瘦金丝裊嫩云扶日做新晴旧碧寻芳草幽径兰芽尚小怪今年春归太早
柳塘花院万朵红莲一宵开了梅雪翻空忍教空对东风老粉围香阵拥诗仙战退春寒峭现
乐歌弹鬧晓宴亲宾团栾同笑醉归时候月过珠楼参横蓬岛【柳塘花院现乐皆家中堂名
也】

满庭芳【促织儿】

月洗高梧露漙幽草寶釵楼外秋深土花沿翠萤火坠墙陰静听寒声断续防韵转凄噎悲沉
争求侣殷勤劝织促破晓机心儿时曾记得呼灯灌穴敛步随音任满身花影犹自追寻携向
画堂戏鬪亭台小笼巧妆金今休说从渠牀下凉夜听孤吟

胡仲任

名仔苔溪人尝编渔隱丛话

感皇恩【自得】

乞得梦中身归栖云水始觉精神自家底峭帆轻棹时与白鸥遊戏畏途多不管风波起
光景如梭人生浮靡百歲何妨尽沉醉卧龙多事漫說三分奇计算来争似我长昏睡

张东父

名震号无隱居士词甚婉媚蓋富贵人语也

蝶恋花【惜春】

梅子初青春已暮芳草连云綠遍西池路小院绣垂帘半举衔泥紫燕双飞去
人在赤栏桥畔住不解伤春还解相思否清梦欲寻犹间阻纱窗一夜萧萧雨

鷓鴣天【怨别】

寬尽香罗金缕衣心情不似旧家时万丝柳暗才飞絮一防梅酸已着枝
金底背玉东西前欢赢得两相思伤心不及风前燕犹解穿帘度幕飞

又【春暮】

横素桥邊景防佳綠波清浅见琼沙衔泥燕子迎风絮得食鱼儿趁浪花
春已暮日初斜画船箫鼓是谁家兰桡 去空畱恋醉倚防干看晚霞

蓦山溪【春半】

青梅如豆断送春归去小绿间长红看几处云歌柳舞佞花识面对月共论心携素手采香遊
踏徧西池路水邊朱戶曾记销防处小立背秋千空怅望娉婷韵度杨花扑面香糝一 风情
脉脉酒厌厌回首斜阳暮

又【初春】

春光如许春到江南路柳眼弄晴晖笑梅花落英无数峭寒庭院罗幙护窗纱金鸭暖锦屏深
曾记看承处云邊尺素何计传心缕无处說相思空惆怅朝云暮雨曲栏干外小立近黄昏心
下事眼邊愁借问春知否

韩无咎

名元吉号南涧名家文献政事文学为一代冠冕

水龙吟【题三峰阁咏英华女子】

雨余叠巘浮空望中秀色仙都是洞天未锁人间春老玉妃曾坠锦瑟繁弦鳳箫清响九霄歌
吹问分香旧事刘郎去后知谁伴风前醉 回首暝烟千里但纷纷落红如泪多情易老青鸾何
许诗成谁寄斗转参横半帘花影一溪寒水怅飞鳧路杳行云梦断有三峰翠

谒金门【春雪】

春尚浅谁把玉英裁剪尽道梅梢开未遍卷 花满院楼上酒融歌暖楼下水平烟遠却似涌
金门外见絮

飞波影乱

水调歌头【九日】

今日俄重九莫负菊花开试寻高处携手蹑屐上崔嵬放目苍崖万仞云护晓霜成阵知我与君来古寺倚修竹飞槛绝尘埃笑谈间风满座酒盈杯仙人跨海休问随处是蓬莱落日平园西望鼓角秋深悲壮戲马但荒台细把茱萸看一醉且徘徊

辛防安

名弃疾号稼轩

瑞鹤仙

片帆何太急望一叶须防去天咫尺舟人好看客似风涛三峡蹉跎防溪南溪北正遐想幽人泉石被渔樵指防危楼却羨舞筵歌席叹息山林钟鼎意倦情迁本无欣戚转头陈迹飞鸟外晚烟碧问谁怜旧日南楼老子防爱月明吹笛到而今扑面黄尘欲归未得

又【上洪倅寿】

黄金堆到斗怎得似长生画堂劝酒蛾眉防明秀向水沈烟里两行红袖笙歌擱就争說道明年时候被嫦娥做了殷勤仙桂一枝入手知否风流别驾近日人呼文章太守天长地久歲歲上乃翁寿记从来人道相门出相金印累累尽有但直须周公拜前鲁公拜后

满江红【贺王宣子平湖南寇】

笳鼓归来举鞭问何如诸葛人道是匆匆五月渡泸深入白羽风生貔虎啸青溪路断猩鼯泣早红尘一骑落平冈防书急三万卷龙头客浑未得文章力把诗书马上笑驱锋镝金印明年如斗大貂蝉却自兜鍪出待刻公勲业等云霄浯溪石

又【感兴】

过眼溪山怪都似旧时会识还记得梦中行遍江南江北佳处径须携杖去能消几緡平生屐笑尘劳三十九年非长为客吳楚地东南坼英雄事曹刘敌被西风吹尽了无陈迹楼观才成人已去旌旗未卷头先白叹人间哀乐转相寻今犹昔

又【送郑舜举赴召】

湖海平生筭不负苍髯如防闻道是君王着意太平长防此老自当兵十万长安正在天西北便凤凰飞诏下天来催归急车马路儿童泣风雨暗旌旗湿看野梅官柳春风消息莫向蔗庵追笑语只今松竹无顔色问人间谁管别离愁杯中物

祝英台近【春晚】

宝钗分桃叶度烟柳暗南浦怕上层楼十日九风雨断肠防飞红都无人管倩谁唤流莺声住
鬓邊覷试把花卜归期才簪又重数罗帐灯昏哽咽梦中语是他春带愁来春归何处又不解带将愁去

水调歌头【盟鸥】

带湖吾甚爱千丈翠奁开先生杖履无事一日走千回凡我同盟鸥鹭今日既盟之后来往莫嫌猜
白鹤在何处尝试与偕来破青萍排翠藻立苍苔窥鱼笑汝痴计不解举吾杯废沼荒丘畴昔明月清风此夜人世几懽哀东防绿阴少杨柳更须栽

又

折尽武昌柳挂席上潇湘二年鱼鸟江上笑我往来忙富贵何时休问离别中年堪恨憔悴鬓成霜
丝竹陶寫耳急羽且飞觴序兰亭歌赤壁綉衣香使君千骑鼓吹风采汉侯王莫把离歌频唱可惜南楼佳处风月已凄凉在家贫亦好此语试平章

酹江月【登赏心亭】

我来吊古上危楼赢得闲愁千斛虎踞龙盘何处是只有兴亡满目柳外斜阳水邊归鸟陇上吹乔木片帆西去一声谁喷霜竹
却忆安石风流东山歲晚泪落哀箏曲儿辈功名都付与长日惟消碁局寶镜难寻碧云将暮谁劝杯中绿江头风怒朝来波浪翻屋

又【西湖和人韵】

晚风吹雨战新荷声乱明珠苍璧谁把香奁收寶镜云锦周遭红碧飞鸟翻空防鱼吹浪惯听笙歌席坐中豪气看君一飲千石
遥想处士风流鹤随人去已作飞仙客茅舍竹篱今在否松竹已非畴昔欲說当年望湖楼下水与云寬窄醉中休问断肠桃叶消息

又【春恨】

野棠花落又匆匆过了清明时节划地东风欺客梦一枕银屏寒怯曲防持觴垂杨立马此地曾经别楼空人去旧游飞燕能說
闻道绮陌东头行人曾见帘底纖纖月旧恨春江流不尽新恨云山千叠料得明朝尊前重见镜里花难折也应惊问近来多少华髮

水龙吟【赏心亭】

楚天千里清秋水随天去秋无际遥岑遠目献愁供恨玉簪螺髻落日楼头断鸿声里江南防子把吳钩看了栏干拍遍无人防登临意
休說鲈鱼堪鲙尽西风季鷹来未求田问舍怕应羞见刘郎才气可惜流年忧愁风雨树犹如此倩何人唤取红巾翠袖搵英雄泪

又【寿韩南涧】

渡江天马南来几人真是经纶手长安父老新亭风景可怜依旧夷甫诸人神州沈陆几曾回首
筹平戎万里功名本是真儒事君知否 况有文章山斗对桐阴满庭清昼当年堕地而今试
看风云奔走绿野风烟平泉草木东山歌酒待他年整顿乾坤事了为先生寿

又【再寿韩南涧】

玉皇金殿微凉看公一试薰风手高门画防桐阴闻道青青如旧兰佩空芳蛾眉谁妬无言搔
首甚年年却有呼韩塞上人争问公安否 金印明年如斗向中州锦衣如昼依然盛事貂蝉前
后鳳麟飞走富贵浮云我评轩冕不如杯酒待从今痛飲八千余歲伴松椿寿

又【题南涧双溪楼】

举头西北浮云倚天万里须长劒人言此地夜深长见斗牛光焰我觉山高潭空水冷月明星
澹待然犀下看憑栏却怕风雷怒鱼龙惨 峡束沧江对起过危楼欲飞还敛元龙老矣不妨高
卧水壶凉簟千古兴亡百年悲笑一时登览问何人又卸片帆沙际系斜阳缆

木兰花慢【送张仲固帅兴元】

汉中开汉业问此地是耶非想劒指三秦君王得意一战东归追亡事今不见但山川满目淚
沾衣落日征尘未断西风塞马空肥 一编书是帝王师小试去征西更草草离筵匆匆去路愁
满旌旗君思我回首处正江涵秋影鴈初飞安得车轮四角不堪带减腰围

又【送滁州范倅】

老来情味减对别酒惜流年更屈指中秋十分好月不照人圆无情水都不管共西风只等送
归船秋晚莼鲈江上夜深儿女灯前 征衫便好去朝天玉殿正思贤想夜半恩纶畱教视草却
遣筹邊长安故人问我道愁肠殢酒只依然目断秋霄落鴈醉来时响空弦

摸鱼儿【莫春】

更能消几番风雨匆匆春又归去惜春长怕花开早何况落红无数春且住见說道天涯芳草
无归路怨春不语算只有殷勤画檐珠网尽日惹飞絮 长门事準拟佳期又误蛾眉曾有人妬
千金纵买相如赋脉脉此情谁诉君莫舞君不见玉环飞燕皆尘土闲愁防苦休去倚危栏斜
阳正在烟柳断肠处

防高楼【洪内翰庆七十】

金闺老眉寿正如川七十且攀筵乐天诗句香山里杜陵酒债曲江邊問何如歌窈窕舞嬋娟
更十歲大公方出將又十歲武公才入相畱盛事看明年直須腰下添金印莫教头上欠貂蟬
向人間長富貴地行仙

又【梅花】

花知否花一似何 又似沈东阳瘦棱棱地天然白冷清清地許多香笑東君還又趨北枝忙
着一陣霎時間底雪着一个缺些兒底月山下路水邊牆清香怕有人知處蒼松側畔竹防相
怎禁他桃與李少年

千秋歲【建康壽史致道】

塞垣秋草又報平安好樽俎上英雄表金湯生氣象珠玉霏談笑春近也梅花得似人難老
莫惜金樽倒鳳詔看看到畱不住江東小從容帷幄里整頓乾坤了千百歲從今盡是中書考

沁園春【退閑】

三迳初成鶴怨猿驚稼軒未來甚云山自許平生意氣衣冠人笑抵死塵埃意倦須還身閑要
早豈為莠莠魴鰈哉秋江上看驚 鴈避駭浪船回 東岡更葺茅齋好都把軒窗臨水開要小
舟行釣先應種柳疎籬護竹莫碍觀梅秋菊堪餐春蘭可佩畱待先生手自栽沈吟久怕君恩
未許此意徘徊

又【將止酒戒酒杯】

杯汝來前老子今朝檢防形骸甚長年抱病咽如焦釜于今喜 氣似奔雷汝說劉伶古今達
者醉後何妨死便埋渾如此嘆汝於知己真少恩哉 更憑歌舞為媒筭合作平居鴆毒猜況愁
無小大生於所愛物無美惡過則為災與汝成言勿畱亟退吾力猶能肆汝杯杯再拜道麾之
即去招則須來

声声慢【滁州作奠枕樓】

征埃成陣行客相逢都道幻出層樓指防檐牙高處浪涌雲浮今年太守萬里罷長淮千騎臨
秋凭欄望有東南佳氣西北神州 千古懷嵩人去還笑我身在楚尾吳頭見說弓刀陌上車馬
如流從今賞心樂事剩安排酒令詩籌華胥夢愿年年人似旧遊

洞仙歌【壽叶丞相】

江頭父老說新來朝野都道今年太平也見朱顏綠鬢玉帶金魚相公是旧日中朝司馬 遙知
宣勸後東閣華燈別賜仙韶接元夜問天上幾多春只似人間但長見精神如畫好都取山河

献君王看父子貂蝉玉京迎驾

鹧鸪天【春日即事】

春入平原荠菜花新耕雨后落羣鸦多情白髮春无奈晚日青帘酒易賒
闲意态细生涯牛栏西畔有桑麻青裙缟袂谁家女去趁蚕生看外家

又【秋意】

枕簟溪堂冷欲秋断云依水晚来收红莲相倚浑如怨白鸟无言定自愁
书咄咄且休休一丘一壑也风流不知筋力衰多少但觉新来懒上楼

又【春行即事】

着意寻春懒便回何如信步两三杯山才好处行还倦诗未成时雨早催
携竹杖更芒鞋朱朱粉粉野蒿开谁家寒食归宁女笑语柔桑陌上来

又【东阳道中】

扑面征尘去路遥香篝渐觉水沉消山无重数周遭碧花不知名分外娇
人历历马萧萧旌旗又过小红桥愁遑剩有相思句摇断吟鞭碧玉梢

又

陌上柔桑初破芽东隣蚕种已生些平冈细草鸣黄犊斜日寒林防暮鸦
山逺近路横斜青旗沽酒有人家城中桃李愁风雨春在溪头荠菜花

菩萨鬘【书江西造口壁】

郁孤台下清江水中间多少行人泪西北望长安可怜无数山
青山遮不住毕竟江流去江晚正愁予山深闻鹧鸪

又

稼轩日向儿童説带湖买得闲风月头白早归来种花花已开
功名浑是错更莫思量着见説小楼东好山千万重

鹊桥仙【和廓之弟送祐之归浮梁】

小窗风雨从今便忆中夜笑谈清软啼鸦衰柳自无聊更管得离人肠断
诗书事业青毡犹在头上貂蝉防见莫贪风月卧江湖道日近长安路远

蝶恋花【送祐之弟】

衰草残阳三万顷不谳飘零天外孤鸿影几许凄凉须痛饮行人自向江头醒
防少离多看两鬓万缕千丝何况新来病不是离愁难整顿被他引惹其他恨

又【戊申元日立春】

谁向椒盘簪彩胜整整韶华争上春风鬓往日不堪重记省为花长抱新春恨
春未来时先借问晚恨开迟早又飘零近今岁花期消息定只愁风雨无凭准

又【别意】

莫向城头听漏防说与行人默默情千万总是离愁无近远人间儿女空恩怨
锦绣心胷冰雪面旧日诗名曾道空梁燕倾盖未偿平日愿一杯早唱阳关劝

霜天晓角【惜别】

吴头楚尾一棹人千里休说旧愁新恨长亭树今如此宦游吾倦矣玉人留我醉明日落花寒
食得且住为

佳耳

清平乐【村居】

茅檐低小溪上青青草醉里蛮音相媚好白髮谁家翁媪
大儿锄豆溪东中男正织鸡笼防喜小儿无赖溪头卧剥莲蓬

又【爲儿铁柱作】

灵皇醮罢福祿都来也试引鹤雏花树下断了惊惊怕怕
从今日日聪明更宜潭妹嵩兄看取辛家铁柱无灾无难公卿

西江月

秀骨青松不老新词玉佩相磨灵槎准拟泛银河剩摘天星几个
奠枕楼东风月驻春亭上笙歌留君一醉意如何金印明年斗大

喜迁莺【荷花】

暑风凉月爱亭亭无数绿衣持节掩冉如羞参差似妬拥出芙蓉花发步衬潘娘堪恨貌比六
谁洁添白鹭晚晴时公子佳人竝列休說攀木末当日灵均恨与君王别心阻媒劳交疎怨
极恩不甚兮轻绝千古离骚文字芳至今犹未歇都休问但千杯快饮露荷翻叶

贺新郎【自述】

甚矣吾衰矣怅平生交遊零落只今余几白髮空垂三千丈一笑人间万事问何物能令公喜
我见青山多妩媚料青山见我应如是情与貌略相似一尊搔首东窗里想渊明停云诗就此
时风味江左沉酣求名者岂识浊醪妙理回首叫云飞风起不恨古人吾不见恨古人不见吾
狂耳知我者二三子

京仲遠

满江红

乘兴西来问谁是平生相识算惟有瑶台明月照人如昔万里凄凉银世界放教千丈冰轮出
便招邀我輩上层楼横孤笛阴晴事人难必懽乐处天常惜幸星稀河淡云收风息更着两贤
陪胜赏此身如与尘寰隔笑谪仙对影足成三空孤寂

汉宫春【上元前一日立春】

暖律初回又烧灯市井卖酒楼台谁将星移万防月满千街轻车细马隘通衢蹴起香埃今歲
好土牛作伴挽留春色同来不是天公省事要一时壮观特地安排何妨防楼鼓吹绮席樽罍
良宵胜景语邦人莫惜徘徊休教我痴顽不去年年烂醉金钗

洞仙歌【次王漕部赏海棠韵】

东皇着意妙出妆春手防缀名花胜於綉向鱼鳧国里琴鹤堂前仍共赏蜀锦堆红 昼妖饶
真艳丽尽是天然莫恨无香欠檀口幸今年风雨不苦摧残还肯为遊人再三畱否算魏紫姚
黄号花王若定价收名未应居右

贺新郎【中秋】

试与常娥语问因何年年此夜月明如许万顷镕成银世界是处玉壶风露又岂比寻常三五
变化乾坤同一色觉星纏斗柄皆回互须教我共分付平生脚踏红尘处漫纷纷鸡虫厚薄燕
鸿来去只有婵娟多情在依旧当时雅素空自叹归心难住畱取清光岷江畔照扁舟送我章
江路频满引莫匆遽

木兰花慢【重九】

筭秋来景物皆胜赏况重阳正露冷欲霜烟轻不雨玉宇开张蜀人从来好事遇良辰不肯负
时光药市家家帘幙酒楼处处丝簧 娉婷老子兴难忘聊复与平章也随分登高茱萸缀席菊
蕊浮觞明年未知谁健笑杜陵底事独凄凉不道频开笑口年年落防何妨

姚令威

名寬西溪

菩萨鬘【春愁】

斜阳山下明金碧画楼返照融春色睡起揭帘旌玉人蝉鬓轻
无言空伫立花落东风急燕子引愁来眉心那得开

又【别恨】

梦中不记江南路玉钗翠鬓惊春去午醉晚来醒暝烟花上轻
红绡空浥泪锦字凭谁寄衫薄暖香销相思云水遥

忆王孙【春情】

毵毵杨柳绿初低澹澹梨花开未齐楼上情人听马嘶忆郎归细雨春风湿酒旗

生查子【情景】

郎如陌上尘妾似堤邊絮相见两悠扬踪迹无寻处酒面扑春风泪眼零秋雨过了别离时还
解相思否

踏莎行【秋思】

苹叶烟深荷花露湿碧芦红蓼秋风急采菱渡口日将沉飞鸿楼上人空立
彩凤难双红绡暗泣回纹未剪吴刀澁梦云归处不留踪厌厌一夜凉蟾入

花庵词选续集卷三

续集卷四

钦定四库全书

花庵词选续集卷四 宋 黄升 撰宋词

吳子和

名礼之号顺受老人钱塘人有词五卷郑国辅序之

喜迁莺【闰元宵】

银蟾光彩喜稔岁闰正元宵还再乐事难并佳时罕遇依旧试灯何碍花市又移星汉莲炬重芳人海尽勾引徧嬉游宝马香车喧隘晴快天意教人月更圆偿足风流债媚柳烟浓天桃红小景物迥然堪爱巷陌笑声不断襟袖余香仍在待归也便相期明日踏青挑菜

丑奴儿【秋别】

金风颤叶那更钱别江楼听凄切阳关声断楚馆云收去也难留万重烟水一扁舟锦屏罗幌多应换得蓼防苹洲凝想恁时欢笑伤今萍梗悠悠漫回首妖饶何处眷恋无由先自悲秋眼前景物只供愁寂寥情绪也恨分浅也悔风流

杏花天【春思】

闷来凭得阑干暖自手引朱帘高卷桃花半露胭脂面芳草如茵乍展烟光散湖光防滟映绿柳黄鹂巧啭遥山好似宫眉浅人比遥山更远

雨中花

眷浓恩重长离永别凭谁为返香防忆湘裙霞袖杏脸樱唇眉扫春山淡淡眼裁秋水盈盈便如何忘得温柔情态恬静天真凭栏念及夕阳西下暮烟四起江村渐入夜疎星映柳新月笼云酝造一生清瘦能消几个黄昏断肠时候帘垂深院人掩重门

瑞鹤仙【秋思】

风传秋信至颤叶叶庭梧飘零堦砌年華迅流水况荣枯翻手存亡弹指谁编故纸论古往英雄鬪智在当时唤做功名到此尽成闲气何谓生为行客死乃归人世同驿邸十步九计空捞攘漫儿戏忍都将有限光阴萦绊趁逐无穷天地我直须跳出樊笼做个俏底【词鄙意高】

蓦山溪【感旧】

刘郎老矣倦入繁华地触目愈伤情念陈迹人非物是共谁携手落日步江村临远水对遥山
闲看烟云起买牛卖劔便作儿孙计朋旧自荣华也怜我无名无利箪瓢钟鼎等是百年身空
妄作枉迂回贪爱从今止

风入松【江景】

苹汀蓼防荻花洲占断清秋五湖景物供心眼几曾有一防闲愁梦里翩翩胡蝶觉来叶叶渔
舟谢郎随分总优防信任沉浮恬然云水无贪吝笑腰纏骑鹤扬州只恐丹青妙笔写传难尽
风流

渔家傲【闺思】

红日三竿莺百啭梦回鸳枕离防乱料得玉人肠已断眉 敛晓妆镜里春愁满
绿琐窗深难见面云牋谩写教谁传闻道笙歌归小院梁尘颤多因唱我新词劝

蝶恋花【春思】

睡思厌厌莺唤起帘卷东风犹未忺梳洗眼细眉长云拥髻笑垂罗袖熏沈水
媚态盈盈闲举止只有江梅清韵能相比诗酒琴棋歌舞地又还同醉春风里

又【别恨】

急水浮萍风里絮恰似人情恩爱无凭据去便不来来便去到头毕竟成轻负
帘卷春山朝又暮莺燕空忙不念花无主心事万千谁与诉断云零雨知何处

又【春思】

满地落红初过雨绿树成阴紫燕风前舞烟草低迷紫小路昼长人静扃朱户
沉水香销新剪苧欹枕朦胧花底闻莺语春梦又还随柳絮等闲飞过东墙去

桃源忆故人【春暮】

画桥流水飞花舞楼外斜风细雨红瘦绿肥春莫肠断桃源路
懽随仙子乘鸾去镂月裁云何处唯有病和愁绪肯伴刘郎住

谒金门【春晚】

风乍扇 外落红千片飞尽落花春不管鬪忙莺与燕往事上心撩乱睡起日高犹倦料得伊家情眷眷近

来长梦见

霜天晓角【王生陶氏月夜共沈西湖赋此吊之】

连环易缺难解同心结痴騃佳人才子情缘重怕离别意切人路绝共沈烟水阔荡漾香魂何处长桥月断

桥月

又【秋景】

西风又急细雨黄花湿楼枕一篙烟水兰舟漾画桥侧念昔空泪滴故人何处覓魂断菱歌凄怨疎帘卷暮

山碧

生查子【浙江】

呉山与越山相对摩今古裹纜浙江亭回首西兴渡区区名利人无分香闺住匆遽促征鞍又入临平路

郑中卿

名域三山人号松窗庆元丙辰多随张贵谟使金有燕谷剡闻两卷记金人事甚详

画堂春【春思】

东风吹雨破花悭客羶晓梦生寒有人斜倚小屏山蹙损眉弯合是一钗双燕却成两镜孤鸾莫云修竹淚畱残翠袖凝斑

桃源忆故人【春愁】

东风料峭寒吹面低下綉 休卷憔悴怕它春见一任莺花怨新愁不受诗排遣尘满玉毫金砚若问此愁深浅天阔浮云远

念奴娇【戊午生日作】

嗟来咄去被天公把做小儿调戏蹀雪龙庭归未久还促炎州行李不半年间北燕南越一万
三千里征衫着破着衫人可知矣 休问海角天涯黄蕉丹荔自足供甘防泛绿依红无个事时
舞斑衣而已救蚁藤桥养鱼盆沼是亦经纶耳伊周安在且须学老莱子

昭君怨【梅花】

道是花来春未道是雪来香异水外一枝斜野人家冷淡竹篱茅舍富贵玉堂琼榭两地不同
栽一般开

浣溪沙【别恨】

酒薄愁浓醉不成夜长欹枕数残更嫩寒时节过烧灯已自孤鸾羞对镜未能双凤怕闻笙莫
教吹作别离

声

谢勉仲

名懋号静寄居士有乐章二卷吴坦伯明爲序称其片言只字曼玉铿金醞借风流为世所贵
云

忆少年【寒食】

池塘绿徧王孙芳草依依斜日游丝卷晴昼系东风无力
蝶趁幽香蜂釀蜜秋千外卧红堆碧心情费消遣更梨花寒食

石州引【别恨】

日脚斜明秋色半阴人意凄楚飞云特地凝愁做弄晚来微雨谁家别院舞困几叶霜红西风
送客闻砧杵鞭马出都门正潮平洲渚 无语匆匆短棹满载离愁片帆高举京洛红尘因念几
年羁旅浅颦轻笑当时别来谁画双眉妩回首一销凝望归鸿容与

洞仙歌【春雨】

愁遶雨细漠漠天如醉摇飏游丝晚风外釀轻寒和暝色花柳难胜春自老谁管啼红敛翠 关
情潜入夜斜湿帘栊几处挑灯耿无寐念阳台当日事好伴云来因个甚不入防王梦里便添
起寒潮卷长江又恐是离人断肠清淚

杏花天【春思】

海棠枝上东风软
霁色烟光弄暖
双双燕子归来晚
零落红香过半
琵琶泪揜青衫浅
念事与危肠易断
余醒未解扶头懒
屏里潇湘梦远

画堂春【秋思】

西风庭院雨垂垂
黄花秋闰迟已凉
天气未寒时
才褪单衣
睡起枕痕犹在鬓
松钗压云低
玉奁重拂淡胭脂
情入双眉

武陵春【惜春】

门掩东风人去后
愁损燕莺心
一朵梅花淡有春
粉黛不匀
我亦青楼成倦客
风月强追寻
莫把恩情做弄成容易
学行云

霜天晓角【桂花】

绿云剪叶低护黄金屑
占断花中声誉香与韵
两清洁
胜绝君听说
是它来处别
试看仙衣犹带金庭露玉

阶月

风流子【行乐】

少年多行乐
方豪健
何处不嬉游
记情逐艳波暖香斜径
醉摇鞭影扑絮青楼
难忘是笑歌偏婉婉
乡号得温柔
娇雨娱云旋宽衣带
膾风残月都在眉头
一成憔悴损人惊怪
空自引镜堪羞
谁念短封难托
征鴈虚浮
念夜寒灯火懒寻前梦
满窗风雨供断闲愁
情到不堪言处却悔风流

念奴娇【中秋呈徐叔至】

霁天湛碧正新凉
风露冰壶清彻
河汉无声光练练
涌出银蟾孤絶
岩桂香飘井梧影转冷浸
宫袍洁
西厢往事一帘轻梦凄切
肠断楚峡云归尊前无绪
知有愁如髮
此夕常娥应也恨冷落琼楼金阙
禁漏迢迢邊鸿杳杳幽意憑谁决
阑干星斗落梅三弄初阕

鹊桥仙【七夕】

钩帘借月染云为幌
花面玉枝交映
凉生河汉一天秋
问此防今宵孰胜
铜壶尚滴烛龙已驾
泪浥西风
不尽明朝乌鹊到人间
试說向青楼薄幸

赵文鼎

名善扛号解林居士诗词甚富盖赵德莊之流也

传言玉女【上元】

璧月珠星辉映小桃秾李化工容易与人间富贵东风巷陌春在暖红温翠人来人去笑歌声里油壁青骢第一番共燕喜举头天上有月如人意歌传乐府犹是升平风味明朝须判醉眠花底

好事近【春景】

风动一川花摇漾影迷红碧人立杏花阴下泛光风袈袈琼枝璧月互相辉春容将夕罗盖暗承花雾渍蛟绡香湿

重叠金【春游】

楚宫杨柳依依碧遥山翠隐横波溢絶艳照秾春春光欲醉人纤纤芳草嫩微步轻罗衬花戴满头归遊蜂花上飞

又【春思】

玉关芳草粘天碧春风万里思行客骄马向风嘶道归犹未归南云新有鴈望眼愁遶断膏流为谁容倚楼烟雨中

又【春宵】

一川花月青春夜玉容依约花阴下月照曲防干红绡浥露寒袖香温素手意铄金卮酒香远綉开画楼吹落梅

十拍子【上巳】

柳絮飞时緑暗茶防开后春酣花外青帘迷酒思陌上晴光收翠岚佳辰三月三解佩人逢游女踏青草鬪宜男醉倚画栏栏槛北梦绕清江江水南飞鸾与竝骖

青玉案【春莫】

一年陌上寻芳意想人在东风里褪粉销红春有几青翰飞去紫云凝伫往事如流水烟横极浦山无际暗解明珰问谁寄乡在温柔何处是轮囷香雾静深庭院帘影参差翠

烛影摇红【盱江有懷】

桃李墙头向人都似他年意舞丝千丈飏晴光骀荡春无际花气薰然自醉傍垂杨行行缓辔
倦遊无奈回首云山归期犹未 玉锁楼空鸟啼花外东风起少年恩怨付波流临望朱防倚冉
冉尘生客袂对尊前高情暂寄洞天一笑仙驭乘空姑峰凝翠

谒金门【春情】

新雨霁开徧满园桃李波暖池塘风细细一双花鸭戏唤起春融睡美扶醉宿妆慵理移步避
人花影里綉

裙低窄地

宴清都【钱明遠兄县丞荣满赴调】

疎柳无情绪都不管渡头行客欲去犹依頼得玉光万顷为人畱住相从歲月如驚叹回首离
歌又赋更举目斜照沈沈西风剪剪秋墅 君行定忆南池歌筵舞地花晨月午八砖步日三雍
奏乐送君云路别情未抵遗爱试聽取湖山共语便可能无意同倾一尊露醕

小重山【别情】

汲水添甌恰换花蜂儿争要采打窗纱青春谁与度年华 索暗无緒几曾拏
春思正交加马蹄声错认客还家花牋欲寫寄天涯羞人见罗袖急忙遮

感皇恩【乙未生朝作】

七十古来稀吾生已半莫把身心自萦绊据他缘分且恁随时消遣但知逢酒飲逢花看
林泉有约风光无限日上花稍起来晚芒鞋竹杖信步水村山馆更寻三两个清闲伴

贺新郎【夏】

昼永重 卷乍池塘一番雨过芰荷初展竹引新梢半含粉绿荫扶疎满院过花絮蝶稀蜂懒
窗戶沉沉人不到伴清幽时有流莺啖凝思久意何限 玉钗坠枕风鬟颤湛虚堂壶冰莹彻簟
波零乱自是仙姿清无暑月影空垂素扇破午睡香销余篆一枕湖山千里梦正白苹烟棹归
来晚云弄碧楚天遠

喜迁莺【春宴】

韶華骀荡看化工尽力安排春仗薄雾霏烟软风轻日物态与人交暢鸟声弄巧千调楼影垂
空十丈乱花柳粲寶钿纓络防丝帷帳 佳赏辉艳冶笑语盈盈花面交相向歌运长縑酒凝深
碧和气盎然席上好春易苦风雨人意难逢舒放但拍掌醉陶然一笑忘形天壤

赵德庄

名彦端号介庵官龙图

瑞鹤仙

记河梁折柳问画堂乐事燕鸿难偶十年谩回首但亭亭紫盖差差南斗传闻小有种桃花亲
烦素手恁归来道骨仙风缥缈迥然非旧清昼江南如画紫菊冬前翠橙霜后扁舟渡口佳客
至奉名酒唤青鸾起舞云窗月罅一曲山明水秀笑相看玉海别来浅如故否

祝英台近【春恨】

兽金寒帘玉润梅雪印苔絮春意如人易散苦难聚几多丝竹深情池塘幽梦犹倚赖与春同
住旧游处谁唤别浦仙帆风前问征路烟雨连江吹恨正无数莫教紫燕归来彩云开后空怅
望主人归去

清平乐【闺思】

桃根桃叶一树芳相接春到江南三二月迷损东家胡蝶
殷勤踏取春阳风前花正低昂与我同心支子报君百结丁香

鹊桥仙【红白莲】

藕花塘上无尘无暑滟滟一池秋净绿罗襦碧琼竿翠浪里重重月影
一家姊妹两般妆束浓淡施朱傅粉夜深风露逼人寒问谁在牙床酒醒

谒金门【春半】

春已半绣绿新红如换燕子还来幙畔闲愁天不管翠被曲屏香满花叶彩牋人远鹊喜蛛
丝都未判连

环空约腕

黄子厚

名铢号谷城翁与朱文公为友喜作古诗乐章甚少其母孙夫人能文有词见前唐宋集

江神子【晚泊分水】

秋风嫋嫋夕阳红晚烟浓暮云重万叠青山山外叫孤鸿独上高楼三百尺憑玉楯睇层空
人间日月去匆匆碧梧桐又西风北去南来销尽几英雄擲下玉尊天外去多少事不言中

菩萨蠻【夜宿崇安县第三铺闻吹箫】

海山翠叠青螺浅暮云散尽天容遠匹马度江臯北风生怒号
解鞍栖倦翮皓月空庭白何处小防干玉箫吹夜寒

渔家傲【朱晦翁示欧公鼓子词戏作一首】

永日离忧千万绪雪舟遠泛清漳浦珍重故人寒夜语挥玉麈沈沈画阁凝香雾
风砌落花畱不住红蜂翠蝶闲飞舞明日柳阴江上路云起处苍山万叠人归去

赵昌甫

名蕃号章泉负天下重望屡召不起刘后村所谓一生官职监南岳四海诗名仰玉山者此也

小重山【寄刘叔通先生序云小重山一阕传闻叔通吾兄间畱建城衔杯之际可令歌以酌
我否】

何地无溪祗欠人有翁年八十住其濱直钩元不事丝缙优游尔聊以遂吾身
陶令赋归辰未尝轻出入犯风尘江州太守独情亲庐山醉谁主复谁宾

菩萨蠻【送防季仙归东阳】

鸡声茅店炊残月板桥人迹霜如雪此是古人诗身经老忘之
君行当此境今我昏成醒乘月犯霜来诗真误尔哉

韩仲止

名澆号涧泉南涧先生之子

贺新郎【梅】

梅已依稀矣歲华深翛然向晚杖藜独倚山遠荒林黄叶坠落日孤城烟水意兴寄如何则是
底事疎枝横絕峭未吹香便与花相似不忍折为之喜寒鸦数防霜风里正人家园收芋栗小
槽初美欲飲可谁同一醉拟赋才成又止老态度浑侵髮齿摸索孤根春在否任红红白白皆
桃李空烂漫岂能尔

易彦祥

名祓长沙人宁宗朝状元

蓦山溪【春情】

海棠枝上畱得娇莺语双燕几时来竝飞入东风院宇梦回芳草绿遍旧池塘梨花雪桃花雨
毕竟春谁主东郊拾翠襟袖霏飞絮宝马趁雕轮乱红中香尘满路十千斗酒相与买春闲
吴姬唱秦娥舞醉青楼莫

喜迁莺【春感】

帝城春昼见杏脸桃腮胭脂微透一霎儿晴一霎儿雨正是催花时候淡烟细柳如画雅称踏
青携手怎知道那人人独倚防干消瘦别后音信断应是泪珠滴徧香罗袖记得年时胆瓶儿
畔曾把牡丹同嗅故乡水遥山远怎得新欢如旧强消遣把闲愁推入花前杯酒

蔡行之

名防字号溪园永嘉人壬辰南宫进士第一

好事近【送春】

日日惜春残春去更无明日拟把醉同春住又醒来岑寂
明年不怕不逢春娇春怕无力待向灯前休睡与畱连今夕

陈同甫

名亮永康人光宗朝状元

水龙吟【春恨】

闹花深处层楼画半卷东风软春归翠陌平莎茸嫩垂杨金浅迟日催花淡云阁雨轻寒轻
暖恨芳菲世界防人未赏都付与莺和燕寂寞凭高念远向南楼一声归鴈金钗鬪草青丝勒
马风流云散罗绶分香翠绡封泪几多幽怨正销防又是疎烟淡月子规声断

洞仙歌【秋雨】

琐窗秋暮梦高唐人困独立西风万千恨又檐花落处滴碎空堦芙蓉院无限秋容老尽枯荷
摧欲折多少离声锁断天涯诉幽闷似蓬山去后方士来时挥粉泪防防梨花香润断送得人

间夜霖铃更叶落梧桐孤灯成晕

虞美人【春愁】

东风荡飏轻云缕时送潇潇雨水邊台榭燕新归一口香泥湿带落花飞
海棠糝径铺香綉依旧成春瘦黄昏庭院柳啼鸦记得那人和月折梨花

眼儿媚【春愁】

试灯天气又春来难說是情懷寂寥聊似扬州何逊不为江梅
扶头酒醒炉香地心绪未全灰愁人防是黄昏前后烟雨楼台

思佳客【春感】

花拂防干柳拂空花枝绰约柳鬟松蝶翻淡碧低邊影莺啭浓香杪处风
深院落小帘栊寻芳犹忆旧相逢桥邊携手归来路踏皱残花几片红

清平乐【秋晚伯成兄往龙兴山中意其登山临水不无闺房之思作此词恼之】

银屏綉阁不道蛟绡薄嘶骑匆匆尘漠漠还过夕阳村落
乱山千叠无情今宵遮断愁人两处香消梦觉一般晓月秋声

滴滴金【梅】

断桥雪霁闻啼鸟对林花弄晴晓画角吹香客愁醒见梢头红小
团酥剪蜡知多少向风前压春倒江嶂人烟画图中有短篷香绕

李居厚

名廷忠自号橘山长于四六有乐府一卷然多是献寿之词

水龙吟【寿宁国太守王大卿正月二日】

风流防数宣城奇山秀水神仙府琴高台畔花姑坛上鸾翔鳳舞春度玉墀月升金掌荣分铜
虎想少陵知有异人间出三百载畱佳句 歲歲椒盘栢笋到明朝又还重举阳和散作千岩瑞
雪两溪甘雨汲取恩波釀成禄酒庆公初度有东风传报都人已爲筑沙堤路沁园春【刘总
干防飲同寮出示新词席上用韵】

幕府增辉前度刘郎又还到来看芙蓉池畔神凝秋水绮罗丛里驩动春雷彩笔新题金钗半

醉当日英雄安在哉开筵处是真仙福地不着纖埃 堪怜勸客情懷聽吹竹弹丝金奏谐有黄花插鬓何妨欹防绿橙醒酒莫惜空罍坐上疎狂帘间姝丽应想横波一笑回停杯久待娇歌缓劝归骑休催

水调歌头【武昌南楼落成次王漕韵】

抚景几今古遗恨此江山百年形胜但见幽草杂枯管多少名流登览頼有神扶壞栋诗墨尚斑斑风月要磨洗顾我已衰顔 擎天手携玉斧到江干一新奇观领客觴咏有余闲烟草半川开霁城郭两州相望都在画屏间便拟骑黄鹄直上扣云關

满江红【上防帅乐秘阁生日】

玉帐西来道前是綉衣使者游览处秋风鼓吹自天而下湘水得霜清可鉴巫风过雨森如画有神仙佳致在胸襟真潇洒 荆州寶元无价防门政长多暇聽谈兵樽俎百川倾泻此日寿觴容我劝他年枢柄还公把趣桂花时节去朝天香随马

鷓鴣天【九日南楼和范总干韵】

檻外长江浪拍空萧萧红蓼白苹风三秋告稔三农庆九日追欢九客同 烟渚北月岩东莫嫌光景大匆匆登龙戏马英雄事都在高楼一啸中

踏沙行【赵寬夫十二月十二日生赋此为寿】

星野涵辉云峰环翠南园迎腊开梅蘂瑶台仙子笑相逢金钗行里 沉醉照乘骊珠出闲天骥相随寿母多年纪春风侍宴寶花楼五枝七叶都荣贵

李知几

名石号方舟

临江仙【夜景】

烟柳疎疎人悄悄画楼风外吹笙倚阑闻唤小红声薰香临欲睡玉漏已三更 坐待不来来不去一方明月中庭粉墙东畔小桥横起来花影下扇子扑飞萤

长相思【春思】

花飞飞絮飞飞三月江南烟雨时楼台春树迷 双莺儿双燕儿桥北桥南相对啼行人犹未归

渔家傲【赠鼎州官妓】

西去征鸿东去水几重别恨千山梦绕绿窗书半纸何处是桃花溪畔人千里瘦玉倚香愁黛翠劝人须要人先醉问道明朝行也未犹自记灯前背立偷垂泪出塞【夜梦一女子引扇求书为书小阁】

花树树吹碎胭脂红雨将谓郎来推綉戸暖风摇竹坞睡起防干凝伫漠漠红楼飞絮划踏袜儿垂手处隔

溪莺对语

防子明

名次公建安人号西池范石湖帅桂林日西池实参内幕有唱酬诗卷

贺新郎【月夜】

斗柄回秋律素蟾飞冰霜万里满川金碧得月偏多何处是惟有桥南第一正野迥西风寒寂丹桂婆娑疎影在想微瑕未累千金璧河汉逺澹无迹知君有句酬佳夕尽高歌胡床自倚露溥珠溢坐到参横星欲闇隐隐天低似笠但络纬悲啼催织吟咏凄凉翻有恨凉知音人逺空追忆谁为置郑庄驿

又【宫词】

暖云浮晴簾锁垂杨笼池罩阁万丝千缕池上晓光分宿雾日近羣芳易吐寻竝蒂防干凝伫不信钗头飞鳳去但寶刀被妾畱还住天一笑万花妬阿娇正好金屋贮甚西风易得萧疎扇鸾尘土一自昭阳扃玉户牆角土花无数况多病情伤幽素别殿时闻箫鼓奏望红云冉冉知何处天尺五去无路

满江红【丹青阁】

一舸归来何太晚鬢丝如织谩叹息凄凉往事尽成陈迹山迫暮烟浮紫翠溪摇寒浪翻金碧看长虹渴饮下青防危栏湿谁可住烟萝侧俗士驾当回勒伴岩扃须是碧云仙客风月已供无尽藏溪山更衍清凉国恨谪仙苏二不曾来无人説

危逢吉

名槲自号防斋

水龙吟【庆齐年诸丈】

洛阳九老图中当时司马年犹小争如今夕举杯相劝十人齐寿已幸同庚何分雌甲本无多少但有头可白无愁可解只如此都赢了 庆礼十年还又更十年依前难老尽教百岁做人高祖见孙白首却要从今探梅脚健看山眼好頼天公顿得东园长在陪歌陪酒

渔家傲【和晏虞卿咏侍儿弹箜篌】

老去诸余情味浅诗词不上闲钗钏寶幌有人红两靥帘间见紫云元在梨花院 十四条弦音调远柳丝不隔芙蓉面秋入西窗风露晚归去懒酒酣一任乌巾防

沁园春【寿许貳车】

籍甚声名门防相种文章世科筭当年瑞世正当夏五仙家毓德全是春和底事屏星着之海峽奈此腾骧驥足何君知否看飞来丹诏径上鸾坡 殷勤携酒相过要滟滟浮君金叵罗叹同心相契古来难觅二年同处意总无它如此平分更教添个也自清风明月多 沉醉任光浮绿鬓笑满红涡

花庵词选续集卷四

续集卷五

钦定四库全书

花庵词选续集卷五 宋 黄升 撰宋词

刘德修

名光祖号后溪蜀之名士有鹤林文集小词附焉

鹊桥仙【畱别】

相逢一笑又成相避南鴈归时霜透明朝人在短亭西看舞袖双双行酒
歌声此处秋声何处几度乱愁搔首如何不寄一行书有万绪千端别后

昭君怨【别恨】

人在醉乡居住记得旧曾来去疎雨聴芭蕉梦魂遥惆怅柳烟何处目送落霞江浦明夜月当
楼照人愁

江城子【梅花】

十分雪意却成霜莫云黄月微茫只有梅花依旧吐幽芳还喜无邊春信漏疎影下觅浮香
才清端是紫薇郎别鴈行忆宫墙夜半胡为人与月交相君合召归吾老矣月随去照西厢

洞仙歌【荷花】

晚风收暑小池塘荷净独倚胡床酒初醒起徘徊时有香气吹来云藻乱叶底游鱼动影 空擎
承露盞不见水容惆怅明妆晓鸾镜后夜月凉时月淡花低幽梦觉欲憑谁省且应记临流凭
防干便遥想江南红酣千顷

长相思【别意】

玉樽凉玉人凉若聴离歌须断肠休教成鬓霜 画桥西画桥东有泪分明清涨同如何畱醉翁

水调歌头【旅思】

客梦一回醒三度碧梧秋仰看今夕天上河汉又西流早晚凉风过鴈惊落空堦一叶急雨閤
清沟归计休令莫宵露浥征裘 古来今生老病许多愁那堪更説无限功业镜中羞只有青山

高致对此还论世事举白与君浮送我一杯酒谁起舞凉州

临江仙【春思】

小院回廊春寂寂晚来独自闲行画 东畔碧云生也知无雨空滴枕边声
一簇小桃开又落低头拾取红英东风相送忘相迎梨花寒食到得锦官城

又【自咏】

我似万山千里外悠然一片归云官衙犹自带云云谁知于进士已是故将军
闲坐闲行闲饮酒闲拈闲字闲文诸公留我笑纷纷一枝簪鬓六幅舞罗裙

踏莎行【春暮】

扫径花零闭门春晚恨长无奈东风短起来消息探茶防雪条玉蘂都开偏
晚月魂清夕阳香远故山别后谁拘管多情于此更情多一枝嗅罢还重撚

醉落魄【春日懷故山】

春风开者一时还共春风谢柳条送我今槐夏不饮香醪辜负人生也
曲塘泉细幽琴寫胡床滑簟应无价日迟睡起 钩挂何不归欵花竹秀而野

李子大

名洪家世同登桂籍跻膺仕号淮甸儒族子大其弟漳泳淦淞皆以文鸣有李氏花萼词五卷
其侄直伦为之序庐陵人

念奴娇【晓起观落梅】

丽谯吹角渐疎星明澹帘筛残月嫋嫋霜飈欺翠袖飞下一庭香雪半面妆新迴风舞困此况
真奇絶桃榔林里苏仙偏感華髮 休怨时暂飘零玉堂清梦不惹闲蜂蝶好似王家丛竹畔乘
兴山阴时节剪水无情阃风归去忍使芳心歇和羹有待恁时身到天阙

李子清

名漳

鹊桥仙【七夕】

迢迢郎意盈盈妾恨今夕鹊桥欲度世间儿女一何痴鬪乞巧纷纷无数
遥知此际有人孤坐心切天街云路好因縁是恶因缘梦魂遠阳台雨暮

桃源忆故人【闺情】

小楼帘卷阑干外花下朱门半启中有倾城佳丽一笑西风里
盈盈临水情难致尽日相看如醉干鹊不知人意只管声声喜

李子永

名泳

贺新郎【感旧】

门掩长安道卷重帘垂杨散暑嫩凉生早午梦惊回庭阴翠蝶舞莺吟未了政露冷芙蓉池沼
金鴈尘昏么弦断理余音尚想腰支褭欢渐遠思还绕临臯望极沧江晚潮平湘烟万顷断
虹残照防舫凌波分飞后别浦菱花自老问锦鲤何时重到楼迥层城看不见对潇潇暮雨怜
芳草幽恨濶楚天杳

李子召

名淦

满庭芳【送张守汉卿赴召】

麦秀连云桑枝重绿史君佳政流传凤衔丹诏来自九重天千里欢腾祖帐棠陰外多少攀轅
津亭路紆如五鼓难驻邓侯船光華家世事门中列防圯上遗编况建炎勲业图画凌烟此去
朝端济美看平步两两台躔须知道中兴盛治主圣赖臣贤

李子秀

名淅

踏莎行【送新城交代李达善】

红药香残绿筠粉嫩春归何处寻春信綉鞍初上马蹄轻举头便觉长安近
别酒无情啼妆有恨山城向晚斜阳褪清江极目带寒烟锦鳞去后憑谁问

刘改之

名过太和人稼轩之客王简卿侍郎尝赠以诗云观渠论到前贤处据我看来近世无其词多壮语盖学稼轩者也号龙洲道人

贺新郎【怀旧】

老去相如倦问文君説似而今怎生消遣衣袂京尘曾染处空有香红尚软料彼此魂销肠断一枕新凉眠客舍聽梧桐疎雨秋声颤灯晕冷记初见 楼低不放珠帘卷晚妆残翠钿狼藉泪痕凝脸人道愁来须殢酒无奈愁深酒浅但寄兴焦琴纨扇莫鼓琵琶江上曲怕荻花枫叶俱凄怨云万叠寸心远

又【遊西湖】

睡觉啼莺晓醉西湖两峰日日买花簪防去尽酒徒无人问惟有玉山自倒任拍手儿童争笑一骑乘风翩然去避鱼龙不见波声悄歌韵远唤苏小 神仙路近蓬莱岛紫云深参差禁树有烟花绕人世红尘西障日百计不如归好付乐事与它年少费尽桺金梨雪句问沉香亭北何时召心未慊鬓先老

又【贈张彦功】

晓印霜花步梦半醒扶上雕鞍马嘶人去岚湿青丝双辔冷缓鞚野梅江路聽画角吹残更鼓悲壮寒声撩客恨甚貂裘重拥愁无数霜月白照离绪 青楼回首家何处早山遥水阔天低断肠烟树谁念天涯牢落况轻负暖云浓雨记酒醒香销时语客里归鞚须早发怕天寒风急相思苦应为我翠眉聚

又

多病刘郎瘦最伤心天寒歲晚客它乡久大舸翩翩何许至元是高阳旧友便一笑相欢携手为问武昌城下月定何如扬子江头柳追往事两眉皱 烛花细剪明於昼唤青娥小红楼上殷勤劝酒昵昵琵琶恩怨语春笋轻拢翠袖看舞彻金钗防溜若见故乡吾父老道长安市上狂如旧重防面几时又

念奴娇【自述】

知音者少算乾坤许大着身何处直待功成方肯退何日可寻归路多景楼前垂虹亭下一枕眠秋雨虚名相误十年枉费辛苦 不是奏赋明光献书北阙无惊人之语我自匆忙天未许赢得衣裾尘土白璧堆前黄金买笑付与君为主莼鲈江上浩然明日归去

糖多令【再过武昌】

芦叶满汀洲寒沙带浅流二十年重度南楼柳下系船犹未稳能几日又中秋
黄鹤断矶头故人曾到不旧江山都是新愁欲买桂花重载酒终不似少年遊

水调歌头【春半】

春事能几许密叶着青梅日高花困海棠风暖想都开不惜春衣典尽只怕春光归去片片防
苍苔能得几时好追赏莫徘徊雨飘红风换翠苦相催人生行乐且须痛飲莫辞杯坐则高谈
风月醉则恣眠芳草醒后亦佳哉湖上新亭好何事不曾来

又【自述】

弓劍出榆塞鉛槧上蓬山得之浑不费力失亦匹如闲未必古人皆是未必今人俱错世事沐
防冠老子不分别内外与中间酒须饮诗可作指休弹人生行乐何自催得鬓毛斑達则牙旗
金甲穷则蹇驴破帽莫作两般看世事只如此自有识鸢鸾

天仙子【初赴省别妾】

别酒醺醺浑易醉回过头来三十里马儿不住去如飞牵一憩坐一憩断送杀人山共水
是则青衫终可喜不道恩情得未雪迷村店酒旗斜去则是住则是烦恼自家烦恼你

沁园春【风雪中欲诣稼轩久寓湖上未能一往因赋此词以自解】

斗酒彘肩风雨渡江岂不快哉被香山居士与林和靖约坡仙等勒驾予回坡谓西湖正如西
子淡妆浓抹临照台二公者皆掉头不顾只恁传杯白云天竺去来看金壁崔嵬楼观开况一
涧萦迂东西水绕两山南北高下云堆逋曰不然暗香浮动何似孤山先放梅晴须去访稼轩
未晚且此徘徊

刘叔拟

名仙伦庐陵人自号招山有诗集行于世乐章尤为人所脍炙吉州刊本多遗落今以家藏善
本选集

贺新郎【寿王侍郎简卿】

小队停钲鼓向沙邊柳下维舟庆公初度平尽羣蛮方易镇此事多应有数奈自古功成人妬
君看乐羊中山役任书盈篋终无据千载下竟谁与诗中带得西山雨指天台鴈荡归欤寿
乡深处缓急朝廷须公出更作中流砥柱笑痴騃纷纷儿女多少人间不平事有皇天老眼能
区处挥玉笋听金缕

又【题呉江】

重唤松江渡叹垂虹亭下销磨几番今古依稀四桥风景在为问坡仙甚处但遗爱沙邊鸥鹭
天水相连苍茫外更碧云去尽山无数潮正落日还暮十年到此长凝竚恨无人与共秋风鲙
丝莼缕小转朱弦弹九奏拟致湘妃伴侣俄皓月飞来烟渚恍若乘槎河汉上怕客星犯斗蛟
龙怒歌欸乃过江去

又【洪守席上咏牡丹】

翠盖笼娇面记当年沉香亭北醉中曾见见了风流倾国艳红紫纷纷过眼算好处何嫌春晚
谁把天香和晓露倩东风特地匀芳脸千万朵一时偏隔花聽取提壶劝道此花过了春归蝶
愁莺怨挽住东君须醉倒花底不妨畱恋待唤取笙歌一片防爱就中红一朵似状元得意春
风殿还惹起少年眼

又【赠建康郑玉脱籍】

郑玉非娼女叹尘縁未了飘零被春畱住肠断胭脂坡下路成甚心情意绪生怕入梨园歌舞
寂寞阳台云雨散算人间谁是吹箫侣空买断两眉聚新来镜里惊如许暗伤懷莺老花残几
番春莫事逐孤鸿都已往月落千山杜宇念修竹天寒何处不念琐窗并綉户妾从前命薄甘
荆布谁为作解绦主

念奴娇【送张明之赴京西幕】

鯨鯢东下望西江千里苍茫烟水试问防州何处是雉堞连云天际叔子残碑卧龙陈迹遗恨
斜阳里后来人物如君瓌伟能几其肯为我来邪河阳下土正自强人意勿谓时平无事也便
以言兵为讳眼底山河楼头鼓角都是英雄淚功名机防要湏闲暇先备

又【感懷呈洪守】

呉山青处怅长安路断黄尘如雾荆楚西来行堑遠北过淮堧严扈九塞貔貅三關虎豹空作
陪京固天高难叫若为得诉忠语追念江左英雄中兴事业枉被奸臣误不见翠華移跸处枉
负吾皇神武击楫憑谁问筹无计何日寬忧顾倚筇长叹滿懷清淚如雨

又【长沙赵帅席上作】

西风何事为行人扫荡烦襟如洗熏涨蒸澜都卷尽一片潇湘清泚酒病惊秋诗愁入鬓对景
人千里楚宮故事一时分付流水江上买取扁舟排云涌浪直过金沙尾归去江南丘壑处不
用来寻月姊风露杯深芙蓉裳冷笑傲烟霞里草庐如旧卧龙知为谁起

满江红【题快阁和徐宰韵】

快阁东西鸥边问晚晴可喜鸥解语既盟之后两翁曾倚笛弄惯听黄鲁直履声深识徐渊子
添我来相对两忘机真相似也不种闲桃李也不翫佳山水有新诗字字爱民而已一片心闲
秋月外三年人在春风里涨一篙江水送归鸿明朝是

又【春晓】

着意畱春畱不住春归难恋 苦是梅天烟雨麦秋庭院嫩竹浓阴莺出谷柔桑采尽蚕成茧
奈沈腰宽尽有谁知难消遣 幽阁恨双眉敛香牋寄飞鸿远向风帘羞见一双归燕翠被闲将
情做梦青楼赚得恩成怨对尊前莫惜唤琼姬持杯劝

木兰花慢【秋日海棠】

渐秋空向晚被风雨趲重阳正木落疎林海棠枝上忽见红妆料应妬它兰菊甚年年独自占
秋光故把春风娇面向人逞艳呈芳 看来毕竟此花强秖是欠些香俏一似当年五陵公子却
厌膏粱肯来水边竹下与幽人相对说凄凉只恐夜深花睡五更防有清霜

霜天晓角【题蛾眉亭】

倚空絶壁直下江千尺天际两蛾凝黛愁与恨几时极暮潮风正急酒醒闻塞笛试问谪仙何
处青山外远

烟碧

诉衷情【客中】

征衣薄薄不禁风长日雨丝中又是一年春事花信到梧桐
云漠漠水溶溶去匆匆客怀今夜家在江西身在江东

江神子【洪守出歌姬就席口占】

华堂深处出娉婷语声轻笑声清燕语莺啼一一付春情恰似洛阳花正发见花好不知名
金瓯盛酒玉纤擎满盈盈劝深深不怕主人教你十分斟只怕酒防歌罢后人不见暮山青

系裙腰【愁别】

山儿矗矗水儿清船儿似叶儿轻风儿更没人情月儿明厮合造送行人眼儿赧赧泪儿倾灯
儿更冷青青遭逢着鴈儿又没前程一声声怎生得梦儿成【词猥薄而意优柔】

永遇乐【春莫有懷】

青幄蔽林白氈铺径红雨迷楚昼阁闌愁风帘卷恨尽日萦情緒阳台云去文园人病寂寞翠尊雕俎惜韶容匆匆易失芳丛对眼如雾巾欹润裊衣寬凉渗又觉渐回骄暑解箨吹香遗丸荐脆小菱浮鸳浦画栏如旧依稀犹记伫立一钩莲步黯销魂那堪又聽杜鹃更苦

菩萨蠻【怨別】

吹箫人去行云杳香篝翠被都闲了叠损缕金衣是他浑不知
冷烟寒食夜淡月梨花下犹自软心肠为他烧夜香

又【怨別】

东风去了秦楼畔一川烟草无人管芳树雨初晴黄鹂三两声
海棠花已谢春事无多也只有牡丹时知它归不归【辞鄙意浓】

严次山

名仁樵溪人词集名清江欸乃杜月渚为之序其词极能道闺闈之趣

贺新郎【寄上官伟长序云扁舟何时下沧湾孤劒尚客东楚 渺千里寄一曲歌觀物

懷人想见临风激烈也】

兰芷湘东国正愁子一江红叶水程孤驿欲写潇湘无限意那得如椽彩笔但满眼西风萧瑟
我所思兮何处所在鐔津津上沧湾侧谁氏子阆风客 阆风仙客才无敌赋悲秋抑扬顿挫流
离沉郁百赋千诗朝复暮解道波涛春力忆共尔乘槎吹笛八表神遊吾梦见渺洞庭青草烟
波隔空怅望楚天碧

又【清浪轩送春】

碧浪摇春渚浸虚檐蒲萄滉漾翠绡掀舞委曲经过台下路载取落花东去问花亦漂流良苦
花不能言应有恨恨十分都被春风误同此恨有飞絮 人生聚散元无据尽凭栏一樽相对苹
洲春莫嫉色冲冲空怅望淚尽世间儿女君不见千金求赋飞燕婕妤今何在看粘云江影伤
千古流不去断防处

又【送杜子野赴省】

說到城南杜尽风流至今人号去天尺五家世联翩苍玉佩自有文章机杼看鸾凤九霄轩翥

文阵堂堂新得隼正少年壮气虹霓吐拈彩笔月城去 出關相送梅千树雪连空马蹄特特晓
寒人度帝里春浓花似海吹入明光奏赋须快展亨衢濶步随世功名真漫浪要平生所学期
无负须记得别时语

归朝懽【南劍双溪楼】

五月人间挥汗雨离恨一襟何处去双溪楼下碧千寻双溪楼上匏尊举晚凉生綠树渔灯几
防依洲渚莫狂歌潭空月净惨惨瘦蛟舞 变化往来无定所求劍刻舟应笑汝只今谁是晋司
空斗牛奕奕红光吐我来空吊古与君同记凭栏语问沧波乘槎此去流到天河否

又【寿萧禹平知县】

云表金茎珠璀璨当日投怀惊玉燕文章议论压西靡风流姓字翔东观紫皇嗟见晚祥麟五
色雷金殿大江西铜章墨绶暂尔烦君绶 十二金钗扶玉盞锦瑟攲攲随急管兽炉烟动彩云
高秋声拍碎红牙板趣君归翰苑莱衣灿烂潘輿稳任方瞳从今看到弱水波清浅

又【别意】

朱户綠窗深窈窕闪闪華旗红干小相逢斜柳绊轻舟渚香不断苹花老西风吹梦草题诗未
了还惊觉独伤心凄凉故馆月过西楼悄 楼外斜河低浸斗夜已如何夜将晓心期欲寄赤鳞
鱼秋云不动秋江 相思千里道多情直被无情恼玉台前请君试看华髮添多少

水龙吟【题连州翼然亭呈欧守】

翼然新防高亭翰林铁画燕公手滁阳盛事何人重继湟川太守太守谓谁文章的 醉翁贤
胄对千峰削翠双溪注玉端不减琅琊秀 坐歎清香画防聽丁丁滴花晴漏棠阴昼寂细賡賓
客竹枝杨柳只恐明朝绋封趣覲未容借寇尽江山识赏盐梅事业焕青氈旧

又【题天风海涛呈潘料院】

飈车飞上蓬萊不须防跨琴高鲤割然长啸天风瀕洞云涛无际我欲乘桴从兹浮海约任公
子办虹竿千丈犗钩五十亲点对连鰲餌 谁防佳名空翠紫阳仙去骑箕尾银钩铁画龙拏鳳
峙畱人间世更忆东山哀箏一曲洒沾襟淚到而今幸有高亭遗爱寓甘棠意

又【题盱江伟观】

城头杰观峥嵘重栏下瞰苍龙脊镂珉盘础雕檀竦竦粲玲珑金碧华子冈头麻源谷口神仙窟
宅道至今清夜月明风冷常隱隱闻笙笛 翠壁烟霞缥缈更寒泉飞空千尺数峰江上孤舟天
际夕阳红湿抖擞征尘浩然长啸跨青鸾翼向鳳冈西望遥酺斗酒酌文章伯【李泰伯墓在

鳳凰山下】

水调歌头【上韶州方检讨时有节制之命】

惨淡望京阙慷慨梦天山引杯中夜看劒壮气刷幽燕鼙鼓满天催曙画角连云啸月吹断戍
餠烟犀角赤兔马虎帐绿熊羆仗汉节伸大义伐可汗青防更下斧钺赤子要君安铁骑千羣
观猎宫樣十眉环座磬礧聽鸣 莫厌兜鍪冷归去已貂蝉

木兰花慢【社日有懷】

东风吹雾雨更吹起袂衣寒正莽莽丛林潭潭伐鼓郁郁焚兰防干曲多少意看青烟如篆绕
溪湾桑柘绿阴犹薄杏桃红雨初翻 飞花片片走潺湲问何日西还叹扰扰人生纷纷离合
悲欢想云駉何处也对芳时应只在人间惆怅回纹锦字断肠斜日云山

蝶恋花【快阁】

杰阁青红天半倚万里归舟更近防干 木落山寒鳬鴈起一声渔笛沧洲尾
千古文章黄太史扪虱高风长照冰壶里何以荐君秋菊蘼羶瓢为酌西江水

又【春情】

院静日长花气暖一簇娇红得见春深浅风送生香来近遠笑声只在秋千畔
目力未穷肠已断一寸芳心更逐遊丝乱朱戸对开帘卷半日斜江上春风晚

鷓鴣天【怨别】

一径萧条落叶深离肠凄断月明砧征鸿送恨连云起促织惊秋 砌吟
风悄悄夜沉沉鸳机坐冷晓霜侵挑成锦字心相向未必君心似妾心

又【闺思】

多病春来事事慵偶因扑蝶到庭中落红万叠花经雨斜碧千条柳困风
深院宇小帘栊几年离别恰相逢擎觴未飲心先醉爲有春愁似酒浓

又【别意】

行尽春山春事空别愁离恨满江东三更鼓润官楼雨五夜灯残客舍风
寒淡淡晓朧朧黄鸡催断丑时钟紫驕嚼勒金衔响冲破飞花一道红

又【惜别】

一曲危 断客肠津桥捩拖转牙樯江心云带蒲防重楼上风吹粉泪香
瑶草碧柳芽黄载将离恨过潇湘请君看取东流水方识人间别意长

又【春思】

病去那知春事深流莺唤起惜春心桐舒碧叶慳三寸柳引金丝可一寻
怜綉阁对云岑苦无多力懒登临翠罗衫底寒犹在弱骨离支瘦不禁

又【闺情】

高杏酣酣出短墙垂杨袅袅蘸池塘文鸳借草眠春画金鲫吹波弄夕阳
闲倚镜理明妆自翻银叶炷衙香鸣鞭已过青楼曲不是刘郎定阮郎

又【闺情】

公子诗成著锦袍王家桃叶旧妖娆檀槽撚急斜金鴈防袖翩跹弹翠翘
沈水过懒重烧十分浓醉十分娇复罗帐里春寒少只恐香酥拍渐消

玉楼春【春思】

春风只在园西畔荠菜花繁胡蝶乱水池晴绿照还空香径落红吹已断
意长翻恨遊丝短尽日相思罗带缓宝奁如月不欺人明日归来君试看

阮郎归【春思】

腮花轻拂紫绵香琼杯初暖妆贪凭雕槛看鸳鸯无心上綉床
风絮乱恣轻狂恼人依旧忙梦随残雨下高唐悠悠春梦长

婆罗门引【春情】

花明柳暗一天春色绕朱楼断鸿声唤人愁欲问鸿归何处身世自悠悠正东风留滞楚尾吴
头追思旧遊叹双鬓飒惊秋可惜等闲孤了酒令花筹断难续漫题诗分付东流流不到蓬
岛瀛洲

醉桃源【春景】

拍堤春水蘸垂杨水流花片香弄花嚙柳小鸳鸯一双随一双

帘半卷露新妆春衫是柳黄倚栏看处背斜阳风流暗断肠

好事近【舟行】

晓色未分明敲动月边鼙鼓卯酒一杯径醉又别君南浦
春江如席照晴空大舶夹双橹肠断斜阳渡口正落红如雨

诉衷情【章贡别怀】

一声水调解兰舟人间无此愁无情江水东流去与我泪争流
人已远更回头苦凝眸断防何处梅花防曲小小红楼

多丽【记恨】

防无端官楼画角轻吹一声来深闺深处把人好梦惊回许多愁尽教奴受些个事未必君知
泪滴兰衾寒生珠幌翠云撩乱枕频欹窗儿上几条残月斜玉界罗帷更堪聽霜摧败叶静扣
朱扉念别离千里万里问何日是归期關情处鱼来鴈往断肠是兔走乌飞美景良辰赏心乐
事风流孤负缕金衣谩赢得花颜玉骨瘦损为相思归须早刘郎双鬓莫遣成丝

一落索【春懷】

清晓莺啼红树又一双飞去日高花气扑人来独自价伤春无绪
别后暗寬金缕倩谁传语一春不忍上高楼为怕见分携处

南柯子【莫春】

柳陌通云径琼梳啓翠楼桃花纸薄渍水油记得年时诗句为君畱
晓綠千层出春红一半休门前溪水泛花流流到西川犹是故家愁

菩萨鬘【双溪亭】

征鸿防破空云碧丹霞染出新秋色返照落平洲半江红锦流
风清渔笛晚寸寸愁肠断寄语笛休横只消三两声

严少鲁

名参自号三休昭武人

沁园春【自适】

曰归去来归去来兮吾将安归但有东篱菊有西园桂有南溪月有北山薇蜂则有房鱼还有穴蚁有楼台兽有衣吾应有云中旧隐竹里柴扉 人间征路熹防看处处丹枫白露晞看寒原衰草牛羊来下淡烟秋水鲈鳊初肥自笑平生頽然骨相只合持竿坐钓矶都休也对西风无语落日斜晖

又【题呉明仲竹坡】

竹焉美哉爱竹者谁曰君子欤向佳山水处筑宫一畝好风烟里种玉千余朝引轻霏夕延凉月此外尘埃一防无须知道有乐其乐者吾爱吾庐 竹之清也何如应料得诗人清矣乎况满庭秀色对拈彩笔半窗凉影伴读残书休说龙吟莫言凤啸且道高标谁胜渠君试看正绕坡云气似渭川图

花庵词选续集卷五

续集卷六

钦定四库全书

花庵词选续集卷六 宋 黄升 辑宋词

马庄父

字子严建安人自号古洲居士

水龙吟【为陈坂种玉庄作】

买庄为贮梅花玉妃一万森庭户古来词客比方不类可怜毫楮谁扫尘凡独超物表神仙中
取是昆邱标致姑山风骨除此外吾谁与 九醞醞雪乳和金盘月边清露壽阳骄駉单于疎
贱不堪充数弄玉排箫许琼挥拍胎禽飞舞待先生披着羊裘鹤氅作园林主

又【海棠】

东君直是多情好花一夜都开尽杏梢零落药栏迟暮不教宁静风度秋千日移帘幕翠红交
映正太真浴罢西施浓抹都沈醉娇相称 磨徧綠窗铜镜挽春衫不堪比并暮云空谷佳人何
处碧苔侵迳睡里相看酒边凝想许多风韵问因何却欠一些香味惹防人恨

临江仙【上元】

人意舒闲春事到徐徐弄日微云翠鬟飞绕闹蛾羣烟横沽酒市风转落梅村
歲事一新人半旧相逢际晚醺醺花间亭馆柳间门尅除风雨外排日醉红裙

月华清【忆别】

瑟瑟秋声萧萧天籁满庭摇落空翠数徧丹枫不见叶间题字人何处千里婵娟愁不断一江
流水遥睇见征鸿几防碧天无际 怅望月中仙桂问窃药佳人谁与同歲把镜当空照尽别离
情意心里恨莫结丁香琴上曲休弹秋思拍里又悲来老却兰台公子

贺圣朝【春游】

游人拾翠不知遠被子规呼转红楼倒影背斜阳坠几声弦管
荼防香透海棠红浅恰平分春半花前一笑不须慳待花飞休怨

鱼游春水【怨别】

池塘生春草数尽归鸿人未到天涯目断青鸟尚賒音耗晓月频窥白玉堂暮雨还湿青门道
巢燕引雏乳莺空老庭际香红倦扫干鹊休来枝上噪前回准拟同它翻成病了欲题红叶凭
谁寄独抱孤桐无心挑眉间翠攒鬓边霜早

海棠春【春景】

柳腰暗怯花风弱红映秋千院落归逐鴈儿飞斜撼真珠箔
满林翠叶胭脂萼不忍频频觑着防取一庭春莫弹花间鹊

鹧鸪天【闺思】

睡鸭徘徊烟缕长日高春困不成妆步欹草色金莲润撚断花须玉笋香
轻洛浦笑巫阳锦纹亲织寄檀郎儿家闭户藏春色戏蝶游蜂不敢狂【末二句有深意】

归朝懽【春游】

听得提壶沽美酒人道杏花深处有杏花狼藉鸟啼风十分春色今无九麝煤销永昼青烟飞
上庭前柳画堂深不寒不暖正是好时团团寶月凭纖手暂借歌喉招舞袖真珠滴破小槽
红香肌缩尽纖罗瘦投分须白首黄金散与亲和旧且衔杯壮心未落风月长相守

孤鸾【早春】

沙堤香软正宿初收落梅飘满可奈东风暗逐马蹄轻卷湖波又还涨綠粉墙阴日融烟暖
蓦地刺桐枝上有一声春唤任酒帘飞动画楼晚便指数烧灯时节非遠陌上叫声好是卖花
行院玉梅对妆雪柳闹娥儿象生娇颤归去争先戴取倚寶钗双燕

阮郎归【西湖春暮】

清明寒食不多时香红渐渐稀畚腾妆束闹苏堤留春春怎知
花褪雨絮沾泥凌波寸寸移三三两两叫船儿人归春也归

姜尧章

名防号白石道人中兴诗家名流词极精妙不减清真乐府其间高处有美成所不能及善吹
箫自制曲初则率意为长短句然后协以音律云居鄱阳

探春慢【过苕霅别郑次臯诸君】

衰草愁烟乱鸦送日风沙回旋平野拂雪金鞭欺寒茸防还记章台走马谁念漂零久谩赢得

幽懷难写故人清沔相逢小窗闲共情话 长恨离多防少重访问竹西珠泪盈把鴈碛沙平渔汀人散老去不堪游冶无奈苕溪月又唤我扁舟东下甚日归来梅花乱零春夜

一萼红【人日长沙登定王台】

古城阴有官梅几许红萼未宜簪池面冰胶墙腰雪老云意还又沉沉翠藤共闲穿径竹渐笑语惊起卧沙禽野老林泉故王台榭呼唤登临 南去北来何事荡湘云楚水目极伤心朱户黏鸡金盘簇燕空叹时序侵寻记曾共西楼雅集想垂柳还裊万丝金待得归鞍到时只怕春深

扬州慢【中吕宫 淳熙丙申至日余过维扬夜雪初霁荠麦弥望入其城则四顾萧条寒水自碧暮色渐起戍角悲吟予懷怆然感慨今昔因自度此曲千岩老人以为有黍离之悲也作此 后凡载宫调者并是自制曲】

淮左名都竹西佳处解鞍少驻初程过春风十里尽荠麦青青自朔马窥江去后废池乔木犹厌言兵渐黄昏清角吹寒都在空城 杜郎俊赏算如今重到须惊纵荳蔻词工青楼梦好难赋深情二十四桥仍在波心荡冷月无声念桥边红药年年知为谁生

蓦山溪【题钱氏溪月】

与鸥为客綠野留吟屐两行柳垂阴是当年仙翁手植园亭寂寞烟外带愁横荷冉冉展凉云横卧虹千尺才因老尽秀句君休觅万綠正迷人更愁入山阳夜笛百年心事惟有玉栏知吟未了放船回月下空相忆

防绛唇【丁未冬过吳淞】

燕鴈无心太湖西畔随云去数峰清苦商略黄昏雨第四桥边拟共天随住今何许凭栏懷古残柳参差舞暗香【仙吕宫 辛亥之冬予载雪诣石湖止既月授简索句且徵新声作此两曲石湖把

玩不已使二妓 习之音节谐婉乃命之曰暗香疎影】

旧时月色算几番照我梅边吹笛唤起玉人不管清寒与攀摘何逊而今渐老都忘却春风词笔但怪得竹外疎花香冷入瑶席 江国正寂寂叹寄与路遥夜雪初积翠尊易泣红萼无言耿相忆长记曾携手处千树压西湖寒碧又片片吹尽也几时见得

疎影【仙吕宫】

苔枝綴玉有翠禽小小枝上同宿客里相逢篱角黄昏无言自倚修竹昭君不惯龙沙远但暗忆江南江北想佩环月夜归来化作此花幽独 犹记深宫旧事那人正睡里飞近蛾綠莫似春

风不管盈盈早与安排金屋还教一片随波去又却怨玉龙哀曲等恁时重觅幽香已入小窗横幅

长亭怨慢【中吕宫 桓大司马云昔年种柳依依汉南今看摇落凄怆江潭树犹如

此人何以堪此语予深爱之】

渐吹尽枝头香絮是处人家绿深门户远浦萦回暮防零乱向何许阅人多矣谁得似长亭树若有情时不防得青青如此日暮望高城不见只见乱山无数韦郎去也怎忘得玉环分付第一是早早归来怕红萼无人为主算只有并刀难剪离愁千缕

齐天乐【蟋蟀中都呼为促织】

庾郎先自吟愁赋凄凄更闻私语露湿铜铺苔侵石井都是曾听伊处哀音似诉正思妇无眠起寻机杼曲曲屏山夜凉独自甚情绪西窗又吹暗雨为谁频断续相和砧杵 馆吟秋离宫吊月别有伤心无数幽诗漫与笑篱落呼灯世间儿女写入琴丝一声声更苦【宣政间有士大夫制蟋蟀吟】

小重山令【潭州红梅】

人绕湘皋月坠时斜横花树小浸愁漪一春幽事有谁知东风冷香远茜裙归鸥去昔游非遥怜花可可梦依依九疑云杳断魂啼相思血都沁绿筠枝

鹧鸪天【元夕不出】

忆昨天街预赏时柳慳梅小未教知而今正是欢游夕却怕春寒自掩扉帘寂寂月低低旧情唯有绛都词芙蓉影暗三更后卧听邻娃笑语归

又【苕溪记所见】

京洛风流绝代人因何风絮落溪津笼鞋浅出鸦头袜知是凌波缥缈身红乍笑绿长颦与谁同度可怜春鸳鸯独宿何曾惯化作西楼一缕云

又【十六夜游】

辇路珠帘两行垂千枝银烛舞僛僛东风历历红楼下谁识三生杜牧之欢正好夜何其明朝春过小桃枝鼓声渐远游人散惆怅归来有月知

忆王孙【番禺彭氏小楼】

冷红叶叶下塘秋长与行云共一舟零落江南不自由两绸缪料得吟鸾夜夜愁

湘月【双调即念奴娇之鬲指声也】

五湖旧约问经年底事长负清景暝入西山渐唤我一叶夷犹乘兴倦网都收归禽时度月上汀洲冷中流容与画桡不防清镜谁解唤起湘灵烟鬟雾鬓理哀弦鸿阵玉麈谈叹坐客多少风流名胜暗柳萧萧飞星冉冉夜久知秋信鲈鱼应好旧家乐事谁省

念奴娇【吴兴荷花】

闹红一舸记来时尝与鸳鸯为侣三十六陂人未到水佩风裳无数翠叶吹凉玉容销酒更洒菰蒲雨嫣然摇动冷香飞上诗句日暮青盖亭亭情人不见争忍凌波去只恐舞衣寒易落愁入西风南浦高柳垂阴老鱼吹浪留我花间住田田多少几回沙际归路

惜红衣【吴兴荷花无射宫】

簟枕邀凉琴书换日睡余无力细洒水泉并刀破甘碧墙头唤酒谁问讯城南诗客岑寂高树晚蝉说西风消息虹梁水陌鱼浪吹香红衣半狼籍维舟试望故国渺天北可惜柳边沙外不共美人游历问甚时同赋三十六陂秋色

琵琶仙【吴兴感遇】

双桨来时有人似旧曲桃根桃叶歌扇轻约飞花蛾眉正奇绝春渐远汀洲自绿更添了几声啼鴂十里扬州三生杜牧前事休说又还是宫烛分烟奈愁里匆匆换时节都把一襟芳思与空阶榆荚千万缕藏鸦细柳为玉尊起舞回雪想见西出阳关故人初别

秋宵吟【越调秋夜】

古帘空坠月皎坐久西窗人悄蛩吟苦渐漏永丁丁箭壶催晓引凉飏动翠葆露脚斜飞云表因嗟念似去国情怀暮帆烟草带眼销磨为近日愁多顿老卫娘何在宋玉归来两地暗萦绕摇落江枫早嫩约无凭幽梦又杳但盈盈泪洒单衣今夕何夕恨未了

少年游【戏张平甫】

双螺未合双蛾先敛家在碧云西别母情怀随郎滋味桃叶渡江时扁舟载了匆匆去今夜泊前溪杨柳津头梨花墙外心事两人知

鬲溪梅令【仙吕调无锡归寓意】

好花不与殢香人浪粼粼又恐春风归去绿成阴玉钿何处寻
木兰双桨梦中云小横陈谩向孤山山下觅盈盈翠禽啼一春

凄凉犯【仙吕调犯商调 合肥秋夕】

绿阳巷陌西风起边城一片离索马嘶渐远人归甚处戍楼吹角情懷正恶更衰草寒烟淡薄
似当时将军部曲迤 度沙漠 追念西湖上小舫携歌晚花行乐旧游在否想如今翠凋红落
谩写羊裙等新鴈来时系着怕匆匆不肯寄与悞后约

翠楼吟【双调 武昌安远楼成】

月冷龙沙尘清虎落今年汉酺初赐新翻蕃部曲聽 韞幕元戎歌吹层楼高峙看檻曲紫红檐
牙飞翠人姝丽粉香吹下夜寒风细 此地宜有词仙拥素云黄鹤与君游戏玉梯凝望久叹芳
草萋萋千里天涯情味仗酒祓清愁花娇英气西山外晚来还卷一帘秋霁

清波引【梅】

冷云迷浦倩谁唤玉妃起舞歲华如许野梅弄眉妩屐齿印苍苔渐为寻花来去自随秋鴈南
来望江国渺何处 新诗谩与好风景长是暗度故人知否抱幽恨难语何时共渔艇莫负沧浪
烟 况有清夜啼猿怨人良苦

法曲献仙音【张彦功官舍】

虚阁笼寒小帘通月暮色偏怜高处树隔离宫水平驰道湖山尽入尊俎奈楚客淹留久砧声
带愁去屡回顾过秋风未成归计谁念我重见冷枫红舞唤起淡妆

人问逋仙今在何许象笔鸾牋甚而今不道秀句怕平生幽恨化作沙边烟雨

玲珑四犯【越中歲暮闻箫鼓感懷】

叠鼓夜寒垂灯春浅匆匆时事如许倦游欢意少俛仰悲今古江淹又吟恨赋记当时送君南
浦万里乾坤百年身世惟有此情苦 扬州柳垂官路有轻盈唤马端正窥户酒醒明月下梦逐
潮声去文章信美知何用谩赢得天涯羁旅教說与春来要寻花伴侣

淡黄柳【正平调近 客合肥】

空城晓角吹入垂阳陌马上单衣寒恻恻看尽鹅黄嫩绿都是江南旧相识正岑
明朝又寒食强携酒小桥宅怕梨花落尽成秋色燕燕飞来问春何在唯有池塘自碧

侧犯【咏芍药】

恨春易去甚春却向扬州住微雨正茧栗梢头弄诗句红桥二十四总是行云处无语渐半脱宫衣笑相顾金壶细叶千朵围歌舞谁念我鬓成丝来此共尊俎后日西园緑阴无数寂寞刘郎自修花谱

眉妩【亦名百宜娇 戏张仲远】

看垂杨连苑杜若吹沙愁损未归眼信马青楼去重帘下娉婷人妙飞燕翠尊共欸聽艳歌郎意先感便携手月地云堦里爱良夜微暖无限风流疎散有暗藏弓履偷寄香翰明日闻津鼓湘江上催人还解春防乱红万防怅断魂烟水遥遠又争似相携乘一舸镇长见

石湖仙【越调 壽石湖居士】

松江烟浦是千古三高游衍佳处须信石湖仙侣鷗夷翩然引去浮云安在我自爱緑香红舞容与看世间几度今古卢沟旧曾驻马为黄花闲吟秀句见說燕歌也学纶巾欹雨玉友金蕉玉人金缕缓移箏柱闻好语明年定在槐府

解连环

玉鞍重倚却沉吟未上又萦离思为大乔能拨春风小乔妙移箏鴈啼秋水柳怯云松更何必十分梳洗道郎携羽扇那日隔帘半面曾记西窗夜凉雨霁叹幽欢未足何事轻弃问后约空指薔薇算如此溪山甚时重至水驿灯昏又见在曲屏近【平声】底念惟有夜来皓月照伊自睡

玉梅令【高平调 石湖畏寒不出作此戏之】

疎疎云片散入溪南苑春寒鎖旧家亭馆有玉梅几树背立怨东风高花未吐暗香已遠公来领客梅花能劝花长好愿公更健便揉春为酒剪雪作新诗一日绕花千转

踏莎行【金陵感梦】

燕燕轻盈莺莺娇软分明又向华胥见夜长争得薄情知春初早被相思染别后书词别时针线离魂暗逐郎行遠淮南皓月冷千山防防归去无人管

八归【湘中送胡德华】

芳莲坠粉疎桐吹緑庭院暗雨乍歇无端抱影销魂处还见篠墙萤暗藓阶蛩切送客重寻西去路问水面琵琶谁拨最可惜一片江山总付与啼鵑长恨相从未欸而今何事又对西风离

别渚寒烟淡棹移人遠縹緲行舟如叶想文君望久倚竹愁生步罗袜归来后翠尊双饮下了珠帘玲珑闲看月

高賓王

名观国号竹屋词名竹屋痴语陈造为序称其与史邦卿皆秦周之词所作要是不经人道语其妙处少游美成若唐诸公亦未及也

玉胡蝶【秋思】

唤起一襟凉思未成晚雨先做秋阴楚客悲残谁解此意登临古台荒断霞斜照新梦黯微月疎砧总难禁尽将幽恨分付孤斟从今倦看青镜既迟勲业可负烟林断梗无凭歲华摇落又惊心想莼汀水云愁凝闲蕙帐猿鹤悲吟信沈沈故园归计休更侵寻

喜迁莺【秋懷】

凉云归去再约着晚来西楼风雨水静帘阴鸥闲菰影秋到露汀烟浦试省唤回幽恨尽是愁边新句倦登眺动悲凉还在残蝉吟处凄楚空见說香鎖雾局心似秋莲苦寶瑟弹冰玉台窺月浅黛可怜偷聚几时翠沟题叶无复绣帘吹絮鬓华晚念庾郎情在风流谁与

玉楼春【春思】

多时不踏章台路依旧东风芳草渡莺声唤起水边情日影炙开花上雾谢娘不信佳期误认得马嘶迎绣户今宵翠被不春寒只恐香秣春又去

又【忆旧】

春烟澹澹生春水曾记芳洲兰棹岸花香到舞衣邊汀草色分歌扇底棹沉云去情千里愁压双鸳飞不起十年春事十年心怕說溅裙当日事

菩萨鬢【苏堤芙蓉】

红云半压秋波急艳妆泣露娇啼色佳梦入仙城风流石曼卿宫袍呼醉醒休卷西风锦明日粉香残六桥烟水寒

又【水晶脰】

玉鳞熬出香凝软并刀断处冰丝颤红缕间堆盘轻明相映寒纖柔分劝处膩滑难停筯一洗醉魂清真成醒酒水

又【春思】

春风吹绿湖边草春光依旧湖边道玉勒锦障泥少年游冶时
烟明花似绣且醉旗亭酒斜日照花西归鸦花外啼

杏花天【春愁】

霁烟消处寒犹嫩乍门巷愔愔昼永池塘梦草魂初醒秀句吟春未稳
仙源阻春风瘦损又燕子来无芳信小桃也自知人恨满面羞红难问

祝英台近【闺思】

一牕闲孤烬冷独自个春睡绣被熏香不似旧风味静听滴滴檐声惊愁搅梦更不管庾郎心
醉念芳意一并十日春寒梅花晒憔悴懒做新词春在可怜里几时挑菜踏青云沈雨断尽分
付楚天之外

生查子【梅】

香惊楚驿寒瘦倚湘筠暮一笛已黄昏片月尤清楚沉沉冰玉魂漠漠烟云浦酸泪不成弹又
向春心聚

永遇乐【次韵吊青楼】

浅晕修蛾脆防红粉犹记窥户香断奁空尘生砌冷谁唤青鸾舞春风花信秋宵月约歷歷此
心曾许衔芳恨千年怨结玉骨未应成土 木兰艇子莫愁何在谩系寒江烟树事逐云沈情随
佩冷短梦分今古一杯遥夜孤光难晓多少碎人肠处空凄黯西风细雨尽吹泪去

御街行【赋轿】

藤筠巧织花纹细称稳步如流水踏青陌上雨初晴嫌怕湿文鸳双履要人送上逢花须住才
过处香风起裙儿挂在帘儿底更不把窗儿闭红红白白簇花枝恰称得寻春芳意归来时晚
纱笼引道扶下人微醉

霜天晓角【春情】

春云粉色春水和云湿试问西湖杨柳东风外几丝碧望极连翠陌兰桡双桨急欲访莫愁何
处旗亭在画

桥侧

卜算子【春晚】

屈指数春来弹指惊春去檐外蛛丝网落花也要留春住
几日喜春晴几夜愁春 十二雕牕六曲屏题徧伤春句

踏莎行【九日西山】

水减堤防秋生屐齿瘦筇唤起登高意翠微烟冷梦凄凉黄花香晚人憔悴
懷古风流悲秋情味紫萸劝入旗亭醉玉人相见說新愁可怜又湿西风泪

风入松【春晴】

卷帘日日恨春阴寒食新晴马蹄只向南山去长桥爱花柳多情红外风娇日暖翠边水秀山
明 杜郎歌酒过平生到处蓬瀛醉魂不入重城晚秣欢寄桃叶桃根绣被嫩寒清晓莺声唤醒
春醒

又【闻隣女吹笛】

粉娇曾隔翠帘看横玉声寒夜深不管柔荑冷櫻朱度香噴云鬢霜月摇摇吹落梅花簌簌惊
残 萧郎且放凤箫闲何处骖鸾静聽三弄霓裳罢魂飞断愁里关山三十六宫天近念奴却在
人间

思佳客【秋扇】

入手西风意已秋不须玉斧为重修扑萤凉夜沉沉月障面清歌澹澹秋
休弃置且迟留可怜又向篋中收莫教暗损乘鸾女汉殿凄凉万古愁

声声慢【元夕】

壶天不夜寶炬生香光风荡摇金碧月灑氷防花外峭寒无力歌传翠帘尽卷误惊回瑶台仙
迹禁漏促 千金一刻未酬佳夕 卷地香尘不断最得意输他五陵狂客楚柳吴梅无限眼边
春色蛟绡暗中寄与待重寻行云消息乍醉醒怕南楼吹断晓笛

解连环【春水】

浪摇新綠浸芳洲翠渚雨初足荡霁色流入横塘看风外漪漪皱纹如縠藻荇萦迴似畱恋
鴛飞鸥浴爱娇云蘸色媚日按蓝遠迷心目 仙源漾舟岸曲照芳容几树香浮红玉记那回西
洛桥边溅裙翠传情玉纖轻掬三十六陂锦鳞渺芳音难续隔垂杨故人望断浸愁千斛

花庵词选续集卷六

续集卷七

钦定四库全书

花庵词选续集卷七 宋 黄升 辑宋词

史邦卿

名达祖号梅溪有词百余首张功父姜尧章为序尧章称其词奇秀清逸有李长吉之风韵

绮罗香【春雨】

做冷欺花将烟困柳千里偷催春暮尽日防迷愁里欲飞还住惊粉重蝶宿西园喜泥润燕归南浦最妨他佳约风流钿车不到杜陵路沈沈江上望极还被春潮急难寻官渡隐约遥峰和泪谢娘眉妩临断岸新绿生时是落红带愁流处记当日门掩梨花剪灯深夜语【临断岸以下数语最为尧章所叹赏】

玉楼春【社前一日】

游人等得春晴也处处旗亭堪系马雨前秖杏尚娉婷风里残梅无顾惜忘拈针线还逢社鬪草羸多裙欲卸明朝双燕定归来叮嘱重帘休放下

又【梨花】

玉容寂寞谁为主寒食新晴愁几许前身清淡似梅妆遥夜依微留月住香迷胡蝶飞时路雪在秋千来往处黄昏着了素衣裳深闭重门听夜雨

万年欢【春思】

两袖梅风谢桥边岸犹带阴雪过了匆匆灯市草根青发燕子春愁未醒悞几处芳音辽绝烟溪上采绿人归定应愁沁花骨非干厚情易歇奈燕台句老难道离别小径吹衣曾记故里风物多少惊心旧事第一是侵阶罗袜如今但柳发晞春夜来和露梳月

杏花天【清明】

软波拖碧浦芽短画桥外花晴柳暖今年自是清明晚便觉芳情较懒春衫瘦东风剪剪过花坞香吹醉面归来立马斜阳岸隔岸歌声一片

西江月【闺思】

西月澹窥楼角东风暗落檐牙一灯初见影窗纱又是重帘不下
幽思屡随芳草闲愁多似杨花杨花芳草徧天涯绣被春寒夜夜

菩萨鬘【夜景】

梨花不碍东城月月明照见空栏雪雪底夜香微褰帘拜月归
锦衾幽梦短明日南堂宴宴罢小楼台春风来不来

临江仙【闺思】

愁与西风应有约年年同赴清秋旧游帘幕记扬州一灯人着梦双鴈月当楼
罗带鸳鸯尘暗澹更须整顿风流天涯万一见温柔瘦应縁此瘦羞亦为郎羞

齐天乐【秋兴】

防干只在鸥飞处年年怕吟秋兴断浦沈云空山挂雨只有诗愁千顷波声未定望舟尾拖凉
渡头笼暝正好登临有人歌罢翠帘冷悠然魂堕故里奈闲情未了还被吹醒拜月虚檐听蛩
壤砌谁复能怜娇俊忧心耿耿寄桐叶芳题冷枫新咏莫遣秋声树头喧夜永

又【湖上即席分韵得羽字】

鸳鸯拂破苹花影低低趁凉飞去画里移舟诗边就梦叶叶碧云分雨芳游自许过柳影闲波
水花平渚见説西风为人吹恨上瑶树防干斜照未满杏墙应望断春翠偷聚浅约揆香深盟
捣月谁是窗间青羽孤筝几柱问因甚参差鬢成离阻夜色空庭待归听俊语

双双燕【咏燕 形容尽矣】

过春社了度帘幕中间去年尘冷差池欲住试入旧巢相并还相雕梁藻井又软语商量不定
飘然快拂花梢翠尾分开红影芳径芹泥雨润爱贴地争飞竞夸轻俊红楼归晚防足柳昏花
暝应自栖香正稳便忘了天涯芳信愁损翠黛双蛾日日画栏独凭【姜尧章极称其柳昏花
暝之句】

东风第一枝【春雪】

巧剪兰心偷黏草甲东风欲障新暖漫凝碧瓦难畱信知暮寒较浅行天入镜做弄出轻松纖
软料故园不卷重帘悞了乍来双燕青未了柳回白眼红欲断杏开素面旧游忆着山阴厚盟
遂妨上苑寒炉重暖便放慢春衫针线恐凤鞋挑菜归来万一灞桥相见【结句尤为姜尧章
拈出】

又【元夕】

酒馆歌云灯街舞绣笑声喧似箫鼓太平京国多欢大酺绮罗几处东风不动照花影一天春
聚耀翠光金缕相交冉冉细吹香雾羞醉玉少年丰度懷艳雪旧家伴侣闭门明月关心倚窗
小梅索句吟情欲断念娇俊知人无据想袖寒珠络藏香夜久带愁归去

换巢鸾凤【春情】

人若梅娇正愁横断坞梦绕溪桥倚风融汉粉坐月怨秦箫相思因甚到纖腰定知我今无魂
可销佳期晚谩几度泪防相照人悄天渺渺花外语香时透郎懷抱暗握萸苗乍尝樱颗犹恨
侵堦芳草天念王昌忒多情换巢鸾凤教偕老温柔乡醉芙蓉一帐春晓

过龙门【春愁】

醉月小红楼锦瑟笙篴夜来风雨晓来收几防落花饶柳絮同为春愁
寄信问晴鸥谁在芳洲綠波宁处有兰舟独对旧时携手地情思悠悠

瑞鹤仙【红梅】

馆娃春睡起为泼妆酒暖脸霞轻膩冰霜一生里厌从来冷澹粉腮重洗胭脂暗试便无限芳
秣气味向黄昏竹外寒深醉里为谁偷倚娇媚春风模樣霜月心肠瘦来肌体孤香细细吹梦
到杏花底被高楼横篴一声惊断却对南枝洒泪谩相思桃叶桃根旧家姊妹

满江红【九月廿一日出京懷古】

缓轡西风叹三宿迟迟行客桑梓外锄耰渐入柳坊花陌双阙遠腾龙凤影九门空锁鸳鸾翼
更无人擣笛宫墙苔花碧天相汉民归国天厌祸臣同德趣建瓴一举再收鼇极老子岂无
经世术诗人不预平戎策办一襟风月看升平吟春色

卓稼翁

名田号西山建阳之文士

好事近【三衢买舟】

奏赋谒金门行尽云山无数尚有江天一半买扁舟东去
波神眼底识英雄阁住半空雨唤起一帆风力去青天尺五

昭君怨【送人赴上庠】

千里功名岐路几緉英雄草履八座与三台个中来壮士寸心如铁有泪不霑离别劒未斩楼兰莫空还

品令【新秋】

立秋十日早露出新凉面斜风急雨战退炎光一半月上纱窗疑是广寒宫殿
无端宋玉撩乱生悲怨一年好处都被秋光占断你且思量今夜怎生消遣

崔正子

名与之自号菊坡屡以右相召不起

水调歌头

万里云间戍立马剑门关乱山极目无际直北是长安人苦百年涂炭 哭三边锋镝天道久
应还手写留屯奏炯炯寸心丹对青灯搔白发漏声残老来勲业未就妨却一身闲梅岭绿阴
青子蒲涧清泉白石怪我旧盟寒烽火平安夜归梦到家山

魏华父

名了翁临邛人号鹤山先生庆元己未黄甲第三名晚与真西山齐名有词附鹤山集皆壽词
之得体者

水调歌头【范靖州生日】

犹记端门外鞭袖五更寒一声天上钟柝金锁掣重关君向紫宸上阁我侍玉皇香案都号舍
人班梦觉帝乡远相对两苍颜玉围腰金系肘绣笼鞍乡人衮衮严近五马度荆山收拾五湖
气度卷束蟠胷兵甲春意满人间天锡公纯嘏气象自平宽

又【孙靖州生日】

九十九峰下百二十年州西风吹起客梦月满驿南楼影入天河左界辰在壽星向上还是去
年秋要和木兰曲载酒壽君侯天边信云外步去难留壽觞庭院依旧已带别离愁离合钟情
未免富贵关人何事浪白世间头将相时来作身健百无忧

鹧鸪天【范靖州十月廿一日生日】

谁把璿玑运化工参旗又挂玉梅东三三律琯声余亥九九 经卦起中 新歲月旧游从一觴
还似去年冬人间事防无终极分付翹关老令公【郭令公以武举出身应翹关负米科】

菩萨鬘【靖倅江坝生日】

东窗五老峰前月南窗九叠坡前雪堆出侍郎山着君窗户间
离骚乡里住恰记庚寅度挹取芷兰芳酌君千歲觞

刘潜夫

名克庄甫田人号后村先生负一代盛名诗文甚高有后村别调一卷淳祐辛丑八月御笔刘
某文名久着史学尤精可特赐同进士出身

六州歌头【牡丹】

维摩病起兀坐等枯株清晨里谁来问是文殊遣名姝夺尽羣芳色浴才出醒初解千万态娇
无力困相扶絶代佳人不入金张室却访吾庐对茶铛禅榻笑杀此翁癯珠髻金壶始消渠忆
承平日繁华事修成谱写成图奇絶甚欧公记蔡公书古来无一自京华隔问姚魏竟何如多
应是防云散劫灰余野鹿衔将花去空回首河洛邱墟漫伤春吊古梦绕汉唐都歌罢欷歔

水调歌头【和西外判宗湖楼韵】

君防郭西景浑不减孤山飞楼突兀百尺轮奂侈前观絶唱新词寡和堕泪旧碑无恙往事付
惊澜不见辽鹤返惟对水鸥闲又何必珠翠盛管弦欢唾壶塵尾潇洒领客上高寒丞相功存
宗庙祭酒义兼家国世事尚相关风月寓意耳莫作晋人看

沁园春【梦方孚若】

何处相逢登寶钗楼访铜雀台唤厨人斫就东溟鲸鲙圉人呈罢西极龙媒天下英雄使君与
操余子谁堪共酒杯车千乘载燕南代北劔客奇材饮酣鼻息如雷谁信被晨鸡轻唤回叹年
光过尽功名未立书生老去机防方来使李将军遇高皇帝万户侯何足道哉披衣起但凄凉
感旧慷慨生哀

又【送包尉】

我羡君归一路秋风芙蓉木犀想慈顔望久灵乌乍噪新眉画就郎马频嘶忙脱征衫快呼斗
酒细为家人說建谿争知道这中年懷抱最怕分携丈夫南北东西应笑杀离筵粉泪啼帐佳
人来未碧云冉冉王孙去后芳草萋萋明日相思山重水复古道稀茅店鸡元龙老有高楼
百尺谁共登梯

又【寄钟贤良】

我梦见君戴飞霞冠着宫锦袍与牧之高防齐山诗酒谪仙同载采石风涛万卷星罗千篇电扫肯学穷儿事楚骚掀髯啸有鱼龙鼓舞狐兔悲嗥 英雄埋没蓬蒿谁摸索当年刘与曹叹事机易失功名难偶诛茅西崦种秫东臯栅有鸡豚庭无羔鴈道是先生索价高人间窄待相期海上共摘蟠桃

又【赠孙季蕃吊方漕西归】

歲莫天寒一见飘然幅巾布裘尽綠云鸟道跻攀絕顶拍天鲸浸笑傲中流畴昔奇君紫髯铁面生子当如孙仲谋谁知道向中年犹未建节封侯 南来万里何求因感慨桥公成遠游怅名姬骏马都成昨梦只鸡斗酒谁吊新邱天地无情功名有命千古英雄只麼休平生客独羊昙一个洒泪西州

又【寄九华叶贤良】

一卷阴符二石硬弓百斤寶刀更玉花骢喷鸣鞭电抹乌丝栏展醉墨龙跳牛角书生虬须豪客谈笑皆堪折简招依稀记曾请纓系粤草檄征辽 当年目视云霄谁信道凄凉今折腰怅燕然未勒南归草草长安不见北望迢迢老去胷中有些磊块歌罢犹须着酒浇休休也但帽边鬢改镜里顏凋

摸鱼儿【赏海棠】

甚春来冷烟凄雨朝朝迟了芳信蓦然作暖晴三日又觉万株娇困霜防鬢潘令老年年不带看花分才情减尽怅玉局飞仙石湖絕笔辜负这风韵 倾城色懊恼佳人薄命墙头岑寂谁问东风日暮无聊頼吹得胭脂成粉君细认花共酒古来二事天尤吝年光去迅漫綠叶成阴青苔满地做取异时恨

又【感叹】

怪新年倚楼看镜清狂浑不如旧暮云千里伤心处那更乱蝉疎柳凝望久怆故国百年陵阙谁回首功名大谬叹采药名山读书精舍此计几时就 封侯事久矣输人妙手沧洲聊作渔叟高冠长劒浑闲物世上切身惟酒千载后君试看拔山扛鼎俱乌有英雄骨朽问顾曲周郎而今还解来聽小词否

念奴娇【菊花】

老夫白首尚儿嬉废圃一番料理餐饮落英并坠露重把离骚拈起野艳幽香深黄浅白占断西风里飞来双蝶绕丛欲去还止 尝试铨次羣芳梅花差可伯仲之间耳佛說诸天金色界未必庄严如此尚友灵均定交元亮结好天随子篱边坡下一杯聊泛霜蘂

贺新郎【寄题聂侍郎郁孤台】

絕顶规危榭跨高寒鸟飞不过云生其下斤斲无声人按堵翕忽青红变化览城郭山川如画
阁老凤楼修造手笑谈间突出凌云厦台上景买无价唾壶麈尾登临暇似当年滁阳太守欧阳公也
倾倒赣江供砚滴判断雪天月夜更唤起邹枚司马铜雀凌歊歌舞散访残砖断壁无存者余翰墨被风雅

又【春景】

动地东风起画桥西绕溪桑柘漫山桃李寂寂墙阴苍苔迤犹印前回屐齿惊歲月飈驰云驶
太息攀翻长亭树是先生手种今如此君不乐欲何俟人错防渊明意笑斯翁皇皇汲汲登山临水佳处
径呼篮輿去彷彿柴桑栗里从我者门生儿子尝试平章先贤传屈原醒不似刘伶醉判茗芋卧花底

又【客赠芍药】

一梦扬州事画堂深金瓶万朵元戎高防座上祥云层层起不减洛中姚魏叹别后关山迢递
国色天香何处在想东风犹忆狂书记惊歲月一弹指数枝清晓烦驰骑向小窗依稀重见芜城妖丽
料得花怜依消瘦依亦怜花顚顚谩怅望竹西歌吹老矣应无骑鹤日但春衫防防当时泪那更有旧情味

又【送陈子华赴真州】

北望神州路试平章这场公事怎生分付记得太行山百万曾入宗爷驾驭今把作握蛇骑虎
君去京东豪杰喜想投戈下拜真吾父谈笑里定齐鲁两河萧索惟狐问当年祖生去后有人来否
多少新亭挥泪客谁梦中原块土算事业须由人做应笑书生心胆怯向车中闭置如新妇空目送塞鸿去

又【端午】

深院榴花吐画帘开練衣纨扇午风清暑儿女纷纷夸结束时樣钗符艾虎早已有游人观渡
老大逢场慵作戏任陌头年少争旗鼓溪雨急浪花舞灵均标致高如许忆生平既纫兰佩更懷椒
糗谁信骚魂千载后波底垂涎角黍又說是蛟馋龙怒把似而今醒到了料当年醉死差无苦聊一笑吊千古

又【九日】

湛湛长空黑更那堪斜风细雨乱愁如织老眼平生空四海頼有高楼百尺看浩荡千崖秋色
白发书生神州泪尽凄凉不向牛山滴追往事去无迹少年自负凌云笔到而今春华落尽满

懷蕭瑟常恨世人新意少
愛說南朝狂客把破帽
年年拈出若對黃花孤負酒怕黃花也笑人
岑寂鴻北去日西匿

又【游水東周家花園】

溪上收殘雨倚危欄薄暝乍脫日陰亭午鬧市不知春色處散在荒園廢墅漸小白長紅無數
客子雖非河陽令也隨緣暫作萼花主那可負瓮中醕 碧雲四合千岩莫恨匆匆余方有事子
姑歸去趣取羣芳未搖落暇日提魚就煮嘆激電光陰如許回首明年何處在問桃花尚記劉
郎否公莫笑醉中語

又【郡會聞妓歌有感】

妾出于微賤少年時朱 彈絕玉笙吹徧粗識國風關雎亂羞學流鶯百啖總不涉閨情春怨
誰向西鄰公子說要珠鞍迎入梨花院身未動意先懶 主家十二樓連苑那人人靚妝按曲綉
帘初卷道是畫堂簫管唱笑殺街坊拍袞回首望侯門天遠我有平生離鸞操頗哀而不愠微
而婉聊一奏更三嘆

生查子【上元戲陳敬叟】

繁燈奪霽華戲鼓侵明發物色舊時同情味中年別淺畫鏡中眉深拜樓西月人散市聲收漸
入愁時節

臨江仙【種海棠作】

落魄長官江海客少豪萬里尋春而今憔悴向溪濱斷無觴咏興惟有簿書塵
手插海棠三百本等閑妝防芳辰他年絳雪映紅雲丁寧風與月記取種花人

滿江紅【送王實之】

天壤王郎數人物方今第一談笑里風霆驚座雲烟生筆落落元龙湖海氣琅琅董相天人策
問如何十載尚青衫諸侯客 易愛底些官職難保底些名節擬閉門投轄劇談三日疇昔評君
天下寶當為天下蒼生惜向臨分慷慨出商聲摧金石

又【二月二十四夜飲海棠花下】

老子年來頗自許心腸鐵石尚一防消磨未盡愛花成癖懊惱每嫌寒勒住丁寧莫被晴烘拆
奈暄風烈日太無情如何得 張畫燭頻頻惜凭素手輕輕摘更幾番雨過彩雲無迹今夕不來
花下飲明朝空向枝頭覓對殘紅滿院杜鵑啼添愁寂

又【范尉梅谷】

赤日黄埃梦不到清溪翠麓空健美君家别墅几株幽独骨冷肌清偏要月天寒日暮尤宜竹
想主人杖屨绕千回山南北宁委涧嫌金屋宁映水羞银烛叹出羣风韵背时妆束竞爱东邻
姬傅粉谁怜空谷人如玉笑林逋何逊漫为诗无人读

又

金甲雕戈记当日辕门初立磨盾鼻一挥千纸龙蛇犹湿铁马晓嘶营壁冷楼船夜渡风涛急
有谁怜猿臂故将军无功级平戎策从军什零落尽慵收拾把茶经香传时时温习生怕客谈
榆塞事且教儿诵花间集叹臣之壮也不如人今何及

卜算子【手植海棠盛开风雨作崇輒作小词二首】

尽是手成持合得天饶借风雨于花有底讐着意相陵借
做暖逼教开做冷催教谢不负明年花下人只负栽花者

又

片片蝶衣轻防防猩红小道是天公不惜花百种千般巧
朝见树头繁莫见枝头少道是天公果惜花雨洗风吹了

昭君怨【牡丹】

曾记洛阳旧谱只许姚黄独步若比广陵花太亏他旧日王侯园圃今日荆榛狐 君莫說中
州怕花愁

又【琼花】

后土宫中标韵天上人间一本道号玉真妃字琼姬我与花曾半面流落天涯重见莫把玉箫
吹怕惊飞

清平乐【丹阳舟中作别意】

休弹别鹤泪与弦俱落欢事中年如水薄懷抱那堪作恶
昨宵月露高楼今朝烟雨孤舟除是无身方了有身长是闲愁

又【五月十五夜翫月】

織云扫迹万顷玻瓈色醉跨玉龙游八极歷歷天青海碧
水晶宫殿飘香羣仙方按霓裳消得几多风露变教人世清凉

又

风高浪快万里骑鲸背曾识嫦娥真体态素面元无粉黛
身游银阙珠宫俯看积气蒙蒙醉里偶摇桂树人间唤作凉风

又【顷在维扬陈师文参议冢舞姬絶妙赋此】

宫腰束素只怕能轻举好筑避风台防取莫遣惊鸿飞去
一团香玉温柔笑顰俱有风流贪与萧郎眉语不知舞错伊州

玉楼春戏呈【林节推乡兄并下一首】

年年跃马长安市客里似家家似寄青钱换酒日无何红烛呼卢宵不寐
易挑锦妇机中字难得玉人心下事男儿西北有神州莫滴水西桥畔泪

菩萨鬢

小鬟解事高烧烛羣花围绕擣菹局道是五陵儿风骚满肚皮
玉鞭鞭玉马戏走章台下笑杀防桥翁骑驴风雪中

忆秦娥【感旧】

春醒薄梦中毬马豪如昨豪如昨月明横笛晓寒吹角古来成败难描摸而今却悔当时错当
时错铁衣犹

在不堪重着

又

梅谢了塞垣冻解鸿归早鸿归早凭伊问讯大梁遗老浙河西面边声悄淮河北炊烟少炊
烟少宣和宫

殿冷烟衰草

又

游人絕緑阴满野芳菲歇芳菲歇养蚕天气采茶时节枝头杜宇啼成血陌头杨柳吹成雪吹成雪淡烟微

雨江南三月

长相思

寒相催暖相催催了开时催谢时丁宁花放迟角声吹笛声吹吹了南枝吹北枝明朝成雪飞

又

风萧萧雨萧萧相送津亭折柳条春愁不自聊烟迢迢水迢迢准拟江边驻画桡舟人频报潮

浪淘沙【旅况】

纸帐素屏遮全似僧家无端霜月闯窗纱唤起玉关征戍梦几叠寒笳
歲晚客天涯短发苍华今年衰似去年些诗酒新来俱倚阁孤负梅花

一剪梅【中秋解宜春郡印】

陌上行行惟府公还是文穷还是诗穷下车上马太匆匆来是春风去是秋风
阶衔免得管兵农嬉到昏钟睡到斋钟不须提岳与知宫唤作溪翁唤作山翁

踏莎行【甲午重九牛山作】

日月跳丸光阴脱兔登临不用深懷古向来吹防插花人尽随残照西风去
老矣征衫飘然客路炊烟三两人家住欲携斗酒答秋光山深无觅黄花处

刘伯宠

名褒武夷人一字春卿

水龙吟【桂林元夕呈帅座】

东风起穀池波轻阴未放游丝墮新春歌管丰年笑语六街灯火绣毂雕鞍飞尘卷雾水流云
过恍扬州十里三生梦觉卷朱箔映青金猊戏掣星桥锁博山香烟浓百和使君行乐绛纱
万炬雪梅千朵羯鼓喧空鶺鴒弦沸晓櫻梢微破想明年更好传柑宴罢醉扶猿座

中花慢【春日旅况】

縹緲細枝玉葉翳英百梢爭趁春忙正雨後蜂粘落絮燕撲晴香遺策誰家蕩子睡花何處新
妝想流紅有恨拾翠無心往事淒涼 春愁如海客思翻空帶圍只看東陽更那堪玉笙度曲翠
羽傳觴紅淚不勝閨怨白雲應老他鄉夢回羈枕風驚庭樹月在西廂

滿庭芳【留別】

柳裊金絲梨鋪香雪一年春事方中燭前一見花艷覺羞紅枕臂香防未落舟橫岸作計匆匆
明朝去暮天平水雙槳碧雲東 離歌一闋琵琶聲斷燕子樓空嘆陽台夢杳行雨無踪後會
芙蓉未老從今去日望歸鴻愁如織斷腸啼鴂饒舌訴東風

六州歌頭【上廣西張帥】

凭深負阻蠡午肆奔騰龍江上妖氛漲鯨海外白波驚羽檄交飛急玉帳靜金韜闕恢遠馭振
長纓密分兵細草黃沙渺渺西關路風裊高旌聽飛霜令肅堅壁夜無聲鼓角何神地中鳴 看
追風騎攢雲槩雷野穀激天鉦飛箭集旄頭墜長圍掩郭東傾振旅觀旋凱笳鼓競綉旗明刀
換犒戈藏革士休營黃色赤雲交映論功何止蔡州平想環城蒼玉深刻入青防永詔來今

水調歌頭【中秋】

天淡四垂幕雲細不成衣西風掃盡纖翳掠我鬢邊絲破匣菱花飛動跨海清光無際草露滴
明玕杯到莫停手何用問來期 坐虛堂揩病眼泝流輝雲山應有幽恨瑤瑟掩金徽河漢無聲
自轉玉兔有情亦老世事巧相違一寫謫仙怨雙淚滿君頤

花庵詞選續集卷七

续集卷八

钦定四库全书

花庵词选续集卷八 宋 黄升 撰宋词

刘叔安

名镇号随如兄弟皆以文鸣有随如百咏刊于三山

沁园春和【刘潜夫送孙花翁韵】

谁似花翁长年湖海蹇驴弊裘想红尘醉防青楼小扇挥金谈笑惜玉风流吴下阿防江南老
贺肯为良田二顷谋人间世算到头一梦蝼蚁王侯悠悠吾道何求况白首相逢记旧游记疎
风淡月寒灯古寺平章诗境分付糟邱聚散抔沙炎凉转烛归去来兮万事休无和有问从前
那个骑鹤扬州

又【题西宗云山楼】

爽气西来玉削羣峰千杉万松望疎林清旷晴烟紫翠雪边迴棹柳外闻钟夜月琼田夕阳金
界倒影楼台表里空桥阴曲是旧来忠定手种芙蓉仙翁心事谁同付鱼鸟相忘一笑中向月
梅香底招邀和靖云山高处问讯梁公物象搜奇风流懷古消得文章万丈虹沈吟久想依依
春树人在江东

花心动【临安新亭】

鸠雨催晴偏园林一番緑娇红媚柳外金衣花底香须消得艳阳天气障泥步锦寻芳路称来
往纵横珠翠笑携手旗亭问酒更酬春思 还记东山乐事向歌雪香中伴春沉醉粉袖殢人彩
笔题诗陶写老来风味夜深银烛明如昼待归去看承花睡梦云散屏山半熏沈水

汉宫春【郑贺守席上懷旧】

日软风柔望暖红连岛晴緑平川寻芳拾蘂胜伴陌上鲜妍玉骢归路记青门曾堕吟鞭人去
后庭花弄影一帘香月娟娟追念旧游何在叹佳期虚度锦瑟华年博山夜来烬冷谁换沈烟
屏帟半掩奈梦云不到愁边春易老相思无据闲情分付鱼牋

水龙吟【丙子立春懷内】

三山腊雪才消夜来谁转回寅斗试灯帘幕送寒幡胜暗香携手少日欢娱旧游零落异乡歌

酒到而今生怕春来太早空赢得两眉皱 春到兰湖少住肯殷勤访梅寻柳相思人远带围宽
减粉防消瘦双燕无凭尺书难表甚时回首想画栏倚偏东风闲负却桃花呢

又【庚寅寄远】

老来惯与春相识长记伤春如故去年今日旧愁新恨送将风絮粉泪羞红黛眉颦翠推愁不
去任 窗深闭屏山半掩还别有愁来路 回首画桥烟水念故人匆匆何处客情怀远云迷北
树草连南浦离合悲欢去留迟速问春无语笑刘郎不道无桃可种苦留春住

又【丙戌清明和章质夫韵】

弄晴台馆收烟候时有燕泥香坠宿醒未解单衣初试腾腾春思前度桃花去年人面重门深
闭记彩鸾别后青骢归去长亭路芳尘起 十二屏山偏倚任苍苔防红如缀黄昏人静暖香吹
月一帘花碎芳意婆娑绿阴风雨画桥烟水笑多情司马留春无计湿青衫泪

庆春泽【丙子元夕】

灯火烘春楼台浸月良宵一刻千金锦步承莲彩云簇仗难寻蓬壶影动星毬转映两行宝珥
瑶簪恣嬉游玉漏声催未歇芳心 笙歌十里跨张地记年时行乐憔悴而今客里情怀伴人闲
笑闲吟小桃未静刘郎老把相思细写瑶琴怕归来红紫欺风三径成阴

蝶恋花【丁丑七夕】

谁送凉蟾消夜暑河汉迢迢牛女何曾渡乞得巧来无用处世间枉费闲针缕
人在江南烟水路头白鸳鸯不道分飞苦信远翻嗔乌鹊误屏山暗锁巫阳雨

江神子【吊方检讨】

思君梦里说邯郸未成欢已炊残断送春归风雨霎时间空有生前医国手医不到子孙寒
欲登诗境吊方干倩谁看北邙山落落晨星不见暮云还莫在人间寻食客寻见后匹如闲

柳梢青【七夕】

干鹊收声湿萤度影庭院秋香步月移阴梳云约翠人在回廊
醺醺宿酒残妆待付与温柔醉乡郤扇藏娇牵衣索笑今夜差凉

又【戏简高菊圃】

瞥眼光阴章台旧路杨柳春深尚忆风流殢人倚玉替客挥金

高阳醉后分襟想妬雨嗔云到今消息真时笑啼难处方表人心

临江仙【代闺怨】

荡紫飘红芳信断都无人问
秣纖吟鞭倚醉问凉蟾香消金缕篆尘压寶妆奁
梦峡朝云飞不到一春离绪厌厌却疑归燕碍重帘心期花底误眉恨柳边添

浣溪沙【丁亥钱元宵】

帘幕收灯断续红歌台人散彩云空
夜寒归路噤鱼龙宿醉未消花市月芳心已逐柳塘风
丁宁鷺燕莫匆

匆

清平乐【赵园避暑】

柳阴庭院帘约风前燕着雨荷花红半敛
消得盈盈綠扇竹光野色生寒玉
纖雪藕冰盘长记酒醒人静暗香吹月阑干

贺新郎【题王守西湖书院】

云淡天垂野望晴郊疎烟半卷断虹低跨老树连阴藏遠景十里湖光照夜看不尽真山图画
春满轩窗无着处更银蟾冷浸鸳鸯瓦人共境转幽雅 文章太守归来也似当年和靖风流小
孤山下问讯佩兰餐菊友曾约梅兄入社待付与竹臞陶写尘外闲寻行乐地任 人歌舞喧
台榭诗世界有王谢

江神子【三月晦日西湖饯春】

送春曾到百花洲夕阳收暮云雷想伴花神骑鹤上扬州回首湖山情味淡重把酒更登楼
相思南浦古津头未拏舟已惊鸥柳外归鸦防防是离愁空倚阳关三叠曲歌不尽水东流

念奴娇【茉莉】

调水弄雪想花神清梦徘徊南土一夏天香收不起付与蘂仙无语秀入精神凉生肌骨销尽
人间暑稼轩愁絶惜花还胜儿女长记歌酒阑 开时向晚笑浥金茎露月浸阑干天似水谁
伴秋娘窗户困殢云鬟醉欹风帽总是牵情处返魂何在玉川风味如许

阮郎归【秋夜】

寒阴漠漠夜来霜
阶庭风叶黄
归鸦数防带斜阳
谁家砧杵忙
灯弄幌月侵廊
熏笼添寶香
小屏低枕怯更长
和云入醉乡

又【丹桂】

金茎浥露未成霜
西风只旧凉
蕊仙何事换霞妆
恼人秋思长
香世界锦文章
花神不覆藏
小山骚客政清狂
同花入醉乡

玉楼春【东山探梅】

泠泠水向桥东去
漠漠云归溪上住
疎风淡月有来时
流水行云无觅处
佳人独立相思苦
薄袖欺寒修竹暮
白头空负雪边春
着意问春春不语

行香子【赠柳儿行】

露叶烟条天与多娇
算风流张绪难消
恼人春思政自无聊
奈敛愁眉酣醉眼
减围腰
风絮招要蝶弄莺嘲
最关情是短长桥
解骖分袂催上兰桡
更緑波平红日坠
碧云遥

施秉之

枫溪

清平乐【元夕】

风消云缕一碧无今古
欲壞上元天
不许晴了晚来些雨
莫言冷落山家
山翁本厌繁华
试问莲灯千炬
何如月上梅花

戴式之

名复古号石屏天台诗人

满江红【赤壁懷古】

赤壁矶头一番过一番懷古
想当时周郎年少气吞区宇
万骑临江貔虎噪千艘烈炬鱼龙怒
卷长波一鼓困曹瞒
今如许江上渡江北路形胜地兴亡处
覽遗踪胜读史书言语
几度东风吹世换千年往事随潮去
问道旁杨柳为谁春摇金缕

沁园春【自 】

一曲狂歌有百余言說尽平生费十年灯火读书读史四方奔走求利求名蹭蹬归来闭门独坐赢得穷吟诗句清夫诗者皆吾依平日愁叹之声空余豪气峥嵘安得良田二顷耕向临邛涤器可怜司马成都卖卜谁识君平分则宜然吾何敢怨蝼蚁逍遥戴粒行开懷抱有青梅荐酒綠树啼莺

贺新郎【丰真州建江淮伟观楼】

百尺连云起试登临江山人物一时俱伟防挹金陵龙虎势京岷诸峰对峙隐隐接扬州歌吹雪浪舞从三峡下午逢迎海若谈秋水形胜地有如此使君一世经纶志把风斤月斧来此等闲游戏见說楼成无多日大手一何容易笑天下纷纷血指醞酿春风与和气举长江变作香醪美人共乐醉桃李

又【寄丰宅之】

忆把金罍酒叹别来光阴荏苒江湖宿留世事不堪频着眼赢得两眉长皱但东望故人翹首木落山空天遠大送飞鸿北去伤懷久天下事公知否钱塘风月西湖柳渡江来百年机会从前未有唤起东山邱壑梦莫惜风霜老手要整顿封疆如旧早晚枢庭开幕府是英雄尽为公奔走看金印大如斗

又【兄弟争涂田而讼歌此词主和议】

蜗角争多少是英雄割据乾坤到头休了一片泥涂荒草地尽是鱼龙故道新堤上风涛难保沧海桑田何时变怕桑田未变人先老休为此生烦恼讼庭不许频频到这官坊翻来覆去有何分晓无诤人中为第一长讼元非吉兆但有恨平章不早樽酒唤回和气在看从来兄弟依然好把前事付一笑

木兰花慢【懷旧】

莺啼啼不尽凭燕语语难通这一防芳心十年不断恼乱东风重来故人何处但依前流水小桥东记得同题粉壁而今壁破无踪兰皋空涨綠溶溶流恨落花红念着破春衫当时送别灯下裁缝相思谩令自苦叹云烟过眼总成空落日楚天无际凭栏目送归鸿

水调歌头【题李季允侍郎鄂州吞云楼】

轮奂半天上胜槩压南楼筹边独坐岂欲登览快双眸浪說胸吞云梦直把气吞强敌西北望神州百载好机会人事恨悠悠骑黄鹤赋鸚鵡谩风流岳王祠畔杨柳烟鎖古今愁整顿乾坤手段指授英雄方略雅志若为酬杯酒不在手双鬓恐惊秋

满庭芳【楚州上巳万柳池应监丞饮客】

三月春光羣贤胜饯山阴何似山阳鹅池墨妙曲水记流觴自许风流邱壑何人共击楫长江
新亭上山河有异举目恨堂堂使君经世志十年边上两鬓风霜问池边杨柳因甚凄凉万树
重新种了株株在桃李花仍须待賸栽兰芷为国洗河湟

又【元夕上郡武王守子文】

草木生春楼台不夜团团月上云霄太平官府民物共逍遥指防江梅一笑几番负雨秀风娇
今年好花边把酒歌舞醉元宵风流贤太守青云志气玉树丰标是神仙班里旧日王乔出奉
版輿行乐金莲照十里笙箫收灯后看看丹诏催入圣明朝

清平乐【兴国军呈李司直】

今朝欲去忽有留人处說与江头杨柳树系我扁舟且住
十分酒兴诗肠难禁冷落秋光借取春风一笑狂夫到老犹狂

卢申之

名祖臯号蒲江楼攻媿先生之甥赵紫芝翁灵舒诸贤之诗友乐章甚工字字可入律吕浙人
皆唱之有蒲江词稿行于世

贺新郎【彭傅帅于吴江三高堂之前作钓雪亭蓋擅渔人之窟宅以供诗境也赵子野

约余赋之】

挽住风前柳问鸱夷当日扁舟近曾来否月落潮生无限事零乱茶烟未久谩留得莼鲈依旧
可是功名从来误抚荒祠谁继风流后今古恨一搔首江涵鴈影梅花瘦四无尘雪飞云冻夜
窗如昼万里乾坤清絕处付与渔翁钓叟又恰是题诗时候猛拍防干呼鸥鹭道他年我亦垂
纶手飞过我共樽酒

又【姑苏台观雪】

十顷涵空碧画图中峥嵘幻玉乱零吹壁倚徧危栏吟不尽把酒风前岸帻记当日西湖为客
谁剪吴松江上水笑乾坤奇事成儿剧还照我夜窗白崇台目断清无极引枝筇琼瑶步软印
登临屐娃馆娉婷知何在泪粉愁依恨积故化作飞花狼籍旧事悠悠浑莫问有玉蟾醉里曾
相识聊伴我夜吹笛

宴清都【初春】

春讯飞琼管风日薄度墙啼鸟声乱江城次第笙歌翠合绮罗香暖溶溶润緑冰泮醉梦里年

华暗换料黛眉重锁隋堤芳心还动梁苑 新来鴈阔云音鸾分鉴影无计重见啼春细雨笼愁
澹月凭时庭院离肠未语先断算犹有凭高望眼更那堪芳草连天飞梅弄晚

鱼游春水【离愁】

离愁禁不去好梦别来无觅处风翻征袂触目年芳如许软红尘里鸣鞭镫拾翠丛中勾伴侣
都负歳时暗关情绪昨夜山阴杜宇似把归期惊倦旅遥知楼倚东风凝颦暗数寶香拂拂遗
鸳锦心事悠悠寻燕语芳草暮寒乱花微雨

倦寻芳【春思】

香泥垒燕密叶巢莺春晴寒浅花径风柔着地舞裊红软鬪草烟欺罗袂薄秋千影落春游倦
醉归来记寶帐歌慵锦屏香暖别来怅光阴容易还又荼防牡丹开徧妬恨疎狂那更柳花迎
面鸿羽难凭芳信短长安犹近归期远倚危楼但镇日綉帘高卷

西江月【中春】

燕掠晴丝裊裊鱼吹水叶粼粼禁街微雨洒芳尘寒食清明相近
漫着宫罗试暖闲呼社酒酬春晚风帘幕悄无人二十四番花讯

清平乐【春恨】

柳邊深院燕语明如剪消息无凭聽又懒隔断画屏双扇
寶杯金缕红牙醉魂几度儿家何处一春游荡梦中犹恨杨花

乌夜啼【离恨】

柳色津头綠桃花渡口啼红一春又负西湖醉离恨雨声中
客袂迢迢西塞余寒剪剪东风谁家拂水飞来燕惆悵小楼空

又【西湖】

漾暖纹波飏飏吹晴丝雨蒙蒙轻衫短防西湖路花气扑春骢
鬪草褰衣湿翠秋千瞥眼飞红日长不放春醪困立尽海棠风

又【秋别】

段段寒沙浅水萧萧暮雨孤篷香罗不共征衫远砧杵客愁中
别恨慵防杨柳归期暗数芙蓉碧梧声到纱窗晓昨夜几秋风

谒金门【惜别】

兰棹举相趁落红飞去一隙轻帘凝睇处柳丝牵不住昨日翠蛾金缕今夜碧波烟渚好梦无凭窗又雨天

涯知几许

又【春思】

闲院宇独自行来行去花片无声帘外峭寒生碧树做弄清明时序料理春醒情绪忆得归时停棹处画

桥防落絮

水龙吟【荼防】

荡红流水无声暮烟细草粘天远低回倦蝶往来忙燕芳期顿懒绿雾迷墙翠虬腾架雪明香暖笑依依欲挽春风教住还疑是相逢晚不似海妆瘦减占人间丰神萧散攀条弄蕊天涯犹记曲阑小院老去情怀酒边风味有时重见对枕帟空想东窗旧梦带将离恨

又【淮西重午】

防昌湖上扁舟几年不醉西山路流光又是宫衣初试安榴半吐千里江山满川烟草薰风淮楚念离骚恨远独醒人去防干外谁怀古亦有鱼龙戏舞艳晴川绮罗歌鼓乡情节意樽前同是天涯羁旅涨绿池塘翠阴庭院归期无据问明年此夜一眉新月照人何处

洞仙歌【茉莉】

玉肌翠袖较似酴醾瘦几度熏醒夜窗酒问炎州何事得许清凉尘不到一段冰壶剪就晚来庭户悄暗数流光细拾芳英黯回首念日暮江东偏为魂销人易老幽韵清标似旧政簪纹如水帐如烟更奈向月明露浓时

鹧鸪天【春怀】

纤指轻拈小砑红自调宫羽按歌童寒余芍药栏边雨香落荼防架底风闲意态小房枕丁宁须满玉西东一春醉得莺花老不似年时怨玉容

又【春暮】

庭綠初圆结荫浓香沟收拾树梢红池塘少歇鸣蛙雨帘幕轻廻舞燕风
春又老笑谁同澹烟斜日小楼东相思一曲临风笛吹过云山第几重

摸鱼儿【九日登姑苏台】

怪西风晓来欹帽年华还是重九天机袞袞山新瘦客子情懷谁剖微雨后更鴈带边寒裊裊
欺罗袖慵荷倦柳悄不似黄花田田照眼风味尽如旧登临地寂寞崇台最久阑干几度搔首
翻云覆 无穷事流水斜阳知否吟未就但衰草寒烟商略愁时候闲愁浪有总输与渊明东
篱醉舞身世付杯酒

夜飞鹊慢【別意】

骄嘶破清晓分恨临期花下恁月明知余光是处散离思最怜香霭霏霏牵衣搵弹泪问凄风
愁露划地东西留鞭换佩怕匆匆已是迟迟凉怯几番罗袂还燕别文梁萤防书帙一自秋娘
迢递黄金对酒争忍轻挥新来院落鴈难寻帘幕长垂怕雕梧敲径惊回旧梦应也顰眉

渔家傲【壽白石】

白石山中风景异先生日日懷归计何事黄冈飞雪地偏着意画堂却为东坡起
人說前身坡老是文章气节浑相似只待鼎彝勲业遂梅花外归来长向山中醉

木兰花慢【別西河两诗僧】

嫩寒催客棹载酒去载诗归政红叶漫山清泉漱石多少心期三生溪桥话别怅薜萝犹惹翠
云衣不似今番醉梦帝城几渡斜晖鸿飞烟水弥弥回首处只君知念吴江鹭忆孤山鹤怨依
旧东西高峯梦醒云起是瘦吟窗底忆君时何日还寻后约为余先寄梅枝

沁园春【双溪狎鸥】

几叶凋枫半篙寒日傍桥系船爱洞门深鎖人间福地双溪分占天上星躔破帽欹寒短鞭敲
月此地经行知几年空贏得似沈郎销瘦还欠诗篇沙鸥伴我愁眠向水驿风亭红蓼边有村
醪可饮且须同醉溪鱼堪鲙切莫论钱笠泽波头垂虹亭上橙蟹肥时霜满天相随否算江南
江北惟有君闲

菩萨鬘【春思】

翠楼十二阑干曲雨防新染蒲萄綠时节又黄昏东风深闭门
玉箫吹未彻窗影梅花月无语只低眉闲拈双荔枝

满江红【齐云月酌】

楼倚晴空炎云净晚来风力沧海外等闲吹上满轮寒璧河汉低垂天欲近乾坤浩荡秋无极
凭栏干衣袂拂青防知何夕登眺地追畴昔吴越事皆陈迹对清光祇有醉吟消得万古悠悠
惟月在浮生袞袞空头白自骑鲸仙去有谁知遥相忆

李公甫

名刘号梅亭

贺新郎【上赵侍郎生日】

鹄立通明殿又重逢揆余初度梦庚华旦不学花奴簪红槿且看秋香宜晚任甲子从新更换
天欲东都修车马故降神生甫维周翰歌崧岳咏江汉明堂朝罢夷琛献引星辰万人共聽风
尘长算清昼山东诸将防席卷黄河两岸问谁在玉皇香案师保万民功业别向西京原庙行
圭瓚定郊廓卜瀍涧

花庵词选续集卷八

续集卷九

钦定四库全书

花庵词选续集卷九 宋 黄升 撰宋词

张宗瑞

名辑鄱阳人自号东泽有词二卷名东泽绮语债朱湛卢为序称其得诗法于姜尧章世所传欸乃集皆以为采石月下谪仙复作不知其又能词也其词皆以篇末之语而立新名云

踈帘淡月【寓桂枝香 秋思】

梧桐雨细渐滴作【去声】秋声被风惊碎润逼衣篝线裹蕙蘼沈水悠悠歲月天涯醉一分秋一分憔悴紫箫吹断素牋恨切夜寒鸿起又何苦凄凉客里负草堂春綠竹溪空翠落叶西风吹老几番尘世从前谙尽江湖味聽商歌归兴千里露侵宿酒疎 淡月照人无寐貂裘换酒【寓贺新郎 乙未冬别马可久】

笛唤春风起向湖边腊前折柳问君何意孤负梅花立晴昼一舸凄凉雪底但小阁琴棋而已佳客清朝留不住为康庐只在家窗里湓浦去两程耳 草堂旧日谈经地更从容南山北水庾楼重倚万卷心曾几今古牛斗多年紫气正江上风寒如此且趁霜天鲈鱼好把貂裘换酒长安市明夜去月千里

淮甸春【寓念奴娇 丙申歲游高沙访淮海迹】

短髯懷古更文游台上秋生吟兴闻說坡仙来把酒月底频留清影极目平芜孤城泗水画角西风劲曲栏犹在十分心事谁领 词卷空落人间黄楼何处回首愁深省斜照寒鸦知几度梦想当年名胜只有山川曾窺翰墨彷彿余风韵旧游休问柳花淮甸春冷

如此江山【寓齐天乐】

西风扬子江头路扁舟雨晴呼渡岸隔瓜洲津横蒜石摇尽波声千古诗仙一去但对峙金焦断矶青树欲下斜阳长淮渺渺正愁予 中流笑与客语把貂裘为浣半生尘土品水烹茶看碑忆鹤恍似旧曾游处聊凭陆谕问八极神游肯重来否如此江山更苍烟白鹭

钓船笛【寓好事近】

载酒岳阳楼秋入洞庭深碧极目水天无际正白苹风急月明不见宿鸥惊醉把玉栏拍谁解百年心事恰钓船横笛

广寒秋【寓鹊桥仙】

杯行将半月来犹未潇洒水亭无暑清宵数客一栏秋对冰雪荷花似语
雄边台上文游台上咫尺红云容与天风吹送广寒秋正画舸湖光佳处

月当窗【寓霜天晓角】

看朱成碧曾醉梅花侧相遇匆匆相别又争似不相识南北千里隔几时重见得最苦子规啼
处一片月当

窗白

山渐青【寓长相思】

山无情水无情杨柳飞花春雨晴征衫长短亭 拟行行重行行吟到江南第几程江南山渐青

碧云深【寓忆秦娥】

风淅淅井栏络纬惊秋啼惊秋啼凉侵好梦月正楼西卷帘望月知心谁关河空隔长相思长
相思碧云暮

合有美人兮

东仙【寓沁园春 冯可迁号予为东仙故赋】

东泽先生谁説能诗兴到偶然但平生心事落花啼鸟多年盟好白石清泉家近宫亭眼中庐
阜九叠屏开云锦边出门去且掀髯大笑有钓鱼船 一丝风里婵娟爱月在沧浪上下天更丛
书观遍笔牀静昼蓬窗睡起茶灶疎烟黄鹤来迟丹砂成未何日风流葛稚川人间世聽江湖
诗友号我东仙

南浦月【寓防絳唇 赋潇湘渔父】

来剪莼丝江头一阵鸣蓑雨孤篷归路吹得苹风暮短髮萧萧笑与沙鸥语休归去玉龙嘶处
邀月过南浦

沙头雨【寓防絳唇】

带醉归时月华犹在吹箫处晓愁情绪忘却匆匆语客里风霜诗鬓空如许江南去岸花迎艣
遥隔沙头雨

花自落【寓谒金门】

春寂寞 底蕙炉烟薄 听尽归鸿书怎托 相思天一角 象笔鸾牋间却秀句与谁商略 睡起愁怀何处着无

风花自落

垂杨碧【寓谒金门】

花半湿睡起一窗晴色千里江南真咫尺 醉中归梦直前度兰舟送客双鲤沉沉消息楼外垂杨如此碧问

春来几日

栏干万里心【寓忆王孙】

小楼柳色未春深 湘月牵情入苦吟 翠袖风前冷不禁 怕登临 几曲阑干万里心

杏梁燕【寓解连环】

小楼春浅记钩帘 看雪袖粘芳片 似不似柳絮因风更细 与品题屡呵冰砚 宛转吟情纵真草凤牋都徧到灯前笑谑酒祓峭寒移尽更箭 而今柳阴满院却花空雪似人隔春远叹万事流水斜阳谩赢得前诗醉污团扇脉脉重来算唯有画栏曾见把千种旧愁付与杏梁语燕

比梅【寓如梦令】

深夜沉沉尊酒酒醒客衾寒透城角挟霜飞吹得月如清昼 傴僂傴僂比着梅花谁瘦

月上瓜洲【寓相见欢 南徐多景楼作】

江头又见新秋 几多愁塞草连天何处是神州 英雄恨古今泪水东流唯有渔竿明月上 洲

月底修箫谱【寓祝英台近 乙未之秋高邮朱史君钱塘北阆舟中】

客西湖听夜雨更向别离处小小船窗香雪照尊俎断肠一曲秋风行云不语总写入征鸿无数 认眉妩唤醒岩壑风流丹砂有奇趣羞杀秦郎淮海谩千古要看自作新词双鸾飞舞 月底重修箫谱

一丝风【寓诉衷情 泊松江作】

卧虹千尺界湖光冷浸月茫茫当日三高何处渔唱入凄凉
人世事纵轩裳梦黄粱有谁蓑笠一钓丝风吹尽荷香

忆萝月【寓清平乐 客盱江秋夜鼓琴思故山作】

新凉窗户间对琴言语弹到无人知得处两袖五湖烟雨
坐中斗转参横珠躔碎落瑶觥忆着故山萝月今宵应为谁明

宋谦父

名自逊号壶山南昌人文笔高絶当代名流皆敬爱之其词集名渔樵笛谱

蓦山溪【自述】

壶山居山未老心先懒爱学道家办竹几蒲团茗椀青山可买小结屋三间开一迳俯清溪
修竹栽教满客来便请随分家常饭若肯小留连更薄酒三杯两瓊吟诗度曲风月任招呼身
外事不关心自有天公管

沁园春【送戴石屏】

归去来兮田园将芜云胡不归既有诗千首如斯者少行年七十从古来稀地缺东南天倾西
北人事何缘有足时江湖上转不如前日步步危机石屏自有柴扉占海岸潮头伴一砚唤防
衣孙子 壶挈榼白头翁媪举桮齐眉身外声名世间梦幻万事一醒无是非书来往都不须
长语直写心期

贺新郎【题雪堂】

唤起东坡老问雪堂几番兴废斜阳衰草一月有钱三十块何苦抽身不早又底用北门摘藻
儋耳蛮烟添老色和陶诗翻被渊明恼到底是忘言好周郎英发人间少谩依然乌鹄南飞山
高月小歲月堂堂畱不住此世何时是了算不满英雄一笑我有丰淮千斗酒把新愁旧恨都
倾倒三弄笛楚天晓

又【七夕】

灵鹊桥初就记迢迢重湖风浪去年时 歲月不畱人易老万事茫茫宇宙但独对西风搔首
巧拙岂关今夕事奈痴儿騃女流传谬添话柄柳州柳道人识破灰心久只好风凉月佳时疎
狂如旧休笑双星经歲别人到中年已后云雨梦可曾常有雪藕调冰花熏茗正梧桐雨过新
凉透且随分一杯酒

满江红【秋感】

举扇西风又十载重游秋浦对旧日江山错愕鬓丝如许世事兴亡空感慨男儿事业谁堪数
被老天开眼看人忙成今古江上路喧鼙鼓山中地纷豺虎漫乾坤许大着身何处名利等成
狂梦寐文章亦是闲言语頼双投酒熟蟹螯肥忘羁旅

西江月【自述】

何敢笑人干禄自知无分弹冠只将贫贱博清闲留取书遮老眼
世上风波任险门前路径须寛心无妄想梦魂安万事鹤长鳬短

王子文

名桼号潜斋

西河

天下事问天怎忍如此陵图谁把献君王结愁未已少豪气槩总成尘空余白骨黄苇
千古恨吾老矣东游曾吊淮水綉春台上一廻登一廻搵泪醉归抚劒倚西风江涛犹壮人意
只今袖手野色里望长淮犹二千里纵有英心谁寄近新来又报兵尘起絶域张骞归来未

曹西士

名幽号东畎

西河【和王潜斋韵】

今日事何人弄得如此漫漫白骨蔽川原恨何日已关河万里寂无烟月明空照庐苇
谩哀痛无及矣无情莫问江水西风落日惨新亭几人堕泪战和何者是良筹扶危但看天意
只今寂寞蕞泽里岂无人高卧闾里试问安危谁寄定相将有诏催公起须信前书言犹未

李俊明

名昂英号文溪

摸鱼儿【送王子文知太平州】

怪朝来片红初瘦半分春事风雨丹山碧水含离恨有脚艳阳难驻芳草渡似叫住东君满树
黄鹂语无端杜宇报采石矶头惊涛屋大寒色要春防 阳关唱画鹢徘徊东渚相逢知又何处

摩挲老劔雄心在对酒细评今古君此去几万里东南只手擎天柱长生壽母更稳坐安輿三槐堂上好看防衣舞

赵用父

名以夫号虚斋

贺新郎【饯郑金部去国】

载酒阳关去正西湖连天烟草满堤晴絮采翠撷芳游冶处应和娇弦艳鼓看柳外画船无数
万顷琉璃浑镜净 风波汹汹鱼龙舞谈笑里遽如许 流觞满引浇离绪便东西斜阳立马绿
波南浦自是莼鲈高兴动恰聽春山杜宇谩回首软红香雾咫尺佳人千里隔望空江明月横
洲渚清梦断恨如缕

黄子鲁

名师参号鲁庵三山人白石先生之子

沁园春【饯金部去国】

谷口高人偶泝明河近尺五天见紫霄宫阙空中突兀玉皇姬侍云里蹁跹滴露研朱披肝作
纸细写灵均孤愤篇排云叫奈大钧不管沙界三千 语高天上惊传早斥去人间伴谪仙念赤
城丹籍香名空在蓬莱弱水欲到无缘还倚枯槎飘然归去回首清都若个边家山好有一湾
风月小小渔船

潘庭坚

名枋号紫岩乙未探花以气节闻于时

南乡子【题南劔州妓馆】

生怕倚阑干阁下溪声阁外山惟有旧时山共水依然暮雨朝云去不还
应是蹑飞鸾月下时时整佩环月又渐底霜又下更阑折得梅花独自看

吴毅甫

名潜号履斋嘉定丁丑状元有履斋诗余行于世

满江红【送李御带琪】

红玉阶前问何事翩然引去湖海上一汀鸥鹭半防烟雨报国无门空自怨济时有策从谁吐
过垂虹亭下系扁舟鲈堪煮 一醉留君住歌一曲送君路徧江南江北欲归何处世事悠悠
浑未了年光冉冉今如许试举头一笑问青天无语

又【齐山綉春台】

十二年前曾上到綉春台顶双脚健不烦筇杖透岩穿岭老去渐消狂气习重来依旧佳风景
想牧之千载尚神游空山冷 山之下江流水江之外淮山暝望中原何处虎狼犹梗勾蠡规模
非浅近石符事业真俄顷问古今宇宙竟如何无人省

又【金陵乌衣园】

柳带榆钱又还过清明寒食天一笑满园罗绮满城箫笛花树得晴红欲染逺山过雨青如滴
问江南池馆有谁来江南客 乌衣巷今犹昔乌衣事今难觅但年年燕子晚烟斜日抖擞一春
尘土债悲凉万古英雄迹且芳樽随分趁芳时休虚掷

水调歌头【送吴叔永文昌】

才惜季方去又更别元方惊心天上双凤接翅下高冈万里瞿塘烟浪一片昭亭云月渺渺正
相望夜 连风壑此意独凄凉 杜鹃声犹不住搅离肠黄鸡白酒吾亦归兴动家乡人事纷纷
难料世事悠悠难説何处问穹苍肯落儿曹泪一笑付沧浪

贺新郎【送吴叔季侍郎】

説着成凄楚正尘飞岷峨滟潏 嗥狐舞颇牧禁中留不住弹压征西幕府便一舸月汀烟渚
四塞三关天样险问何人自辟黉黉路成败事几今古 荼防芍药春将暮最无情飘零柳絮搅
人离绪屈指秋风吹鴈讯应忆西湖夜雨漫歲月消磨如许上下四方男子志肯临岐昵昵儿
曹语呼大白为君举

又【吴中韩氏沧浪亭和吴梦窗韵】

扑尽征衫气小夷犹樽壘杖屨踏开花事解后山翁行乐处何似乌衣旧里叹荒草舞台歌地
百歳光陰如梦断算古今兴废都如此何用洒儿曹泪 江南自有渔樵队想家山猿愁鹤怨问
人归未寄语寒梅休放尽留取三花两蕊待老子领些春意皎皎风流心自许尽何妨瘦影横
斜水烦翠羽伴醒醉

又【用赵用父左司韵送郑宗丞】

又是春残去倚东风寒云淡日堕红飘絮燕社鸿秋人不问尽管吴笙越鼓但短发星星无数

万事惟消彭泽醉也何妨袖卷长沙舞身与世只如许 阑干拍手闲情绪便明朝苍烟白鹭北
山南渚笑指午桥桥畔路帘幕深深院宇尚趣得柳烟花雾我亦故山猿鹤怨问何时归棹双
谿渚歌一曲恨千缕

又【寄赵南仲】

烟树 洲岸望旌旗猎猎遥空故人天远不似沙鸥飞得渡直到雕鞍侧畔但徙倚危阑目断
自古钟情须我辈况人间万事思量遍涛似雪风如箭 扬州十里珠帘卷想桃根桃叶依稀旧
家庭院谁把青红吹到眼知有醉翁局段便回首舟移帆转渺渺江波愁未了正淮山日暮云
撩乱阁酒盏倚歌扇

又【春感】

笑口开能几把年年芳情冶思总抛闲里桃杏枝头春才半寒食清明又是但歲月飈飞川逝
回首秦楼双燕语到如今目断斜阳外将往事试重记 香罗尚有相思泪笑人生新愁易积旧
欢难继水上流红无觅处还隔关山万里但赢得新来憔悴昨夜东风颠狂后想余芳尽是飘
零底词写就倩谁寄

满庭芳【春感】

漠漠春阴疎疎春雨鹁鸪唤起春眠小园人静独自倚秋千又见飘红堕雪芳径里都是花钿
年年事闲愁闲闷挂在綠杨边 寻思都徧了功名竹帛富贵貂蝉但身为利鎖心被名牵争似
依山傍水数椽外二顷良田无萦绊炊粳酿秫长是好花天

酹江月【梅花】

晓来窗外正南枝初放两花三蕊千古春风头上立羞退秣桃繁李姑射神游壽阳妆褪色界
尘都洗竹扉松户平生所寄聊耳 堪笑强說和羹此君心事指高山流水陇驿凄凉却怕被哀
角城头吹起此处关情为他凝伫淡月清霜里巡檐何事歲寒相誓而已

又【暇日登新楼望扬州于云烟缥缈之间寄赵南仲端明】

半空楼阁把江山图画一时收拾白鸟孤飞飞尽处最好暮天秋碧万里西风百年人事谩倚
阑干拍凝眸何许扬州烟树歷歷 应念老子年来浮名浮利已作虚空掷三径才寻归活计又
是飘零为客回首平生惊心双鬓容易成凄惻尊前一笑且由醉防欹侧

声声慢【和吴梦窗赋梅】

挨晴拶暖载酒呼朋夷犹东圃西园綠萼枝头两三初破轻寒平生自甘寂寞占冷妆不為人

妍林逋去问影疎香暗谁赋其间 空想故山奇事正烟横岭曲月浸溪湾杏错桃讹那时青子都圆惟饶梦窗知处对翠禽依约神仙休引角怕征人泪落塞边

王实之

名迈号臞轩莆阳人丁丑第四人及第

贺新郎【呈刘后村时自桂林被召到莆又遭烦言】

出了罗浮洞有多情梅花雪片殷勤相送见説翛然琴鹤外诗压牛腰较重又管甚羣儿嘲弄岭海三年持翠节料无时不作家山梦驰玉勒归金凤【金凤池乃所居也】一门朱紫环昆仲看堦庭森森兰玉慈顔欢动宰相时来须着做且舞莱衣侍奉却不信大才难用时事多艰人物少便中兴谁辨浯溪颂更大厦要梁栋

又【为后村母夫人壽】

璎珞珠垂缕看花冠端容丽服补陀岩主只坐尘縁蹉一念朱紫丛中得度人世福夫人兼五银鹿诸孙来定省对金屏綉幕辉云母人顶礼柳行路【所居地名柳行】朝朝口诵琅函句觉从来壽仁福善老天无误消得天恩封福国锦诰鸾翔凤舞聽来岁日边佳语上殿肩輿帘感綉遣佳儿扶掖天应许笑陈媪三题柱【有陈夫人者题闽帅防柱云尝侍父从夫及就养三至此廨】

又【送赵伯泳侍郎守温陵】

忆昔同时召正青山亲提玉尺量材廊庙当日班行比元祐北玉西珠照耀一转首宫商移调君自乌台登骑省觉精神风采增清峭数贤者一不肖酒酣耳热惟长啸便翩翩辍班荷橐一麾闽峤堪笑狂生无用处垂老云耕月钓这富贵非由人要畴昔评君如玉雪好翛然琴鹤风尘表清猷后又有赵

又【丁未守邵武宴同官】

此是河清宴觉朝来薰风满入生绡团扇太守愁眉才一展且喜街头米贱也莫管官租难办绕砌苔钱无限数更莲池雨过珠零乱尽买得凌波面家山乐事真堪羨记年时荔支新熟荷簫齐劝底事来寻蕉鹿梦赢得干忙似箭笑富贵都如邮传做了丰年还百姓便莼鲈归兴催张翰看卿等上霄汉

摸鱼儿【闽漕王防学作碧湾丹嶂堂歌此词以墨本见寄依韵和之】

昔元城一生清峭南都高卧坚壁留耕便是元城樣何肯枉吾寻尺曾直笔説社稷安危屡叩

龙墀额明时逐客却惠顾丹山来持翠节对此一湾碧 澄清暇无奈登临有癖梅山时访仙迹
神仙偏喜公心事一见莞然前席闲不得有先见蓍龟消得君王忆天阍不隔要济险孤舟支
倾一柱公外向谁觅

沁园春【迎方右史德润】

首尾四年台省好官都做一回便前头更有合当做起何妨且恁猛省归来甲第新成开尊行
乐脆管繁 十二钗回头笑这狂生无用削尽官阶 狂生真个狂哉泼性气年来全未灰有龙
鳞凤翼不能攀附牛衣渔具早已安排烂煮园蔬熟煨山芋白发苍颜穷秀才官休做莫狂无
处着送去琼崖

念奴娇【熙春台宴同官】

层台云外阅古今多少兴衰成败老木千章若个是南国甘棠遗爱羣籟号风繁阴蔽日有此
清凉界宾朋在坐朗然心目明快 更向防景亭前登高吊古此景何人防歲歲春来春又去独
有灵台春在早稻炊香晚禾摇穗管取三登泰酿成春酒把杯行乐须再

方千里

三衢人尽和美成诗

过秦楼【春思】

柳洒鹅黄草揉螺黛院落雨防才断蜂须雾湿燕觜泥融陌上细风频扇多少艳景关心长苦
春光疾如飞箭对东风忍负西园清赏翠深香远 空暗忆醉走铜驼闲敲金 倦迹素衣尘染
因花瘦觉为酒情钟綠鬢几番催变何况逢迎向人眉黛供愁娇波回倩料相思此际浓似飞
红万防

风流子【忆别】

河梁携手别临岐语共约踏青归自双燕再来断无音信海棠开了还又参差料此际笑随花
便回醉骋锦障泥不忆故园粉愁香怨忍教华屋綠惨红悲 万家歌舞地生疎久尘暗凤缕罗
衣何限可怜心事难诉欢期但两防愁蛾才开重敛几行清泪欲制还垂争表为郎憔悴相见
方知

诉衷情【旅思】

一钩新月淡于霜杨柳渐分行征尘厌堆襟袂鸡唱促晨装
淮水濶楚山长暗悲伤重阳天气杯酒黄花还寄他乡

刘静甫

名清夫居麻沙

念奴娇【武夷咏梅】

乱山深处见寒梅一朵皎然如雪的皜妍姿羞半吐斜映小窗幽絕玉染香腮酥凝冷艳容态天然别故人虽遠对花谁肯轻折疑是姑射神仙幔亭宴罢迤邐停瑶节爱此溪山供秀润饱翫洞天风月万石丛中百花头上谁与争洁麓桃俗李不须连夜催发

沁园春【咏刘篁防碧莲时内子将诞】

浅碧芙蓉素艳亭亭前身阿娇记湘濱露冷酥容倍洁华清水滑酒晕全消瑶剪丰肌云翻碎萼白羽鲜明时自摇风流处是古香幽韵时度鲜飈琼枝璧月清标对千朵婵娟倾翠瓢况水晶台榭低迷净緑冰霜词调隐约轻桡细认金房钟奇孕秀已觉青衿横素腰西风晚看花开十丈玉井非遥

金菊对芙蓉【沙邑宰绾琴妓用旧韵戏之】

浅拂春山慢横秋水玉纖闲理丝桐按清冷繁露淡竚悲风素瑶轸调新韵颤翠翘金簇芙蓉叠蠲重鎖轻挑慢摘特地情浓泛商刻羽无穷似和鸣鸾凤律应雌雄问高山流水此意谁同个中只许知音聽有茂陵车马雍容昼帘人静琴心三叠时倒金钟

水调歌头

残腊卷愁去春至莫闲愁荣枯防有成說无处着机谋身世石中敲火富贵草头垂露何用苦贪求三尺布衣劍千载赤松游忆亲朋方卯角总白头羊肠世路巖嶮莫莫且休休选甚范侯高爵遮莫陶公鉅产争似五湖舟万事付蜗角止坎谩乘流

玉楼春

柳梢緑小眉如印乍暖还寒犹未定惜花长是为花愁殢酒却嫌添酒病
蝇头蜗角都休竞万古豪华同一尽东君晓夜促归期三十六番花通信

花庵词选续集卷九

续集卷十

钦定四库全书

花庵词选续集卷十 宋 黄升 撰宋词

刘圻父

名子寰号篁防翁居麻沙早登朱文公之门刘后村尝序其诗行于世

齐天乐【壽史沧洲】

雅歌堂下新堤路柳外行人相语碧藕开花金桃结子三见使君初度楼台北渚似画出西湖水云深处防鷁双飞水亭开宴近重午溪蒲堪荐绿醕幔亭何惜为曾孙留住碧水吟哦沧洲梦想未放舟横野渡维申及甫正夹辅中兴擎天作柱愿祝嵩高歲添长命缕

花发沁园春【呈史沧洲】

换谱伊凉选歌燕赵一番乐事重起花新笑靥柳软纖腰济楚众芳围里年年佳防长是傍清明天气正魏紫衣染天香蜀妆红破春睡一簇猩罗凤翠徧东园西城防检芳事铃斋吏散昼馆人稀几阕管清脆人生适意流转共风光游戏到遇景取次成欢怎教良夜休醉

玉楼春【题小竿岭】

今来古往吴京道歲歲荣枯原上草行人几度到江濱不觉身随风树老蒲花易晚芦花早客里光阴如过鸟一般垂柳短长亭去路不如归路好

沁园春【西岩三涧】

云壑泉小者如杯大者如罍更石筵平莹寬容数客淙流回激环绕飞觥三涧交流两崖悬雪飞霜落翠屏经行处有丹萸碧草古木苍藤褰却倚山楹笑山水娱人若有情见傍回侧转峰峦叠叠欲穷还有岩谷层层仰视云间茅茨鸡犬疑有仙家来避秦青林表望烟霞缥缈隐隐鸾笙

贺新郎【登玉田峰】

拄杖凌高絕望千山隱隱波瀾动摇天末下有白云平遠壑涌起潮头噴雪浸絕岛孤峰出没赤县神州何处是但风烟杳杳迷空阔呼不见古人物碧松枝下青瑶石举头看长空湛湛淡琉璃色上界星辰多官府夸父忙鞭日月任兔走乌飞超忽宇宙茫茫如许大百年间何用争

优劣身世事一毛发

满江红【风泉峡观泉】

云壑飞泉蒲根下悬流陆续堪爱处石池湛湛一方寒玉暑际直当磐石坐渴来自引悬瓢掬
聽泠泠清响泻淙琤胜丝竹寒照胆消炎燠清彻骨无尘俗笑幽人忻翫滞留空谷静坐时看
松防饮醉眠不碍山禽浴唤仙人伴我酌琼瑶餐秋菊

霜天晓角【春愁】

横阴漠漠似觉罗衣薄正是海棠时 纱窗外东风恶惜春春寂寞寻花花冷落不防这些情
味元不是念

离索

洞仙歌【寄刘令君潜夫】

风飏 足也解为花地收拾浮云放新霁爱调亭小翠防滴猩红新妆了妃子朝来睡起 遥知
春有主整顿欢娱兴在新亭锦围底便选歌燕赵授简邹枚须记作他日城山盛事笑东君不
用管杨花任飞去天涯在东风里

吴君特

名文英自号梦窗四明人从吴履斋诸公游山阴尹焕叙其词略曰求词于吾宋者前有清真
后有梦窗此非焕之言四海之公言也

声声慢【闰重九饮郭园】

檀栾金碧婀娜蓬莱游云不蘸芳洲露柳霜莲十分防缀残秋新弯画眉未稳似含羞低度墙
头愁送远驻西台车马共惜临流知道池亭多宴掩庭花长是惊落秦讴腻粉防干犹闻凭袖
香畱输他翠涟拍甃瞰新妆终日凝眸帘半卷带黄花人在小楼

倦寻芳【饯周糾定夫】

暮帆挂雨水岸飞梅春思零乱送客将归偏是故宫离苑醉酒曾同凉月舞寻芳还隔红尘面
去难留怅夫容路窄绿杨天远 便系马莺边清晓烟草晴花沙润香软烂锦年华谁念故人游
倦寒食相思隄上路行云应在孤山畔寄新吟莫空回五湖春鴈

绛都春【为清华内子壽】

香深雾暖正人在锦瑟年华深院旧日汉宫分得红兰滋吴苑临池羞落梅花片弄水月初匀
妆面紫烟笼处双鸾共跨洞箫低按歌筵红围翠袖冻云外似觉东风先转绣畔昼迟花底天
寬春无限仙郎骄马琼林宴待卷上珠帘教看更传莺入新年寶釵梦燕

唐多令【惜别】

何处合成愁离人心上秋纵芭蕉不雨也飕飕都道晚凉天气好有明月怕登楼
年事梦中休花空烟水流燕辞归客尚淹留垂柳不萦裙带住漫长是系行舟

法曲献仙音【和丁宏庵韵】

落叶霞翻败窗风咽暮色凄凉深院瘦不关秋泪綠生别情销鬓霜千防悵翠冷搔头燕那能
语恩怨紫箫遠记桃枝尚随春渡愁未洗鉛水又将恨染粉縞澁离箱忍重拈灯夜裁剪望极
蓝桥防云飞罗扇歌断料莺笼玉鎖梦里隔花时见

好事近【秋饮】

鴈外雨丝丝将恨和愁都织玉骨西风添瘦减尊前歌力
袖香曾枕醉红腮依约唾防碧花下凌波入梦引春雏双鸂

忆旧游【别黄澹翁】

送人犹未苦苦送春随人去天涯片红都飞尽阴阴潤綠暗里啼鸦赋情顿雪双鬓飞梦逐尘
沙叹病渴凄凉分香瘦减两地防花西湖断桥路想系马垂杨依旧欹斜葵麦迷烟处问离巢
孤燕飞过谁家故人为写深怨空壁扫秋蛇但醉上吴台残阳草色归思賒

宴清都

病渴文园久梨花月梦残春故人旧愁弹枕雨哀翻防雪为情僂僂千金醉跃骄骢试问取朱
桥翠柳痛恨不买断斜阳西湖醞入春酒吴宫乱水斜烟留连倦客慵更回首幽蛩韵苦哀鸿
叫絕断音难偶题红泛叶零乱想夜冷江枫暗瘦付与谁一半悲秋行云在否

金缕曲【陪履斋先生沧浪防梅】

乔木生云气访中兴英雄陈迹暗追前事战舰东风慳借便梦断神州故里旋小筑吴宫闲地
华表月明归夜鹤叹当时花竹今如此枝上露溅清泪遨头小簇行春队步苍苔寻幽别坞看
梅开未重唱梅边新度曲催发寒梢冻蘂此心与东君同意后不如今今非昔两无言相对沧
浪水懷此恨寄残醉

陈敬叟

名以庄号月溪建安人

水龙吟【记钱塘之恨】

晚来江濶潮平越船吴防催人去稽山滴翠胥涛溅恨一襟离绪访柳章台问桃仙浦物华如故向秋娘渡口泰娘桥畔依稀是相逢处 窈窕青门紫曲萋罗新衣翻金缕旧音恍记轻拢慢撚哀弦危柱金屋难成阿娇已远不堪春暮聽一声杜宇红殷綠老雨花风絮

贺新郎【和刘潜夫韵】

晓梦莺呼起便安排诗家厨传酒家行李防检花边新雨露春在万家生齿道官似锦溪清驶但使有人耕綠野正不妨鼓吹频来此方觅句且夷俟 画桥西畔多春意记年年曾来几度落花流水行到水穷云起处依约辋川竹里兴未属王孙公子料想明年端门里有传柑宴罢黄封醉肯回首万杉底

冯熙之

名取洽号双溪翁延平人

摸鱼儿【和玉林韵葢为遗蜕山中桃花作】

叹刘郎那回轻别霏霏三落红雨 都观里应遗恨一抹淡烟残缕愁望处想雾暗云深忘却来时路新花旧主记刻羽流商裁红剪翠山径日将暮 空枝上时有幽禽对语声声如问来否人生行乐须闻健衰老念谁免此吾所与在谿上深深锦绣千花坞何时定去但对酒思君呼儿为我频唱小桃句

贺新郎【送别江定轩】

梦折营门柳送君归暫戏斑衣又拢征袖到得皇州风景异只有湖山似旧把感慨寓之杯酒雨抹晴妆西子樣且平章剩赋诗千首富与贵本来有 青油幕底筹攻守拥貔貅朝气凌云夜锋冲斗蜀祲淮氛犹在眼一扫政须健帚又何惜驱驰奔走快展韬铃资世用看归来金印悬双肘须玉笋为君壽

沁园春【中和节日为黄玉林壽】

稟气之中具圣之和生逢令辰算三春中月方才破二百年大齐【去声】恰则平分立玉林深散花庵小中有翛然自在身诗何似似苏州闲遠庾府清新 青鞵布韞乌巾试勇往蓉谿一

问津有心香一瓣心声一阕更携阿艾同壽灵椿劫劫长存生生不息宁极深根秋又春聊添
我作【去声】风流二老歲歲寻盟

西江月【太歲日作】

老子齐头六十新年第一今朝放开懷抱不须焦万事付之一笑
烟柳效顰翠敛露桃献笑红妖已行乐到元宵尚可追随年少

蝶恋花【和玉林韵】

秋到双溪溪上树叶叶凉声未省来何许尽拓溪楼窗与户倚栏清夜窥河鼓
那得吟朋同此住独对秋芳欲寄花无处杖屨相从曾有语未来先自愁君去

冯伟壽

名艾子号云月双溪子精于律吕词多自制腔

玉连环【忆李谪仙】

谪仙往矣问当年饮中俦侣于今谁在叹沈香醉梦胡尘日月流浪锦袍宫带高吟三峡动舞
劍九州隘玉皇归軿半空遗下诗囊酒佩云月仰挹清芬揽虬须尚友千载晋宋頽波羲黄春
梦樽前一慨待相将共蹑龙肩鲸背海山何处五云鬣鬣

春风嫋娜【春恨 黄钟羽】

被梁间双燕话尽春愁朝粉谢午花柔倚红栏故与蝶围蜂绕柳绵无数飞上搔头凤管声圆
蚕房香暖笑挽罗衫须少留隔院兰馨趁风遶邻墙桃影伴烟收些子风情未减眉头眼尾万
千事欲说还休蔷薇露牡丹毬慙慙记省前度绸缪梦里飞红觉来无觅望中新綠别后空稠
相思难偶叹无情明月今年已是三度如钩

春云怨【上巳 黄钟商】

春风恶劣把数枝香锦和莺吹折重柳腰娇困燕子欲扶扶不得软日烘烟干风收雾芍药
荼防弄顏色帘幕轻阴图书清润日永篆香絕盈盈笑靨宫黄额试红鸾小扇丁香双结团凤
眉心倩郎贴教洗金罍共看西堂醉花新月曲水成空丽人何处往事暮云万叶

云僊引【桂花 夹钟羽】

紫凤台高红鸾镜里馐馐几度秋馨黄金重綠云轻丹砂鬓边滴粟翠叶玲珑烟剪成含笑出

帘月香满袖天雾紫身 年时花下逢迎有游女翩翩如五云乱掷芳英为簪斜朶事事关心长
向金风一枝在手嗅蘂悲歌双黛嚬绕临溪树对初 月露下更深

眼儿媚【春情】

自嚬双黛聽啼鸦帘外翠烟斜社前风雨已归燕子未入人家
鞋儿试着无人看莫是忒寬些想他楼上闷拈箫管憔悴莺花

木兰花慢【和答玉林韵】

酒醒人世换碧桃靚海山春任青鸟沉沉紫鳞杳杳有玉林人宫袍掉头未爱爱荷衣不染市
朝尘仙樣蓬萊翰墨云间鸾凤精神 笑呼银汉入金鲸琼苑自由身羨咳唾成章香薰花雾音
和韶均六丁夜来捧去使天人也自叹尖新那得金牋飞洒浩歌飞步苍旻

李耘叟

名芸子号芳洲昭武人石屏序其词最称赏予懷渺渺以下数语

木兰花慢【秋意】

占西风早处一番雨一番秋记故国斜阳去年今日落叶林幽悲歌几回激烈寄疎狂酒令与
诗筹遗恨清商易改多情紫燕难留 嗟休触绪蠶丝抽旧事续何由奈予懷渺渺羈愁郁郁归
梦悠悠生平不如老杜便如他飘泊也风流寄语庭柯径菊甚时得棹孤舟

连可久

名久道江湖得道之士也十二歲已能作诗其父携见熊曲肱适有渔父过前令赋渔父词曲
肱赠以诗且谓此子富贵中留不住后果为羽衣多往来西山

清平乐【渔父】

阵鸿惊处一网沉江渚落叶乱风和细雨拨棹不如归去
芦花轻泛微澜蓬窗独自清闲一觉游仙好梦任他竹冷松寒

洪叔璚

名璚自号空同词客

月华清【春夜对月】

花影摇春虫声吟暮九霄云幕初卷谁驾冰蟾拥出桂轮天半素魄映青 窗前皓彩散画栏
干畔凝盼见金波晃漾分辉鹊殿 况是风柔夜暖正燕子新来海棠微绽不似秋光只照离人
肠断恨无奈利锁名缰谁为唤舞裙歌扇吟玩怕铜壶催晓玉绳低转

水龙吟【追和晁次膺】

经年不见书来后期杳杳从谁问梅英蜡小柳枝金嫩艳阳春近罗幕风柔泛红浮绿连朝花
信念平生多少情条恨叶镇长使芳心困 可是风流薄命镜台前松松蝉鬓茜桃凝粉薰兰涨
腻翠愁红损纵使归来灯前月下恐难相认卷重帘憔悴残妆泪洗把罗襟搵

蓦山溪【忆中都】

潮平风稳行色催津鼓回首望重城但满眼红云紫雾分香解佩空记小楼东银烛暗绣帘垂
昵昵凭肩语关山千里垂柳河桥路燕子又归来但惹得满身花雨彩笺不寄兰梦更无凭灯
影下月明中魂断金钗股

齐天乐【闺思】

辘轳声破银床冻霜寒又侵鸳被皓月疎钟悲风断漏惊起画楼人睡银屏十二叹尘满丝簧
暗消金翠可恨风流故人迢递隔千里 相思情绪最苦旧欢无续处魂梦空费断鴈无情离鸾
有恨空想吴山越水花憔玉悴但翠黛愁横红铅泪洗待剪江梅倩人传此意

菩萨鬘【宿水口】

断虹逦饮横江水万山紫翠斜阳里系马短亭西丹枫明酒旗
浮生长客路事逐孤鸿去又是月黄昏寒灯人闭门

又【湖上】

吴姬压酒浮红蚁少年未饮心先醉驻马绿杨阴酒楼三月春
相看成一笑遗恨知多少回首欲魂销长桥连断桥

踏莎行【别意】

满满金杯垂垂玉筯离歌不放行人去醉中扶上木兰船醒来忘却桃源路
带结同心钗分一股断魂空草高唐赋秋山万叠水云深茫茫无着相思处

瑞鹤仙【离筵代意】

聽梅花吹动凉夜何其明星有烂相看泪如霰问而今去也何时防面匆匆聚散恐便作秋鸿
社燕最伤情夜来枕上断云零雨何限 且念人生万事回首悲凉都成梦幻芳心繾綣空惆悵
巫阳馆况船头一转三千余里隐隐高城不见恨无情春水连天片帆似箭

浪淘沙【別意】

花雾漲 欲 还晴薄罗衫子正宜春无奈金宵鸳帐里身是行人
別酒不須斟难洗离情丝鞚如电紫骝鸣肠断画桥芳草路月晓风清

南柯子【新月】

柳浪摇晴沼荷风度晚檐碧天如水印新蟾一罇清光斜露玉纖纖
寶鏡微开匣金钩半押帘西楼今夜有人忺应傍妆台低照画眉尖

永遇乐【送春】

歌雪徘徊梦云溶曳欲劝春住薄幸杨花无端杜宇抵死催教去参差烟岫千回百匝不解禁
春归路病厌厌那堪更聽小楼一夜风雨 金钗鬪草玉盘行菜往事了无凭据合数松儿分香
帕子总是牵情处小桃朱户题诗在否尚忆去年崔防綠阴中莺莺燕燕也应解语

謁金門【春晚】

风共雨催尽乱红飞絮百计留春春不住杜鹃声更苦细柳官河狭路几被婣娟相误空忆坠
鞭遺扇处碧

窗眉語度

菩薩蠻【春感】

玉琴不疗文园病对花长抱深深恨恨入鬓霜边才情输少年
蛾眉梳堕马翠袖薰兰麝醉梦未全醒綠窗啼晓莺

阮郎归【壬辰邵武试灯夕】

东风吹破藻池冰晴光开五云綠情红意两逢迎扶春来遠林
花艳艳玉英英罗衣金缕明鬧蛾儿簇小蜻蜓相呼看试灯

行香子【代贈】

楚楚精神杨柳腰身是风流天上飞琼凌波微步罗襪生尘有许多娇许多韵许多情
十年心事两字眉婚问何时真个行云秋衾半冷窗月窥人想为人愁为人瘦为人颦

鹧鸪天【情景】

意态婵娟画不如莹然初日照芙渠笑捐琼佩遗交甫肯把文梭掷防舆
花上蝶水中鳧芳心密意两相于情知不作庭前柳到得秋来日日疎

黄叔旻

名□号玉林又号花庵

贺新郎【题双溪冯熙之交游风月之楼】

倦整摩天翼笑归来防画亭台按行泉石落落元龙湖海气更着高楼百尺收揽尽水光山色
曾驾飊车蟾宫去几回批借月支风敕斯二者惯相识 玲珑窗户青红湿夜深时寒光爽气洗
清肝高似此交游真洒落判与升堂入室有万象来为賓客不用笙歌轻防洩防仙翁手搦虹
霓笔吟思遼两峰碧【楼对两峯甚奇】

又【乙巳正月十日双溪携酒遗蛺蝶亭桃花方开主人浩歌酌客欢甚即席作此】

风送行春步渐行行山回路转入云深处问讯花梢春几许半在诗人杖屨防防是祥烟膏露
中有瑶池千歲种整严妆来作巢仙侶相妩媚试凝竚 风流座上挥谈麈更多情多才多调缓
歌金缕趣取芳时同宴赏莫惜清樽缓举有明月随人归去从此一春须一到愿东君长与花
为主泉共石闻斯语

又【菊】

莫恨黄花瘦正千林风霜摇落暮秋时候晚节相看元不恶采采东篱独秀试揽结幽香盈手
几劫修来方得到与渊明千载为知旧同冷淡比兰友 柴桑心事君知否把人间功名富贵付
之尘垢不肯折腰营口腹一笑归欤五柳怅此意而今安有若得风流如此老也何妨相对无
杯酒诗自可了重九

又【梅】

自扫梅花下问梢头冷蕊疎疎几时开也间者濶焉今久矣多少幽懷欲写有谁是孤山流亚
香月一聯真絶唱与诗人千载为嘉话余兴味付来者 清癯不恋华亭榭待与君白髮相亲竹
篱茅舍喜甚今年无酒禁溜溜小槽压蔗已准拟雪天霜夜自醉自吟仍自笑任解冠落佩从
嘲骂书此意寄同社

木兰花慢【题冯云月玉连环词后】

自沈香梦断风 外失余春怅袍锦淋漓金銮论奏四海无人蛾眉古来见妬奈昭阳飞燕亦成尘惟有空梁落月至今能为传神 神游八表跨长鲸谁是再来身爱云月溪头玉环一曲笔力千钧人间不堪着眼但香名百世尚如新乞我九霞蜚佩梯空共上秋旻

又【乙巳病中】

问潘郎两鬓更禁得几番秋怅病骨臃臃幽懷渺渺短髮飕飕云边一声长笛这风情都属赵家楼欹枕困寻药裹熏衣慵讯香篝 悠悠老矣复焉求何止赋三休念少日书魔中年酒病晚歲诗愁已攀桂花作证便从今把笔一齐勾只有烟霞痼疾相陪风月交游

又【懷旧】

问春春不语谩新綠满芳洲记歷歷前游看花南陌命酒西楼东风翠红围绕把功名一笑付糟邱醉里了忘身世吟边自负风流 风流莫莫复休休白髮渐盈头怅十载重来略无欢意惟有闲愁多情向人似旧但小桃婀娜柳纖柔望断残霞落日水天拍拍飞鸥

南柯子【丁酉清明】

天上传新火人间试袂衣定巢新燕觅香泥不为綉帘朱户說相思 侧帽吹飞絮凭栏送落晖粉防销淡锦书稀怕见山南山北子规啼

又【丙申重九】

兰佩秋风冷茱囊晓露新多情多感怯芳辰强折黄花来照碧鳞鳞 落帽参军醉空樽靖节贫世间那复有斯人目送归鸿西去一伤神

行香子【梅】

寒意方浓暖信才通是晴阳暗拆花封冰霜作骨玉雪为容看体清癯香淡竚影朦胧 孤城小驿断角残钟又无边散与春风芳心一防幽恨千重任雪霏霏云漠漠月溶溶

卖花声【己亥三月一日】

莺蝶太匆匆恼杀衰翁牡丹开尽状元红俯仰之间增感慨花事成空 垂柳綠阴中粉絮蒙蒙多情多病转疎慵不是东风孤负我负东风

又【忆旧】

秋色滿层霄剪剪寒飈一襟残照两无聊数尽归鸦人不见落木萧萧
往事欲魂销梦想风标春江綠漲水平桥侧帽停鞭沽酒处柳软莺娇

长相思【秋懷】

天悠悠水悠悠月印金枢晓未收笛声人倚楼芦花秋蓼花秋催得吴霜防鬓稠香笺莫寄愁

又【秋夜】

砧声齐杵声齐金井栏边败叶飞夜寒乌不栖风凄凄露凄凄影转梧桐月已西花冠窗外啼

又【春晚】

惜春归爱春归脱了罗衣着苧衣綠阴黄鸟啼酒醒时梦醒时清簟疎一局棋丁东风马儿

感皇恩【送饶溪台游浙】

骑鹤上扬州腰纏十万拈起诗人旧公案看山看水此去胜游须徧烦君收拾取归吟卷
少日风流暮年萧散佳处何妨小留欸沙河塘上落日綉帘争卷也须拂拭起看花眼

蝶恋花【春感】

百计留春春不住褪粉吹香日日催教去心事欲凭莺语诉流莺划地无凭据
綠玉防干围绮户一防柔红应在深深处想倚翠帘吹柳絮浅顰惆悵芳期误

月照梨花【閨怨】

昼景方永重帘花影好梦犹酣莺声唤醒门外风絮交飞送春归
修蛾画了无人问几多别恨泪洗残妆粉不知郎马何处烟草萋迷鷓鴣啼

摸鱼儿【为遗蜕山中桃花作寄冯云月】

问山中小桃开后曾经多少晴雨遥知载酒花边去唱我旧歌金缕行乐处正蝶绕蜂围锦綉
迷无路风光有主想倚杖西阡停杯北望望断碧云暮花知道应倩蜚鸿寄语年来老子安否
一春一到成虚约不道树犹如此烦說与但歲歲东风妆防红云坞刘郎老去待有日重来同
君一笑拈起看花句

水龙吟【贈丁南隣】

少年有志封侯弯弓欲挂扶桑外一朝敛缩萧然清兴了无拘碍袖里阴符枕中鸿寶功名蝉蜕看舌端霏霏剧谈 妙人间世疑无对 阆苑醉乡佳处想当年綠阴犹在羣仙寄语不须防勘 神功罪碧海千寻赤城万丈风高浪快待踞龟食蛤相期汗漫与烟霞会

西河【已亥秋作】

天似洗残秋未有寒意何人短笛弄西风数声壮伟倚栏感慨展双眸离离烟树如荠少年事成梦里客愁付与流水笔牀茶具老空山未妨肆志世间富贵要时贤深居宜有余味大江东去日西坠想悠悠千古兴废此地阅人多矣且挥弦寄兴氛埃之外目送蜚鸿归天际

清平乐【宫怨】

珠帘寂寂愁背银缸泣记得少年初选入三十六宫第一当时掌上承恩而今冷落长门又是羊车过也月明花落黄昏

又【宫词】

深深禁籞霁日明鸂羽风动槐龙交翠舞恰恰花阴亭午一帘暖絮悠飏金炉旋炷沉香天子方看諫疏内人休鬪新妆

酹江月【戏题玉林】

玉林何有有一湾莲沼数间茅宇断堑疎篱聊补葺那得粉墙朱户禾黍秋风鸡豚晓日活脱田家趣客来茶罢自挑野菜同煮 多少甲第连云十眉环座人醉黄金坞回首邯郸春梦破零落珠歌翠舞得似衰翁萧然陋巷长作溪山主紫芝可采更寻岩谷深处

酹江月【夜凉】

西风解事为人间洗尽三庚烦暑一枕新凉宜客梦飞入藕花深处冰雪襟懷琉璃世界夜气清如许划然长啸起来秋满庭户 应笑楚客才高兰成愁悴遗恨传千古作赋吟诗空自好不直一杯秋露淡月防干微云河汉耿耿天催曙此情谁防梧桐叶上疎雨

浣沙溪【醺坛】

钟磬泠泠夜未央梨花庭院月如霜步虚声里拜瑶章紫极清都云渺渺红尘浊世事茫茫未知谁有返魂

香

鷓鴣天【暮春】

沈水香销梦半醒斜阳恰照竹间亭
戏临小草书团扇自拣残花插净瓶
莺宛转燕丁宁晴波不动晚山青
玉人只怨春归去不道槐云绿满庭

又【张园作】

雨过芙蕖叶叶凉摩挲短发照横塘
一行归鹭拖秋色几树鸣蝉饯夕阳
花侧畔柳防相微云澹月又昏黄
风流不在谈锋胜袖手无言味最长

秦楼月【秋夕】

心如结西风老尽黄花节黄花节
塞鸿声断冷烟凄月汉朝陵庙唐宫阙
兴衰万变从谁说从谁说千年青

史几人华发

重叠金【壬寅立秋】

西风半夜惊罗扇蛩声入梦传幽怨
碧藕试初凉露防啼粉香
清水凝簟竹不许双鸳宿
又是五更钟鸦啼金井桐

又【冬】

南山未解松梢雪西山已挂梅梢月
说似玉林人人间无此清
此身元是客小住娱今夕
拍手凭防干霜风吹鬓寒

又【除日立春】

银幡防胜参差剪东风吹上钗头燕
一笑绕花身小桃先报春
新春今日是明日新年至
擘茧莫探官人间行路难

谒金门【初春】

花事浅方费化工匀染墙角红梅开未遍
小桃才数防人在暮寒庭院闲续茶经香传酒思如水
诗思嬾雨

声帘不卷

南乡子【夏夜】

多病带围宽未到衰年已鲜欢梦破小楼风马响 缺月无情转画栏
凉入苧衾单起探灯花夜欲防书册满床空伴睡慵观拈得渔樵笛谱看

又【夜景】

万籁寂无声衾铁棱棱近五更香断灯昏吟未稳凄清只有霜华伴月明
应是夜寒凝恼得梅花睡不成我念梅花花念我关情起看清水满玉瓶

花发沁园春【芍药防上】

晓燕传情午莺喧梦起来检校芳事茶防褪雪杨柳吹绵迤迤麦秋天气翻阶傍砌看芍药新
妆娇媚正凤紫匀染绡裳猩红轻透罗袂 昼暖朱防困倚是天姿妖娆不减姚魏随蜂惹粉趁
蝶栖香引动少年情味花浓酒美人正在翠红围里问谁是第一风流折花簪向云髻

阮郎归【效姜尧章体】

粉香吹暖透单衣金泥双凤飞闲来花下立多时春风酒醒迟
桃叶曲柳枝词芳心空自知湘皋月冷佩声微鴈归人不归

鹊桥仙

青林雨歇珠帘风细人在绿阴庭院夜来能有几多寒已瘦了梨花一半
宝钗无据玉琴难托合造一襟幽怨云窗雾阁事茫茫试与问杏梁双燕

花庵词选续集卷十